

# 佛說大乘無量壽莊嚴清淨平等覺經眉注

《李炳南老居士全集》佛學類之八

◎序分：第一品至第三品，分通序與別序。

《通序》：【法會聖眾第一】【德遵普賢第二】

## 法會聖眾第一

如是我聞。一時佛在王舍城，耆闍崛山中。與大比丘眾萬二千人俱。一切大聖，神通已達。其名曰，尊者憍陳如，尊者舍利弗，尊者大目犍連，尊者迦葉，尊者阿難等，而為上首。又有普賢菩薩，文殊師利菩薩，彌勒菩薩，及賢劫中一切菩薩，皆來集會。

《眉注》◎憍陳如得度第一，此經要在普度，故比丘中推憍陳如為諸上首之先。

◎華嚴十大願王導歸極樂，諸菩薩中普賢最為契機，故上首中推先。

## 《閱讀參考》

一、六成就：諸經之通序。即信、聞、時、主、處、眾等六事。

二、憍陳如：五比丘之首。五比丘是佛最初所度，皆為佛之姻戚。

三、普賢菩薩：主一切諸佛之理德，行德，定德，與文殊之智德，證德相對。即理智一雙，行證一雙，三昧般若一雙。「以其是助化主故。釋有三義：一普賢當法界門是所入門，文殊當般若門是能入門。

二普賢三昧自在，文殊般若自在。三普賢明廣大之義，文殊明甚深之義，深廣一對。」

四、大行、大智、大慈含攝一切菩薩功德，表念佛法門含攝一切菩薩道。

## 德遵普賢第二

又賢護等十六正士。所謂善思惟菩薩，慧辯才菩薩，觀無住菩薩，神通華菩薩，光英菩薩，寶幢菩薩，智上菩薩，寂根菩薩，信慧菩薩，願慧菩薩，香象菩薩，寶英菩薩，中住菩薩，制行菩薩，解脫菩薩，而為上首。

《閱讀參考》

一、 十六正士 釋名 此十六名 士也	{	賢護	(鄰聖護法)
		善思惟	(妙思正道)
	{	慧辯才	(慧發辯才)
		觀無住	(觀心無住)
	{	神通華	(神通嚴身)
		光英	(智光燦英)
	{	寶幢	(德法如象寶幢)
		智上	(智慧最上)
	{	寂根	(本智寂靜)
		信慧	(信慧双契)
	{	願慧	(大願大慧)
		香象	(身有香風)
	{	寶英	(法體如寶燦英)
		中住	(不住二邊)
	{	制行	(制心精進)
		解脫	(自在無礙)

咸共遵修普賢大士之德，具足無量行願。安住一切功德法中。  
遊步十方，行權方便。入佛法藏，究竟彼岸。  
願於無量世界成等正覺。

《閱讀參考》

一、讚普賢德分二：初總讚，次廣讚。今初。

二、總讚分三：無量行願（修因）。權實二德（果德）。願成正覺（結）。

三、「華嚴經普賢行願品」十大行願：

一者禮敬諸佛。二者稱讚如來。三者廣修供養。四者懺悔業障。五者隨喜功德。

六者請轉法輪。七者請佛住世。八者常隨佛學。九者恒順眾生。十者普皆迴向。

捨兜率。降王宮。棄位出家，苦行學道，作斯示現，順世間故。

以定慧力，降伏魔怨。得微妙法，成最正覺。

#### 《閱讀參考》

一、廣讚分二：初讚所修行，次讚所成德。

二、讚所修行：依八相成道次序解說。此段為第一相至第六相。

三、八相：降兜率、託胎、出生、出家、降魔、成道、轉法輪、入涅槃。

天人歸仰，請轉法輪。常以法音，覺諸世間。破煩惱城，壞諸欲塹，洗濯垢污，顯明清白。

調眾生，宣妙理，貯功德，示福田，以諸法藥救療三苦。昇灌頂階，授菩提記。

為教菩薩，作阿闍黎，常習相應無邊諸行，成熟菩薩無邊善根。

無量諸佛咸共護念。諸佛剎中，皆能示現，譬善幻師，現眾異相。於彼相中，實無可得。

此諸菩薩，亦復如是。

通諸法性，達眾生相。供養諸佛。開導羣生。化現其身，猶如電光。

裂魔見網，解諸纏縛。遠超聲聞辟支佛地。入空無相無願法門。善立方便，顯示三乘。

於此中下，而現滅度。

### 《閱讀參考》

一、讚所修行，八相成道之第七相、第八相。第七相轉法輪分二：初釋轉法輪，二明菩薩行。

二、釋轉法輪分四句：總說；調眾生；教菩薩；諸佛護念。

三、明菩薩行分二：廣度群生；斷惑開慧。

四、「福田」：田以生長為義，於應供養者供養之，則能受諸福報，猶如農夫播種於田畝，有秋收之利。故名福田。

五、「灌頂」：含多重義，因地指入道，果地指加持證道。密教另有灌頂法。

六、「阿闍黎」：阿闍梨。軌範正行。矯正弟子行為，為其軌則師範高僧之敬稱。

七、「空無相無願法門」：（大乘了義，究竟圓滿。）

「空」：因緣所生之法，究竟而無實體曰空。又謂理體之空寂。

「無相」：真理之絕眾相也。無相有二義：一就「理」而言，理絕眾相，故名無相。二就「涅槃」法相而言，涅槃寂靜，離一切相（分別），故曰無相。維摩經文殊師利問疾品曰：「雖行無相而度眾生，是菩薩行。」。

「無願」：無願忍，謂由觀三界苦因，皆悉空故，即得無願忍。以煩惱集諦，性本清淨故也。

得無生無滅諸三摩地，及得一切陀羅尼門。

隨時悟入華嚴三昧，具足總持百千三昧。住深禪定。悉睹無量諸佛。於一念頃，徧遊一切佛土。得佛辯才。住普賢行。

### 《閱讀參考》

一、廣讚之二，讚所成德，分二：讚自成德，讚利他德。此段讚自成德。

二、「陀羅尼」：總持，總一切法，持無量義。能持能遮，持善法不使散失，持惡法不使生起之力用。分之為四種：

一、法陀羅尼，於佛之教法聞持而不忘。二、義陀羅尼，於諸法之義總持而不忘。

三、咒陀羅尼，於咒總持而不失。四、忍陀羅尼，安住於諸法之實相而不失。

三、「華嚴三昧」：佛華嚴三昧之略。以一真法界無盡緣起為理趣。達此理趣而修萬行，莊嚴佛果，謂之華嚴，一心修之謂之三昧。華嚴經及梵網經所說。

善能分別眾生語言。開化顯示真實之際。超過世間諸所有法。心常諦住度世之道。

於一切萬物，隨意自在。為諸庶類，作不請之友。

受持如來甚深法藏。護佛種性常使不絕。

興大悲，愍有情。演慈辯，授法眼。杜惡趣，開善門。於諸眾生，視若自己。拯濟負荷，皆度彼岸。悉獲諸佛無量功德。智慧聖明，不可思議。

《閱讀參考》

- 一、讚所成德之二：讚利他德。分二：初別釋，二總成。
- 二、別釋分三：能說無礙，度生無量，法益無上。（法施三輪體空）
- 三、「真實之際」：真實際，真際，實際。真實者，真如也，窮極真如之源底曰真實際。無量壽經曰：  
「分別顯示真實之際。」
- 四、「法眼」：菩薩為度眾生，以清淨法眼遍觀一切諸法，能知能行，謂因行是法，得證是道，亦知一切眾生種種方便門，令修令證也。

如是等諸大菩薩，無量無邊，一時來集。又有比丘尼五百人。清信士七千人。清信女五百人。欲界天，色界天，諸天梵眾，悉共大會。

《閱讀參考》

- 一、總結眾成就。
- 二、清信士：梵語優婆塞，受三歸五戒得清淨信心之男子。
- 三、清信女：梵語優婆夷，受三歸五戒具清淨信心之女子。

### 大教緣起第三

爾時世尊。威光赫奕，如融金聚，又如明鏡，影暢表裏。現大光明，數千百變。  
尊者阿難，即自思惟：今日世尊，色身諸根，悅豫清淨。光顏巍巍。寶剎莊嚴。從昔以來，  
所未曾見，喜得瞻仰，生希有心。  
即從座起，偏袒右肩，長跪合掌，而白佛言。  
世尊今日入大寂定。住奇特法，住諸佛所住導師之行，最勝之道。  
去來現在佛佛相念，為念過去未來諸佛耶？為念現在他方諸佛耶？何故威神顯耀，光瑞殊  
妙乃爾。願為宣說。

#### 《閱讀參考》

- 一、此段分四：佛現光明，見佛生心，讚佛聖德，問佛妙法
- 二、說法因緣成熟，佛放大光明，興起教化，令當機啟問。
- 三、見佛：身光莊嚴（正報），寶剎莊嚴（依報）。
- 四、讚佛：大寂定；奇特法，導師行，最勝道。（念佛三昧）
- 五、問法：啟問「念佛法門」。
- 六、阿難：阿難陀之略。在佛的弟子中，多聞第一。

阿含經：「知時明物，所至無疑，所憶不忘，多聞廣遠，堪忍奉上，所謂阿難比丘是。」

法華經：「阿難護持我法，亦護將來諸佛法藏，教化成就菩薩眾。」

佛滅後，摩訶迦葉結集三藏時，使阿難結集經藏。

七、「大寂定」：又稱大寂室三昧，大寂靜妙三摩地。如來所入之禪定也。

離一切散動，究竟寂靜，謂之大寂。

於是世尊，告阿難言。

善哉善哉。汝為哀愍利樂諸眾生故，能問如是微妙之義。汝今斯問，勝於供養一天下阿羅漢、辟支佛，布施累劫諸天人民、蜎飛蠕動之類，功德百千萬倍。何以故。當來諸天人民，一切含靈，皆因汝問而得度脫故。

阿難。如來以無盡大悲，矜哀三界，所以出興於世。光闡道教，欲拯羣萌，惠以真實之利。難值難見，如優曇花，希有出現。汝今所問，多所饒益。

阿難當知。如來正覺，其智難量，無有障礙。能於念頃，住無量億劫。身及諸根，無有增減。所以者何。如來定慧，究暢無極。於一切法，而得最勝自在故。

阿難諦聽，善思念之，吾當為汝分別解說。

### 《閱讀參考》

一、此段分三：讚問，讚佛，囑聽。



二、讚問：為利樂眾生而啟問。當來一切眾生，皆因而得度。

三、讚佛：開啟「念佛法門」，故先普讚一切諸佛。

四、讚佛分二：權智度眾（大悲出世，說真實法，難值難見。）

實智最勝（智無礙、時無礙、身無礙。於法自在。）

五、阿羅漢：聲聞乘之極果，諸漏已盡，梵行具足。含殺賊、無生、應供等義。

殺賊，殺盡煩惱賊。無生，解脫生死不受後有。應供，應受人天供養。

六、辟支佛：華言緣覺，三乘中之中乘。謂緣覺之人，發真無漏，功德力大，福慧深利，能除斷見思習氣，名辟支佛。（見思習氣：見思惑餘習之氣分。）

七、蜎飛蠕動：蜎飛者飛蟲也。蠕動者蛆蟲也。龍舒淨土文：「蜎飛謂微細飛蟲也，蠕動謂微細蛆蟲也。若此者佛尚化度，況於人乎？」

八、道教：正道之教也。指佛之教化。

（南北朝北魏寇謙之，稱太上老君授予「天師」之位，改革天師道，立「道教」。）

九、優曇花：優曇華。優曇，又作烏曇，花名。譯曰靈瑞，瑞應。

法華文句：「優曇花者，此言靈瑞。三千年一現，現則金輪王出。」

◎正宗分：第四品至第四十二品。（分三：明所行；明所成；明所攝。）

《明所行》彰彌陀如來本昔所修無量行願（第四品至第十品）

分二：明世間行（第四品）；明出世行（第五品至第十品）

【法藏因地第四】（初明世間行）

### 法藏因地第四（信）

佛告阿難。過去無量不可思議，無央數劫。有佛出世。名世間自在王如來，應供，等正覺，明行足，善逝，世間解，無上士，調御丈夫，天人師，佛世尊。在世教授四十二劫。時為諸天及世人民說經講道。

《閱讀參考》

一、此段明起行緣。

二、無央數劫：央者盡也，即無盡數之大劫。

劫：梵語劫簸之略，就世之相續遷變言之，不能以通常之年月計算之極長時節。

劫有小中大三者。一大劫有四中劫（成、住、壞、空），一中劫有二十小劫。小劫者，一增一減為一小劫。增劫，人壽自十歲起，每過百年增一歲，至八萬四千歲，為增劫之極。減劫，人壽自八萬四千起，每過百年減一歲，至十歲為減劫之極。一增一減，共計一千六百八十萬年，名一小劫。

三、佛之十號：前五佛之自德，後五利他之德。

古以多名為尊  
天竺三則以十法  
我國云所例


### 十號畧解

如來<sup>(乘如實之道而來成等正覺)</sup>  
<sup>(真如)</sup>  
<sup>(從因來果)</sup>  
應供<sup>(應受天人供養)</sup>  
正徧知<sup>(無錯無邪遍知一切)</sup>  
明行足<sup>(宿命天眼漏盡三明行具足)</sup>  
善逝<sup>(一切智為車行入正道而入涅槃)</sup>  
世間解<sup>(解世間有情非情事)</sup>  
無上士<sup>(法中涅槃無上生中佛為無上)</sup>  
調御丈夫<sup>(能調度一切丈夫使入修道)</sup>  
天人師<sup>(為天人尊師示其止作)</sup>  
佛世尊<sup>(覺者而為世間尊重)</sup>

有大國主名世饒王。聞佛說法，歡喜開解，尋發無上真正道意。棄國捐王，行作沙門，號曰法藏。

修菩薩道，高才勇哲，與世超異（所兼資質）。信解明記（知），悉皆第一。又有殊勝行願（行），及念慧力，增上其心（加強盛勢），堅固不動（不退）。修行精進，無能踰者（二句此總贊）。往詣佛所，頂禮長跪，向佛合掌，即以伽他（孤起頌）讚佛，發廣大願。頌曰

《眉注》◎前塞後開，昔迷今悟。 ◎信解行「證」。 ◎信進念定「慧」。



### 《閱讀參考》

- 一、法藏比丘依佛起行，分三：聞法發心，出家修道，往詣佛所禮讚發願。
- 二、念慧力：念力：謂念正助道法。念根增長，能破諸邪想，成就一切出世正念功德。慧力：調照了一切諸法。慧根增長，能除一切邪妄煩惱之力用。

如來微妙色端嚴（相）	一切世間無有等
光明無量照十方（光）	日月火珠皆匿曜
世尊能演一音聲（音化）	有情各各隨類解
又能現一妙色身（身化）	普使眾生隨類見

《眉注》◎三二相，如頂髻、白毫等。八十好，如不見頂、耳垂垂、高大不見孔等。

◎以上贊佛光音身皆能益眾故，是以可贊。

### 《閱讀參考》

- 一、全偈頌分三：讚佛，發願，證願。此段讚佛。

願我得佛清淨聲

宣揚戒定精進門（如是法音）

智慧廣大深如海

超過無邊惡趣門

無明貪瞋皆永無

亦如過去無量佛

法音普及無邊界

通達甚深微妙法（先達而後能宣）


內心清淨絕塵勞（如來藏由染還淨）

速到菩提究竟岸

惑盡過亡三昧力（惑過惡趣即三雜染）

為彼羣生大導師（示眾生範）

《眉注》◎此宣揚三無漏學可斷三毒，先求自證。



《閱讀參考》

一、發願又分二：自度與度眾。此段明自度。

二、三昧：又稱三摩地、三摩提、三摩帝。譯曰定、正定、正受、等持。

心念定止，安住一境而不動故云定。心正受所觀之法故曰正受。離掉舉故云等，心不散亂故云持。

（掉舉：身心隨外境之紛擾而動搖，不能攝伏，而生惱亂。）

（散亂：凡夫之心流蕩於六塵之境，一剎那亦不止住。）

三、如來藏：真如在煩惱中，攝藏如來一切果地功德，具足圓滿染淨諸法，名如來藏。真如出煩惱，謂之法身。

能救一切諸世間（塵）

生老病死眾苦惱

常行布施及戒忍（淨）

精進定慧六波羅（行六度拔眾苦）

未度有情令得度

已度之者使成佛

假令供養恆沙聖

不如堅勇求正覺（願使眾生究竟佛果）

《眉注》息妄契真會正名聖，地上菩薩始可稱聖。

#### 《閱讀參考》

一、發願之二：度眾。度眾又分二：共通法門與特別法門。此段明共通法門。

二、六波羅：六波羅蜜，六度。波羅蜜譯言度、到彼岸。度為度生死海，到彼岸為到涅槃岸。

行法有六種：一布施，二持戒，三忍辱，四精進，五禪定，六般若。

願當安住三摩地（法藏自住）

恆放光明照一切（光攝不捨）

感得廣大清淨居（願力所成極樂世界）

殊勝莊嚴無等倫（極樂狀況）

輪迴諸趣眾生類（惡趣）

速生我剎受安樂（樂邦）

常運慈心拔有情

度盡無邊苦眾生（不能當生成佛，可登往生不退）

《眉注》

全偈統系

├ 速登覺岸，為生導師。  
├ 常行六度，度生成佛。  
└ 感得樂剎，盡度眾生。

《閱讀參考》

一、度眾分二：共通法門與特別法門。此段明特別法門。

我行決定堅固力

唯佛聖智能證知

縱使身止諸苦中（度生苦行）

如是願心永不退

《閱讀參考》

一、全偈頌之三：證願。此段請佛證願。

二、堅固：謂心念之不變不動也。

## 【至心精進第五】

### 至心精進第五（解）


法藏比丘說此偈已，而白佛言。我今為菩薩道（旨在度眾），已發無上正覺之心，取願作佛，悉令如佛（發無上心）。

願佛為我廣宣經法（求法）【學法門】。我當奉持，如法修行（擬實行），拔諸勤苦生死根本【斷煩惱】，速成無上正等正覺（求證果）【成佛道】。

欲令我作佛時，智慧光明，所居國土，教授名字（分人法），皆聞十方（期普照）。諸天人民及蜎蠕類，來生我國，悉作菩薩（期普攝）。【度眾生】

我立是願，都勝無數諸佛國者（他佛土三種莊嚴皆不及此），寧可得否。

### 《眉注》



### 《閱讀參考》

- 一、本品分五段，第一段：法藏宏願問能滿否。分四句：發心；求法；誓願；問佛。
- 二、「分人法」：「人」指佛名，「法」指持名念佛。
- 「三種莊嚴」：正報莊嚴，依報莊嚴，說法莊嚴。



世間自在王佛，即為法藏而說經言，譬如大海一人斗量，經歷劫數，尚可窮底（設喻）（佛教人，多因喻得解）。人有至心求道，精進不止，會當剋果，何願不得（佛證可成）。汝自思惟，修何方便，而能成就佛剎莊嚴。如所修行（采用何法），汝自當知。清淨佛國，汝應自攝（反問）。（發其憤悱）

《眉注》◎二段：自在王佛因其憤悱，先答後問，啟發其心。

《閱讀參考》

- 一、分二句：答問增益，反問啟發。
- 二、剋，剋：（一）戰勝，通「克」。（二）限定、約期。如剋期。（三）能夠。∴
- 三、憤悱：鬱悶不舒。

法藏白言，斯義宏深（指勝諸佛國），非我境界（菩薩不解佛境）。唯願如來，應正徧知，廣演諸佛無量妙剎（菩薩自思所出）。若我得聞，如是等法，思惟修習（廣求簡擇），誓滿所願。世間自在王佛知其高明（智慧），志願深廣（慈悲）。即為宣說二百一十億諸佛剎土（十萬萬世界為一佛剎）功德嚴淨，廣大圓滿之相，應其心願，悉現與之（應願與說與現）。說是法時，經千億歲（誨人不倦，學而不厭）。

《眉注》◎廣演無量，大哉大哉！

◎三段：求法得法。

二門俱增 ┌ 智慧  
                 └ 慈悲

《閱讀參考》

- 一、「二百一十億諸佛剎土」：二百一十億表十方佛剎，有報土有化土，有粗有妙，有染有淨。法藏取其中莊嚴淨妙之大成。
- 二、「說是法時，經千億歲」：表說法現土之詳盡，亦顯時間延促無礙。

爾時法藏聞佛所說，皆悉睹見（承佛威力方能睹見），起發無上殊勝之願【聞成就】。於彼天人善惡，國土麗妙，思惟究竟。便一其心，選擇所欲，結得大願【思成就】。精勤求索。恭慎保持。修習功德，滿足五劫。於彼二十一俱胝佛土，功德莊嚴之事，明了通達，如一佛剎。所攝佛國，超過於彼（純勝無劣）【修成就】。

《眉注》◎四段：為法藏三慧成就。

◎ 此界艱難構成 ┌ 自在王佛千億歲說法  
                         └ 法藏比丘五劫善修

◎此世界為集二百一十億佛土之莊嚴相而成且超過之。

《閱讀參考》

- 一、「修習功德，滿足五劫」：思惟修習，發大誓願，經於五劫。即於五劫中，以清淨心思惟修習，攝取諸佛國土之勝妙，建構廣大誓願，而發大願。
- 二、「俱胝」：大數名。俱致、拘致。譯為千萬，或言億、十億，或百億。  
「而甚不同，故存本。」

既攝受已，復詣世自在王如來所。稽首禮足，繞佛三匝，合掌而住。自言世尊。我已成就莊嚴佛土，清淨之行（向佛述成）。

佛言善哉。今正是時。汝應具說，令眾歡喜（得所依怙）。亦令大眾，聞是法已，得大善利（希其獲得實益）。能於佛剎（指法藏土），修習（指生）攝受（揚法藏），滿足無量大願（使法藏如願）。（攝受解如「生自取受」亦佳，與此段首之義同，彼為「法藏取受」，此為「眾生取受」。）

《眉注》◎第五段：佛教依所成就具為宣揚。

◎眾謂眾生。大眾謂自在王佛前大眾。修習攝受合二眾字而言。

《閱讀參考》

- 一、「既攝受已」：法藏取受。法藏比丘聞思修成就大誓願。（修習）
- 二、「令眾歡喜」（得所依怙）：令一切眾生聞大願，知未來能得到大依怙，而生歡喜。（怙：倚靠）
- 三、「修習攝受」：「修習（指生）攝受（揚法藏）」（合二眾字而言）

當法藏比丘大願成就，一切眾生（包含佛前大眾及無量眾生）都能在法藏（阿彌陀佛）所成就之佛剎（極樂世界），修學殊勝妙法（生自取受），並宣揚妙法，教化一切眾生（揚法藏）。

### 【發大誓願第六】

◎「奉漢吳二譯，以二十四為綱。復準魏唐兩本，以四十八為目。」

◎二十四綱分科：（眉注）

一至六：往生報身之妙。（第一願至第十二願） 七至九：佛德莊嚴涵濡。（第十三願至第十七願）

十至十四：聞名普益。（第十八願至第二十七願）

十五至十七：眾生來生獲法之益。（第二十八願至第三十六願）

十八至二十：物華莊嚴之享樂。（第三十七願至第四十一願）

二十一、二十二：香光普攝十方眾生。（第四十二願、第四十三願）

二十三、二十四：助十方菩薩圓成佛果。（第四十四願至第四十八願）

#### 發大誓願第六（願）

法藏白言。唯願世尊。大慈聽察。

我若證得無上菩提，成正覺已。所居佛剎，具足無量不可思議功德莊嚴（願勝諸佛國土，以諸佛土皆有缺陷）。

無有地獄，餓鬼，禽（卵）獸（胎），蜎飛（化）蠕動（濕）之類。

所有一切眾生，以及焰摩羅界，三惡道中，來生我剎。受我法化。悉成阿耨多羅三藐三菩提。不復更墮惡趣。得是願，乃作佛。不得是願，不取無上正覺。

(一、國無惡道願。二、不墮惡趣願。)

《眉注》◎三者為苦之最，各土多具三塗。

◎惡業未盡，善業成熟可生善道。福盡仍墮，更多因福造惡亦當再墮。

《閱讀參考》

- 一、焰摩羅：閻摩羅、琰魔羅、閻羅等。譯曰縛，縛罪人之義。又譯雙世，彼於世中，常受苦樂二報之義。又譯雙王，兄妹二人並王之義。又譯平等王。平等治罪之義。地獄之王也。
- 二、阿耨多羅三藐三菩提：佛智之名。舊譯無上正遍知。新譯無上正等正覺。「阿為無，耨多羅為上，三為正，藐為等，三菩提為正覺。」大智度論：「唯佛一人智慧為阿耨多羅三藐三菩提。」

我作佛時。十方世界，所有眾生，令生我剎。皆具紫磨真金色身（磨謂無垢精金也）。

三十二種大丈夫相。端正淨潔，悉同一類。若形貌差別，有好醜者，不取正覺。

(三、身悉金色身。四、三十二相願。五、身無差別願。)

《眉注》◎十方眾生形色不一。色相端嚴令人起敬，亦是福報。

◎好醜不一，驕嫉因生。

《閱讀參考》

- 一、紫磨真金：紫磨金、紫磨黃金。紫者紫色也，磨者無垢濁也。  
「金之精者名為紫磨，猶人之有聖也。」「華俗謂上金為紫磨金」。

二、三十二種大丈夫相：三十二相，三十二大人相。具此相者在家為轉輪聖王，出家則為無上覺，為天竺國人相之說。如來應化之體，表彰於身相，現此三十二相，以表法身眾德圓極，使見者生敬，有勝德可崇，人天中尊，眾聖之王。

三、嫉：嫉即嫉妒，隨煩惱。見他人榮富，持心不平，常懷嫉妒，惱亂於心。

我作佛時。所有眾生，生我國者，自知無量劫時宿命，所作善惡。

皆能洞視，徹聽，知十方去來現在之事。不得是願，不取正覺。

（六、宿命通願。七、天眼通願。八、天耳通願。）

《眉注》◎昧於因果，方起貪瞋無明我執。

《閱讀參考》

一、六通：六種智證通，三乘聖者所得之神通。有六種：即天眼通、天耳通、他心通、宿命通、神足通、漏盡通也。亦稱六神通。

二、宿命通：能知自身一世、二世乃至百千萬世宿命，及所作之事；亦能知六道眾生，各各宿命，及所作之事，無有障礙。

三、天眼通：能見六道眾生，死生苦樂之相，及世間種種形色，無有障礙。

四、天耳通：能聞六道眾生，苦樂憂喜語言，及世間種種音聲，無有障礙。

五、漏盡通：三乘之極致，諸漏（即一切煩惱）斷盡而無礙自在之智。

我作佛時。所有眾生，生我國者，皆得他心智通。若不悉知億那由他百千佛刹，眾生心念者，不取正覺。（九、他心通願。）

《眉注》◎知彼知己方能契機度眾，亦可取作觀摩。

《閱讀參考》

一、他心智通：他心通。知他心之智自在無礙。於他人心中思惟種種善惡之事，悉能了知。

般若經：「他心通，能如實知十方沙界他有情類心心所法，謂偏知他貪瞋痴等心，離貪瞋痴等心。乃知聚心散心，小心大心，寂靜不寂靜心，解脫不解脫心，皆如實知。」

我作佛時。所有眾生，生我國者，皆得神通自在、波羅蜜多。

於一念頃（念即云刹那，一彈指六十刹那），不能超過億那由他百千佛刹，周徧巡歷，供養諸佛者，不取正覺。十、神足通願。十一、徧供諸佛願。）

《眉注》◎到彼岸須得佛智，得佛智須侍多佛，自必先得神足，方易作到。

《閱讀參考》

一、神足通：（亦名如意通）身如其意，隨意變現，隨念即至，飛行自在，一切所為，無有障礙。可在一想念間，達十方無量國土，變化無窮。

我作佛時。所有眾生，生我國者，遠離分別（戒共定），諸根寂靜（定共戒）。若不決定成正覺（慧），證大涅槃者（見前），不取正覺。十二、定成正覺願。）

【以上六願係往生報身之妙】

《眉注》◎前已徧供諸佛得佛智慧，方能證大涅槃。

《閱讀參考》

一、大涅槃：佛果，即成就佛道。「悉成阿耨多羅三藐三菩提」

涅槃，又作泥洹。舊譯為滅，滅度，寂滅，解脫等。新譯為圓寂。

滅度者，滅生死之因果，度生死之瀑流也。寂滅者，寂為空寂，無惑業因緣之造作；滅者滅生死之大患。解脫者，解煩惱縛，脫生死苦。圓寂，圓滿一切智德，寂滅一切惑業。

我作佛時。光明無量，普照十方，絕勝諸佛，勝於日月之明，千萬億倍。

若有眾生，見我光明，照觸其身，莫不安樂（三毒息故安，諸苦滅故樂）。慈心作善，來生我國。若不爾者，不取正覺。（十三、光明無量願。十四、觸光安樂願。）

《眉注》◎是名無量光佛

◎彌陀疏鈔擷謂：諸佛光照二百萬世界，彌陀光照千萬世界，實亦然。

法藏既取二百一十億世界，明了通達如一佛剎，其光所照當亦如二百一十億之數。

經曰通（達）如一，非照何能爾耶。



《閱讀參考》

- 一、彌陀疏鈔：「十方諸佛，頂中光明。有照一里者，二里者，如是漸遠，有照二百萬里者。有照一世界者，二世界者，如是漸遠，有照二百萬世界者。唯阿彌陀佛光明，照千萬世界無有窮盡，故號無量光佛。」

我作佛時。壽命無量。

國中聲聞天人無數，壽命亦皆無量。假令三千大千世界眾生，悉成緣覺（人多），於百千劫（時長），悉共計校。若能知其量數者，不取正覺。（十五、壽命無量願。十六、聲聞無數願。）

《眉注》◎是名無量壽佛。

《閱讀參考》

- 一、聲聞：謂聞佛聲教，依四諦法，修道證真諦理，是名聲聞。  
（四諦：苦諦、集諦、滅諦、道諦。）
- 二、緣覺：又名辟支佛。於佛世，稟佛教法，觀十二因緣，覺真諦理，是名緣覺。  
若於無佛之世，觀諸法生滅因緣，而自悟道者，名為獨覺。  
（十二因緣：無明、行、識、名色、六入、觸、受、愛、取、有、生、老死。）

我作佛時。十方世界無量剎中，無數諸佛。若不共稱嘆我名，說我功德國土之善者，不取正覺。（十七、諸佛稱嘆願。）

【以上三願係佛德莊嚴涵濡】

《眉注》◎度生之普，實為諸佛所不及，諸佛剎亦遜此土。

《閱讀參考》

- 一、「稱嘆我名，說我功德國土之善」：讚歎極樂淨土，弘揚持名念佛之法。
- 二、涵濡：浸漬。比喻德澤優渥。

我作佛時。十方眾生，聞我名號，至心信樂。所有善根，心心回向，願生我國。乃至十念，若不生者，不取正覺。唯除五逆，誹謗正法。（十八、十念必生願。）

《眉注》◎觀經下品下生並收五逆，須遇善知識教令稱念，當有助念之功，念者且須至心不絕。

此處謂無是因緣，倘如觀經所云亦得感應。

《閱讀參考》

- 一、至心：至誠之心也。又至極之心也。「至心者徹到心源，盡心實際，故言至心。」
- 二、五逆：又曰五無間業。五種極逆於理的罪惡，為感無間地獄苦果之惡業。即殺父、殺母、殺阿羅漢、出佛身血，破和合僧。（通三乘，另有別說）
- 三、誹謗正法：正法為佛法。誹謗佛法也。其罪最重，永不成佛，故曰謗法闡提。（闡提為不成佛之義）（不修成佛之因故）

我作佛時。十方眾生，聞我名號，發菩提心。修諸功德。奉行六波羅蜜（度他）（發心）。堅固不退（因地不退）。復以善根迴向，願生我國（自度）。一心念我，晝夜不斷。臨壽終時，我與諸菩薩眾迎現其前。經須臾間，即生我刹，作阿惟越致菩薩（七地以上）。不得是願，不取正覺。（十九、聞名發心願。二十、臨終接引願。）

《眉注》◎此係行菩薩道之大心眾生，故往生便超七地。

◎三僧祇劫，地前一大僧祇，地上至七地亦如之。

#### 《閱讀參考》

一、須臾：猶言暫時，時量也。

俱舍論：「百二十剎那為恒剎那量。臘縛此六十，此三十須臾。」（剎那，譯言一念，時之最少者。）

二、阿惟越致：又作阿鞞跋致，或作阿毘跋致，譯曰不退轉。是菩薩階位之名。不退轉成佛進路之義。

大品般若經：「是不人不為諸魔所動，更無退轉。」

翻釋名義集：「不退有三義：入空，位不退；入假，行不退；入中，念不退。……大智論云：無生忍法，即是阿鞞跋致地。」

無生忍：了達諸法本來無生，亦無有滅，諦審忍可，而妄念不起。七地、八地、九地菩薩，妄惑已盡，了知諸法悉皆不生，故名無生忍。

（七地遠行地，八地不動地，九地善慧地，十地法雲地。）

我作佛時。十方眾生，聞我名號。繫念我國。發菩提心，堅固不退。植眾德本，至心迴向。欲生極樂，無不遂者。若有宿惡，聞我名字，即自悔過（暗破明生故）。為道（慧）作善（福）。便持經戒。願生我刹，命終不復更三惡道，即生我國。若不爾者，不取正覺。

（二十一、悔過得生願。）

《眉注》◎此非普通之不退，聲緣也。

◎帶業往生重在懺悔，以佛號戒德之力，俾舊種不起現行，不必惑盡也。此真奇特。不必如提婆達兜，先墮地獄。

《閱讀參考》

一、帶業往生：帶業往生者，乃識田含藏之舊種子，不加增上緣，無由而起現行。念佛之新種子，淨緣常薰，念念增長，先起現行，故得往生。舊種仍未斷滅，故曰帶業。（佛說阿彌陀經義蘊）

我作佛時。國無婦女。若有女人，聞我名字，得清淨信。發菩提心。厭患女身（女身有十苦），願生我國。命終即化男子，來我刹土。

十方世界諸眾生類，生我國者，皆於七寶池蓮華中化生（無不清淨）。若不爾者，不取正覺。

（二十二、國無女人願。二十三、厭女轉男願。二十四、蓮華化生願。）

《眉注》◎種子、住處、相、體、究竟不淨。（五不淨觀）

《閱讀參考》

一、女身十苦

女子十苦：生時苦（父母不悅）——嫁後苦（為夫禁制）  
嬰孩苦（親屬懶提攜）——生子苦（猶如重病）  
偏憎苦（促衣食祿）——養兒苦（屎尿常理）  
閨閫苦（躲避畏人）——無和苦（事難自理）  
出嫁苦（遠離父母）——老來苦（兒孫拘累）

「閨閫」：古稱女子所居住的內室。

二、女身三障十惡：《佛說玉耶女經》

佛告玉耶：「一者小時父母所障，二者出嫁夫主所障，三者老時兒子所障，是為三障。何等十惡？

一者生時父母不喜。二者養育無味。三者常憂嫁娶失禮。四者處處畏人。五者與父母別離。六者倚他門戶。七者懷妊甚難。八者產生時難。九者常畏夫主。十者恒不得自在。是為十惡。」

三、不淨觀：五停心觀之一，為治貪心，觀身之不淨。有二：觀他身與觀自身。

觀他身不淨有五：一種子不淨：以過去之結業為種，現以父母之精血為種。二住處不淨，住母胎不淨處。三自相不淨，身具有九孔，常流出不淨物。四自體不淨，由三十六種不淨物合成。五終竟不淨（究竟不淨），此身死竟，埋則成土，蟲噉成糞，火燒則為灰，究竟推求，無一淨相。

觀自身不淨有九相：腫脹，青瘀，膿爛，壞，血塗，蟲噉，骨鎖，分散，燒。（即終竟不淨）

我作佛時。十方眾生，聞我名字，歡喜信樂，禮拜歸命。以清淨心，修菩薩行。諸天世人，莫不致敬。若聞我名（聞而未暇修持者），壽終之後，生尊貴家。諸根無缺。常修殊勝梵行（一染識田終成道種）。若不爾者，不取正覺。

（二十五、天人禮敬願。二十六、聞名得福願。二十七、修殊勝行願。）

【以上五願係聞名普益】

《閱讀參考》

一、梵行：梵即淨也。謂菩薩無空有二邊受著之染，名之為淨；以此淨心，運於慈悲，與眾生樂，拔眾生苦，故名梵行。《三藏法數》

我作佛時。國中無不善名。所有眾生，生我國者，皆同一心。住於定聚（由因至果）。永離熱惱，心得清涼。所受快樂，猶如漏盡比丘。若起想念，貪計身者，不取正覺。

（二十八、國無不善願。二十九、住正定聚願。三十、樂如漏盡願。三十一、不貪計身願。）

《眉注》◎煩惱不起，精進不退。定聚又名不退位。

◎不實移轉身見。蘊界處假合並無本體。

《閱讀參考》

一、定聚：正定聚也，三聚之一。三乘之行人，各修其因，正得其果之位也。又名不退位。

（三聚：正定聚、邪定聚、不定聚。）

二、熱惱：逼於劇苦而身熱心惱也。法華經：「以三苦故，於生死中受諸熱惱。」

三、漏盡比丘：煩惱斷盡之比丘，即阿羅漢也。

四、蘊界處：五蘊、十二處、十八界，三門合稱三科。

五蘊：色蘊、受蘊、想蘊、行蘊、識蘊。十二處：六根六塵合稱十二處，又稱十二入。

十八界：六根、六塵、六識合稱十八界。

為令眾生於諸法所迷處，能起細觀，故有三科不同。迷心不迷色，則合色開心為五蘊。

若迷色不迷心，則合心開色為十二入。若心色俱迷，則心色各開為十八界。

我作佛時。生我國者，善根無量。皆得金剛（體堅力強）那羅延（力士神名）身，堅固之力。身頂皆有光明照耀。成就一切智慧。獲得無邊辯才。善談諸法秘要，說經行道，語如鐘聲（清越遠遍）。若不爾者，不取正覺。

（三十二、那羅延身願。三十三、光明慧辯願。三十四、善談法要願。）

#### 《閱讀參考》

一、金剛那羅延身：謂其體堅固如金剛，其力強如那羅延神之神也。

那羅延譯言勝力，或堅牢。天上力士之名。《佛學大辭典》

二、辯才：善巧說法義之才能。分別有四，謂之四無礙辯。

四無礙辯，亦名四無礙解，亦名四無礙智。

四無礙辯：菩薩於此四法，智慧明了，通達無滯，辯說融通。

- 一、法無礙辯：菩薩通達一切諸法名字，分別無滯。
- 二、義無礙辯：菩薩了知一切諸法義理，通達無滯。
- 三、辭無礙辯：菩薩於諸法名字義理，隨順一切眾生殊方異語，為其演說，能令各各得解，辯說無滯。
- 四、樂說無礙辯：菩薩隨順一切眾生根性所樂聞法，而為說之，圓融無滯。

我作佛時。所有眾生，生我國者，究竟必至一生補處。

除其本願為眾生故，被弘誓鎧，教化一切有情，皆發信心，修菩提行，行普賢道。雖生他方世界，永離惡趣。或樂說法，或樂聽法（即聞思自求法門），或現神足（即變現自在）。隨意修習，無不圓滿。若不爾者，不取正覺。（三十五、一生補處願。三十六、教化隨意願。）

【以上三願係眾生來生獲法之益】

《眉注》◎度生必使之行普賢道，方展轉而化，生得普度，佛種亦不絕也。

◎說法聽法現通，皆為度眾。

《閱讀參考》

- 一、一生補處：盡此一生即補佛位稱一生補處。補處為即將紹承佛位之菩薩，是菩薩最末身的別號，如現居兜率天的彌勒菩薩。
- 二、弘誓鎧：（譬喻）弘誓之心堅如鐵，可以此心奮進生死之陣頭，故比之於鎧。《佛學大辭典》（鎧：古代戰士所穿的護身鐵甲。）



我作佛時。生我國者，所須飲食，衣服，種種供具，隨意即至。無不滿願。  
十方諸佛，應念（感應起念）受其供養。若不爾者，不取正覺。  
（三十七、衣食自至願。三十八、應念受供願。）

《閱讀參考》

- 一、順眾生心而說飲食，衣服，供具。極樂世界之依報境界，為彌陀願力所成，眾生受用之時，皆得法樂。
- 二、「彼佛教化，大異尋常。與樂說法，原非二事。只去莊嚴六塵，任人追逐，即是說法。眾生恣意享樂，即是修持。比到六塵享備，妙悟已成。」  
（佛說阿彌陀經義蘊）

我作佛時。國中萬物，嚴淨，光麗，形色殊特。窮微極妙，無能稱量。其諸眾生，雖具天眼，有能辨其形色，光相，名數，及總宣說者，不取正覺。  
（三十九、莊嚴無盡願。）

《眉注》

- ◎此世界乃世自在王佛舉出二百一十億佛剎，宣說千餘（億）歲，經法藏菩薩五劫之選擇結成，不得佛智何能測知。

我作佛時。國中無量色樹，高或百千由旬。道場（說法之處）樹高，四百萬里。諸菩薩中，雖有善根劣者，亦能了知。

欲見諸佛淨國莊嚴，悉於寶樹間見。猶如明鏡，睹其面像。若不爾者，不取正覺。

（四十、無量色樹願。四十一、樹現佛剎願。）

【以上三願係物華莊嚴之享樂】

《眉注》◎前指萬物，此僅指樹。他剎盡於此現。

《閱讀參考》

一、由旬：印度計里程的數目，指帝王一日行軍之里程。每由旬有三十里、四十里、五十里、六十里等說法。

我作佛時。所居佛剎，廣博嚴淨，光瑩如鏡，徹照十方無量無數，不可思議諸佛世界（眼緣色塵總依光明。彼土無日月星曜，物自發光。他方世界既攝此間光，此自然徹照他方）。眾生睹者（或天眼所見，或定中所見，或因緣感召），生希有心（起羨欣意）。若不爾者，不取正覺。

（四十二、徹照十方願。）

《眉注》◎此光普攝諸剎。

◎前第二十五至二十七願係他方眾生聞佛之名而得利益。此處僅見彼剎之光，道心自然而生。

我作佛時。下從地際，上至虛空。宮殿，樓觀，池流，華樹，國土所有一切萬物，皆以無量寶香合成（七寶亦發香氣）。其香普熏十方世界。眾生聞者，皆修佛行。若不爾者，不取正覺。（四十三、寶香普熏願。）

【以上二願係香光普攝十方眾生】

《眉注》◎空中聞妙香，眾生蒙習熏之力，能使意念清淨，因而修佛者，近例甚多。

《閱讀參考》

一、寶香：淨土萬物皆以無量雜寶與百千種香合成。

二、香光莊嚴：心念佛，佛隨逐於吾身，猶如染香氣之人，身有香氣也。

楞嚴經：「子若憶母如母憶時，母子歷生不相違遠。若眾生心憶佛念佛，現前當來必定見佛。去佛不遠，不假方便自得心開。如染香人身有香氣，此則名曰香光莊嚴。」〔佛學大辭典〕

我作佛時。十方佛剎諸菩薩眾（菩薩亦是眾生），聞我名已，皆悉逮得清淨，解脫，普等三昧。諸深總持。住三摩地。至於成佛。

定中常供無量無邊一切諸佛，不失定意。若不爾者，不取正覺。

（四十四、普等三昧願。四十五、定中供佛願。）

《眉注》◎見相多有貪著失定者。

《閱讀參考》

一、三種三昧

三種三昧 { 清淨 (離惡行之過失離煩惱之垢染)  
解脫 (離惑業之繫縛脫三界之苦累) } 雲散日出之喻  
至平等 (至目見一切諸佛而與齊等也)

二、深總持：深妙之總持。梵語陀羅尼，譯作總持。

我作佛時。他方世界諸菩薩眾（極樂之菩薩，證忍不退，自然平等）。聞我名者，證離生法。獲陀羅尼。清淨歡喜，得平等住（聞名生信，歡喜得住）。修菩薩行（以信念彌陀化他），具足德本（能普化他，德本方足）。應時不獲一二三忍，於諸佛法，不能現證不退轉者（以化他之功故得斯果，不必待往生以後也），不取正覺。

（四十六、獲陀羅尼願。四十七、聞名得忍願。四十八、現證不退願。）

【以上二願係助十方菩薩圓成佛果】

《眉注》◎一說前第十二願乘願他方化眾之菩薩，雖不重回極樂，亦使得到一生補處。（三十五、三十六願）

◎一說，他方菩薩聞彌陀度生願力之普之大，咸起希有之心，趨步彌陀心，既投入彌陀願海，自感彌陀加攝也，故速得忍。

《閱讀參考》

一、五忍：

五忍 { 伏忍(十住十行十回向之間未斷煩惱種子制伏不復現起之位)  
信忍(初至三地間既見法性得正信之位)  
順忍(四至六地間順菩提道趣向無生果之位)  
無生忍(七至九地間悟入諸法無生之位)  
寂滅忍(十地妙覺間或至涅槃之位)

二、三忍：三忍有三種，無量壽經第四十八願得三法忍之願，言第一二三忍，未舉其法忍之名，故諸師之解不同，約有三種：

(一) 為仁王經所說五忍之前三者，即伏忍、信忍、順忍也。

(二) 為無量壽經云往生極樂之人聞七寶樹林之音聲，而得三種之忍：

一音響忍，由音響而悟解真理者。(聞佛名、法音)

二柔順忍，慧心柔軟，能隨順真理者。(離雜染)

三無生法忍，證無生之實性而離諸相者，是悟道之至極也。

《註》此三忍對應仁王經五忍為「信忍、順忍、無生忍」。

(三) 為善導所說之三忍：

一喜忍，念彌陀佛而生歡喜心者。二悟忍，念彌陀佛而悟解真理者。

三信忍，念彌陀佛而住於正信者。

【必成正覺第七】

必成正覺第七（正覺必成是證各願定獲圓滿也）

佛告阿難。爾時法藏比丘說此願已。以偈頌曰

我建超世志（因圓）

必至無上道（果滿）

斯願不滿足

誓不成等覺（起先申誓）

復為大施主

【方法】普濟諸窮苦（喻迷而無智者，普濟之）

令彼諸羣生

【依怙】長夜無憂惱（喻暗無啟明者，作火炬）

【智慧】出生眾善根（依佛作明，聞法開慧）（無量上弘，無邊下化）


【解脫】成就菩提果（得常樂我淨）

《眉注》◎佛佛同者道耳，至論光明、慈悲、佛土莊嚴、

度生願力等，自有無上不同處。

此之無上乃無上中之無上。

◎出生句是發心。成就句是期望。



《閱讀參考》

一、此段總頌度生大願。

二、超世志：超者卓出之意，世者普通之意。超世志即超世願，阿彌陀如來之誓願也。

為卓越三世諸佛誓願之大悲本願，故稱超世願。通指四十八願，或特名攝身、攝土等願。

三、四德（佛四德）〔出涅槃經〕：四德者，如來所證**常樂我淨**之德也。

如來心體本空，應用無染，離凡夫、二乘、菩薩偏邪之顛倒，故稱為德。

常德：常者不遷不變。性體虛融，湛然常住，歷三世而不遷，混萬法而不變，故名常德。

樂德：樂者安隱寂滅。離生死逼迫之苦，證涅槃寂滅之樂，故名樂德。

我德：我者自在無礙。外道、凡夫於五陰身強立主宰，執之為我，乃是妄我。佛於一切法自在，即是真我，故名我德。

淨德：淨者離垢無染。無諸惑染，湛然清淨，如大圓鏡，故名淨德。

我若成正覺（建志普度）

立名無量壽（先正其名）

眾生聞此號（聞而生善）

俱來我剎中（無遮）

如佛金色身

妙相悉圓滿（相好莊嚴）


亦以大悲心

利益諸羣品（悲心利他）

離欲（戒）深正念（定）

淨慧（梵行自利）修梵行（往生展轉相化）

《眉注》



### 《閱讀參考》

一、此段別頌名號功德妙用。

二、大悲心：悲即悲愍，即拔苦之心。菩薩悲愍一切受苦眾生，常懷悲心，拯救濟拔，令其安樂。  
即是菩提之心也。《三藏法數》

三、離欲：離貪欲，離五欲六塵之染著。

四、正念：離邪分別而念法之實性。（八正道之一）

起信論：「心若馳散，即當攝來住於正念。」慧遠觀經疏：「捨相入實名為正念。」

### 《參考資料》三十七道品

◎三十七道品又名三十七菩提分法。道者能通，能到涅槃之道路資糧。

有七科三十七法：四念處，四正勤，四如意足，五根，五力，七覺分，八正道。

維摩經佛國品曰：「三十七道品，是菩薩淨土。」

自誓三昧經曰：「善權隨時，三十七品具足佛事。」

一、四念處：念即想念，處即身、受、心、法。

身念處：觀此色身，皆是不淨。受念處：觀領受好惡等事，悉皆是苦。

心念處：觀此識心生滅無常。法念處：觀諸法從因緣生，皆無有我。

二、四正勤：正謂不邪，勤謂不懈怠。

已生惡，令永斷。未生惡，令不生。未生善，令速生。已生善，令增長。

三、四如意足：以定力攝心，使所修之法，如願滿足。（四神足）



欲如意足：希慕所修之法，如願滿足。

精進如意足：於所修之法，專注一心，無有間雜，如願滿足。

念如意足：於所修之法，記憶不忘，如願滿足。

思惟如意足：心思所修之法，不令忘失，如願滿足。

#### 四、五根：根即能生之義。此五根，能生一切善法。

信根：信於正道。精進根：修正法無間無雜。念根：於正法記憶不忘。

定根：攝心不散。慧根：於諸法觀照明了。

#### 五、五力：力即力用，五根增長，能生破惡成善之功用。

信力：能破諸疑惑。精進力：能破身心懈怠，成辦出世之事。

念力：能破諸邪念，成就出世正念功德。定力：能破諸亂想，發諸禪定。

慧力：能遮斷三界之惑，發真無漏慧。

#### 六、七覺分：覺即覺了，分即支分。（七覺支）

擇法：揀擇諸法之真偽。精進：修諸道法，無有間雜。

喜：契悟真法，得歡喜。除：斷除諸見煩惱。捨：捨離所見念著之境。

定：覺了所發之禪定。念：思惟所修之道法，令定慧均等。

#### 七、八正道：不邪曰正，能通曰道。（八聖道）

正見：能見真理。正思惟：心無邪念。正語：言無虛妄。

正業：白淨善業。正命：依法活命。正精進：修諸道行無間雜。

正念：專心憶念正法。正定：一心住於真實之理。

願我智慧光

普照十方刹

消除三垢冥

明濟眾厄難

悉捨三途苦【離苦】

滅諸煩惱暗（佛力加被）


開彼智慧眼（五眼之一，能見空諦）（意業清淨）

空諦 ┌ 緣生  
└ 真如

獲得光明身（身業清淨）

閉塞諸惡道【得樂】

通達善趣門（自力得度）（他方被化獲世間樂）



慧眼開 ┌ 惡道閉  
└ 善趣達

### 《閱讀參考》

一、此段別頌光明功德妙用。

二、三垢：三毒之異名，即貪瞋癡。

貪：染著五欲之境而不離。瞋：於苦、苦具憎恚，使身心熱鬧，起諸惡業。

癡：於一切事理之法，無所明了，顛倒妄執，起諸邪見。

三、五眼：

- 一、肉眼，肉身所有之眼。二、天眼，色界天所有之眼（禪定），不問遠近內外晝夜，皆能得見。
- 三、慧眼，二乘人之智慧，照見真空無相之理。四、法眼，菩薩為度眾生照見一切法門之智慧。
- 五、佛眼，佛陀身中具前四眼之用，無所障礙。無不見知，無事不聞，聞見思惟，一切無礙也。
- 此五眼中慧眼為空諦一切智。法眼為假諦道種智。佛眼為中諦一切種智。
- 由五眼中法眼開出智眼，佛眼開出光明眼、出生死眼、無礙眼、一切智眼而成為十眼。
- 六、智眼，見諸法實相故。七、光明眼，見佛之光明故。
- 八、出生死眼，證涅槃故。九、無礙眼，所見無礙故。
- 十、一切智眼，又曰普眼，見普門之法界故。〔出於華嚴經離世間品〕

為眾開法藏

廣施功德寶

如佛無礙智

所行慈愍行（與樂拔苦，即是功德）

常作天人師

得為三界雄

說法師子吼（眾生知見必予破除）

廣度諸有情

圓滿昔所願

一切皆成佛（究竟同登彼岸）

《眉注》◎師子一吼百獸慴伏；佛法一宣羣言盡破。

◎眾生俱有二執二惑；不予摧破不能度彼。

《閱讀參考》

一、此段結頌圓滿大願。

二、無礙智：佛智圓滿，覺了法性，通達自在，無所滯礙。於一切法知之自在，悉知自地及以他地，善解眾生事，以無礙智演說。

無礙智 { 法 (於名句文身教法無滯)  
義 (於教法所詮之理無滯)  
解 (於諸方言語通達自在)  
樂說 (以前三種智樂為思)  
(說東正理而有辯才)

三、二執：我執與法執。

我執：又名人我執，不明此身之見聞覺知由五蘊假合而有，固執有常一主宰之人我。(煩惱障從此而生)

法執：又名法我執，不明五蘊等諸法由因緣而生，如幻如化，固執諸法有實體者。(所知障從此而生)

四、二惑：有二說，見惑與思惑；事惑與理惑。

見惑與思惑：見惑為邪知見推度而起之迷情。思惑又名修惑，為凡夫對事事物物之錯誤思惟認知，而起之迷惑，如貪瞋痴等。

事惑與理惑：大乘法以見思及塵沙為事惑，以根本無明為理惑。見思能障空寂，覆真諦之法。塵沙能障化導，覆俗諦之法。根本無明為覆中道實相之理。

斯願若剎果

大千應感動

虛空諸天神

當雨珍妙華（結求印證）

佛告阿難。法藏比丘，說此頌已。應時普地六種震動。天雨妙華，以散其上。自然音樂空中讚言，決定必成無上正覺。

《閱讀參考》

一、此段求證大千聖眾感應，證能滿願。

二、六種震動：大地震動，有三說：

一、動六時，即佛入胎、出胎、出家、成道、轉法輪、入涅槃。

二、動六方，即東湧西沒、西湧東沒、南湧北沒、北湧南沒、邊湧中沒，中湧邊沒。

三、動六相（出華嚴經疏），動、起、涌三種是形；震、吼、擊三種是聲。

於形聲中，各舉一種，皆言震動。六種中又各有三相（小中大），遂成十八種震動相。


經中以地動表示祥瑞，此六種震動，唯天眼通可知見。

## 【積功累德第八】

積功累德第八（行） 願必起行「功積厚  
德累高」因必圓

阿難。法藏比丘於世自在王如來前（對佛發願）。及諸天人大眾之中（當眾發願）。發斯弘誓願已（信）。住（定）真實慧（慧）。勇猛精進（進）。一向專志（念）莊嚴妙土（造土之因）。所修佛國，開廓廣大。超勝獨妙。建立常然，無衰無變（造土之果）。

《眉注》◎一段所修妙土成就。



法藏建土 — (勝)超二百十億佛剎  
                  (妙)有成住無壞空

### 《閱讀參考》

一、真實：法離迷情，絕虛妄，云真實。

大乘義章：「法絕情妄為真實。」法華經寶塔品：「如所說者，皆是真實。」《佛學大辭典》圓融德相，一一皆是無為真實之性。《三藏法數》

於無量劫，積植德行。不起貪瞋癡欲諸想（內不亂）。不著色聲香味觸法（外離境）。但樂憶念過去諸佛，所修善根。【《思惟》段】

行寂靜行（入定），遠離虛妄除妄。依真諦門（起觀），植眾德本（歸真）。不計眾苦。少欲知足。專求白法（求利生法），惠利羣生。【《修習》段】

志願無倦，忍力（生法二忍）成就。

《眉注》◎二段 積累自修。

思維├── 內不亂  
├── 外離境  
└── 憶佛所修

修習├── 入定（上靜）  
├── 起觀  
└── 求法

靜德顯真  
動德度眾  
└── 無著生心

《閱讀參考》

一、白法：白淨之法。總稱一切之清淨善法。

二、二忍：（有二說，義理相同） 《佛學大辭典》

**眾生忍與無生法忍。**眾生忍，忍者忍耐。諸眾生以種種惡害加之，我能忍耐不起瞋恚。**無生法忍**，忍者安忍。理為不生不滅，今但言不生，又名無生，菩薩於無生之法，安忍而不動心。（見智度論）  
**安受苦忍與觀察法忍。**安受苦忍，安受諸苦而不動心者，即眾生忍。**觀察法忍**，觀察諸法深理而安然忍可者，即無生法忍。（見持地經）

於諸有情，常懷慈忍（四無量），和顏愛語（四攝），勸諭策進（先施勸進）。恭敬三寶。奉事師長。無有虛偽諂曲之心（直心敬實事師典範）。莊嚴眾行（端重整肅），軌範具足。

《眉注》◎三段化他進修。

無量心（內）  
攝法（外）  
勸進

### 《閱讀參考》

一、四無量心：慈、悲、喜、捨。無量，菩薩利他之心廣大。所緣眾生既無量，而能緣之心亦無量。

慈無量心：慈即與樂之心。菩薩愛念一切眾生，常求樂事，隨彼所求而饒益之，故名慈無量心。

悲無量心：即拔苦之心。菩薩愍念一切眾生受種種苦，常懷悲心，拯救濟拔，令其得脫，故名悲無量心。

喜無量心：菩薩慶他眾生離苦得樂，其心悅豫，欣慶無量，故名喜無量心。

捨無量心：菩薩於所緣眾生，無憎愛心，名之為捨。復念一切眾生，同得無憎愛、無瞋恨、無怨惱，故名捨無量心。 《三藏法數》

二、四攝法：攝即攝受。菩薩欲化導眾生，以此四法攝受，令生歡喜欣求，使其依附，然後導以大乘正道。維摩經云：「先以欲鉤牽，後令入佛智。」

布施攝：菩薩以財、法二種布施攝眾生。若眾生樂財，即以財施攝之；若眾生樂法，即以法施攝之。令眾生依附受道。

愛語攝：一切眾生樂聞善言，菩薩隨順眾生根性，善言慰喻，令眾生依附受道。

利行攝：菩薩起身口意善行，利益一切眾生，令眾生依附受道。




同事攝：菩薩以法眼明見眾生根性，隨其所樂，即分形示現，同其所作，使其各霑利益，令眾生依附受道。 《三藏法數》

觀法如化（無法我法執），三昧常寂。善護口業，不譏他過。善護身業，不失律儀。善護意業，清淨無染。所有國城、聚落、眷屬、珍寶，都無所著。恆以布施、持戒、忍辱、精進、禪定、智慧，六度之行。教化安立眾生，住於無上真正之道。

《眉注》◎四段 度生究竟成佛。

◎金經應「如是住」「無所住」二義不違。



《閱讀參考》

一、律儀：律是戒律，儀是儀則。佛所制定的戒律可以使人防非止惡，立身處世皆依順儀則。

大乘義章：「言律儀者，制惡之法，說名為律。行依律戒，故號律儀。」

（律儀又指無表之戒體，得戒體，有防非止惡自順律儀之功能。）

二、金經「應如是住」「應無所住」

金剛般若波羅蜜經 （節錄）

長老須菩提在大眾中即從座起，偏袒右肩，右膝著地，合掌恭敬而白佛言：「希有！世尊！如來善護念諸菩薩，善付囑諸菩薩。世尊！善男子、善女人，發阿耨多羅三藐三菩提心，應云何住？云何降伏其心？」

長老須菩提在大眾中即從座起，偏袒右肩，右膝著地，合掌恭敬而白佛言：「希有！世尊！如來善護念諸菩薩，善付囑諸菩薩。世尊！善男子、善女人，發阿耨多羅三藐三菩提心，**應云何住？云何降伏其心？**」

佛言：「善哉，善哉。須菩提！如汝所說：如來善護念諸菩薩，善付囑諸菩薩，汝今諦聽！當為汝說：善男子、善女人，發阿耨多羅三藐三菩提心，**應如是住，如是降伏其心。**」「唯然。世尊！願樂欲聞。」

佛告須菩提：「諸菩薩摩訶薩**應如是降伏其心**！所有一切眾生之類：若卵生、若胎生、若濕生、若化生；若有色、若無色；若有想、若無想、若非有想非無想，我皆令人**無餘涅槃而滅度之**。如是滅度無量無數無邊眾生，**實無眾生得滅度者**。何以故？須菩提！若菩薩有我相、人相、眾生相、壽者相，**即非菩薩**。」

「復次，須菩提！菩薩於法，**應無所住**，行於布施，所謂不住色布施，不住聲香味觸法布施。須菩提！菩薩應如是布施，**不住於相**。何以故？若菩薩不住相布施，其福德不可思量。

「須菩提！於意云何？東方虛空可思量不？」「不也，世尊！」

「須菩提！南西北方四維上下虛空可思量不？」「不也，世尊！」

「須菩提！菩薩無住相布施，福德亦復如是不可思量。」

「須菩提！菩薩但**應如所教住**。」

「須菩提！於意云何？可以身相見如來不？」

「不也，世尊！不可以身相得見如來。何以故？如來所說身相，即非身相。」

佛告須菩提：「**凡所有相，皆是虛妄。若見諸相非相，則見如來。**」……………

由成如是諸善根故。所生之處，無量寶藏，自然發應。或為長者居士，豪姓尊貴。或為剎利國王，轉輪聖帝。或為六欲天主，乃至梵王。於諸佛所，尊重供養，未曾間斷。如是功德，說不能盡。

《眉注》◎五段 世世常行菩薩之道。

《閱讀參考》

一、剎利：剎帝利。譯言田主。王種，王及大臣也。

二、轉輪：轉輪聖王，世間福報第一，於人壽八萬四千歲時出現於世，統轄四天下。

有四大福報：一、大富，珍寶、財物、田宅等眾多，為天下第一；二、形貌莊嚴端正，具三十二相；三、身體健康無病，安穩快樂；四、壽命長遠，為天下第一。轉輪王出現時，天下太平，人民安樂。

三、梵王：即色界初禪天主。清淨心中，諸漏不動，名為初禪，即梵眾、梵輔、大梵等三天。初禪已不須段食，故無鼻舌二識，惟有樂受，與眼耳身三受相應，喜受與意識相應。

身口常出無量妙香。猶如栴檀，優鉢羅華。其香普熏無量世界（香莊嚴）。隨所生處，色相端嚴。三十二相，八十種好（色光莊嚴）。悉皆具足。手中常出無盡之寶，莊嚴之具（眾寶莊嚴）。一切所須，最上之物，利樂有情（聞香見光得寶俱增歡喜故）。

由是因緣，能令無量眾生，皆發阿耨多羅三藐三菩提心。

《眉注》◎六段 依報利生引發菩提。

依報莊嚴



### 《閱讀參考》

一、旃檀：旃檀，檀香。旃檀娜 Candana，香木名。譯曰與樂。

慧苑音義：「旃檀，此云與樂，謂白檀能治熱病，赤檀能去風腫，皆是除疾身安之樂，故名與樂。」

二、優鉢羅華：花名，Utpala，又作烏鉢羅。譯曰青蓮花，黛花，紅蓮花。


### 【圓滿成就第九】

圓滿成就第九（證）信解行證程序中，其稱謂亦分比丘、菩薩、佛陀次序。

佛告阿難。法藏比丘，修菩薩行，積功累德，無量無邊。於一切法，而得自在（解修證演），非是語言分別之所能知。所發誓願，圓滿成就。如實安住，具足莊嚴（製造奇麗），威德廣大（享用無窮），清淨佛土（不聞惡濁）。

《眉注》

三種成就



## 《閱讀參考》

一、此段明法藏誓願，圓滿成就。（彌陀經：成就如是功德莊嚴。）

二、自在：心離煩惱之繫縛，通達無礙，謂之自在。又進退無礙，謂之自在。

法華經序品：「盡諸有結，心得自在。」唯識演秘：「施為無擁，名為自在。」《佛學大辭典》

三、如實：如實相，如實性，皆以名理體。如者平等之義，實者不虛之義，即真如實相之義。「真如平等，體離虛妄，故云如實。」


如實空：真如實相，體本空寂。如實智：如諸法實相之智。知諸法實相之智。是唯佛所得之智。

智度論：如實智者，一切法總相別相，如實正知，無有罣礙。《佛學大辭典》

阿難聞佛所說，白世尊言。法藏菩薩成菩提者，為是過去佛耶？未來佛耶？為今現在他方世界耶？

世尊告言。彼佛如來。來無所來，去無所去。無生無滅（土無衰變，佛無去來）。非過現未來。但以酬願度生（隨時可以應現），現在西方。去閻浮提百千俱胝（十萬）那由他（億）佛刹，有世界名曰極樂。法藏成佛，號阿彌陀。成佛以來，於今十劫。今現在說法（成佛須逢佛世，今唯西方之佛住世）。有無量無數菩薩，聲聞之眾，恭敬圍繞。

## 《眉注》



## 《閱讀參考》

一、此段明法藏成佛，號阿彌陀。今現在說法。

二、佛之三身：法身、報身、應身。（說法多元）

身即聚集之義，謂聚集諸法而成身。**理法**聚名法身，聚集**法性**之法而成此身。

**智法**聚名報身，能契法性之**智**，智與法性相合而成此身。

**功德法**聚名應身，由智契理，聚集一切**功德**之法，起用化他，隨機應現，而成此身。

三、三因佛性：三因佛性對應三身。

三因佛性：即正因佛性、了因佛性、緣因佛性。

佛性圓明，遍一切處，無不照了，一切眾生皆本具三因佛性，此因若顯，即成**三德妙果**。

正因佛性是法身如來之因；了因佛性是報身如來之因；緣因佛性是應身如來之因。

（一）正因佛性：空假雙照，**三諦**具足，名正因佛性。

（三諦：真諦離一切相。俗諦立一切法。中諦於一切法圓融無礙。）

（二）了因佛性：依於正因，發照了之**智**，智與理相應，名了因佛性。

（三）緣因佛性：一切**功德善根**資助了因，開發正因，故名緣因佛性。

四、三身三德：三德為法身德、般若德、解脫德。

三身成三德：法身成法身之德，報身成般若之德，應身成解脫之德。

三德：大涅槃三法，皆圓具常樂我淨之德。（出涅槃經）

法身德，為佛之本體，以常住不滅之**法性**為身。般若德，般若譯曰**智慧**，如實覺了法相。

解脫德，遠離一切繫縛，而得**大自在**。

## 【皆願作佛第十】

### 皆願作佛第十（普遍成就）

佛說阿彌陀佛為菩薩求得是願時。阿闍王子，與五百大長者，聞之皆大歡喜。各持一金華蓋，俱到佛前作禮。以華蓋上佛已，卻坐一面聽經。心中願言，令我等作佛時，皆如阿彌陀佛（願今友均發是願）。

#### 《閱讀參考》


- 一、此段明與會大眾，聞法歡喜，發起大願。
- 二、華蓋：以花而飾之傘蓋。

法華玄贊：「西域暑熱，人多持蓋，以花飾之，名為華蓋。」

佛即知之。告諸比丘，是王子等，後當作佛。彼於前世住菩薩道，無數劫來，供養四百億佛。迦葉佛時（賢劫第三佛），彼等為我弟子。今供養我，復相值也。時諸比丘聞佛言者，莫不代之歡喜。

#### 《眉注》◎應警三點：

- 一 住菩薩道供四百億佛仍隔陰退轉。
- 二 遲早遇緣長劫流轉。
- 三 不求帶業往生非愚即狂。



## 《閱讀參考》

一、此段明一切法不離因緣，聞經修法皆是過去殊勝因緣所成。

二、阿闍王子：阿闍世。王名。譯曰末生怨。

佛在世時，摩竭陀國王舍城之統治者。父名頻婆娑羅，母曰韋提希。

韋提希懷胎時，相師占之，謂此兒生必害其父，因之名曰末生怨。又名婆羅留支。譯曰折指。

父王聞相師之言，與夫人共謀於生日從樓上落於地，而阿闍世僅損指未死，故名折指。

阿闍世既長，近惡友提婆達多，幽囚父母（觀無量壽佛經）。父死自立為王。即位後併吞諸小國，威震四鄰，建一統印度之基。

後因害父之罪遍體生瘡，至佛所懺悔，即平愈（涅槃經），遂歸依釋迦。

佛滅後，五百羅漢，結集佛說。王為之護法。佛教之興，與有力焉。

佛說阿闍世王經，二卷。說阿闍世王聞文殊師利菩薩說法而得悟。

阿闍世從文殊懺悔，得柔順忍。命終，入實吒羅地獄，即入即出，生上方佛土，得無生忍。彌勒出時，復來此界，名不動菩薩，後當作佛，號淨界如來。《佛學大辭典》

實吒羅：又作實陀羅。地獄名，譯曰集欲。普超經：「舍利弗！阿闍世王所入地獄名實吒羅，適入尋出，其身不遭苦惱之患。」《佛學大辭典》

三、迦葉佛：賢劫第三尊，於人壽二萬歲時出世而成正覺。

賢劫千佛：過去之住劫名為莊嚴劫，現在之住劫名為賢劫，未來之住劫名為星宿劫。

現在之住劫二十增減中，有千佛出世，故稱為賢劫千佛。



依佛祖統紀所記，住劫有二十增減，其前八增減中，無佛之出世。於**第九減劫**，始有佛。始自拘留孫佛，人壽六萬歲時出世，是為千佛之第一。次為拘那含牟尼佛，於人壽四萬歲時出生。次為迦葉佛，次即釋迦牟尼佛。後至**第十增減之減劫**，有**彌勒佛**，次有師子佛等九百九十四佛，最後為樓至佛。

**大劫**：一大劫含四中劫（成、住、壞、空），一中劫有二十小劫。一小劫（一增減）為一千六百八十萬年，一中劫有二十小劫為三億三千六百萬年。一大劫含四中劫共計十三億四千四百萬年。

**彌勒**，譯為慈氏，現住兜率天內院，一生補處菩薩。當於**住劫中第十小劫**，人壽八萬四千歲時，下生此界，繼釋迦牟尼佛之後，為賢劫之第五尊佛。

**兜率天**：譯言知足，謂於五欲境知止足故。六欲天之第四重，依空而居。人間四百年，為此天一晝夜。內院為補處菩薩居處，外院為天眾所居。此天一年為人間十四萬四千年。此天壽命四千歲，合人間**五億七千六百萬年**。


（六欲天：四王天、忉利天、夜摩天、兜率天、化樂天、他化自在天。）

【國界嚴淨第十一】

國界嚴淨第十一（泛說國界莊嚴）

佛語阿難，彼極樂界，無量功德，具足莊嚴。永無眾苦，諸難，惡趣，魔惱之名。亦無四時，寒暑，雨冥之異。復無大小江海，丘陵坑坎，荊棘沙磧，鐵圍，須彌，土石等山。唯以自然七寶，黃金為地（前二易知國無土石，以何為地，疑故重釋）。寬廣平正，不可限極。微妙（神秘希有）奇麗（光華燦爛），清淨莊嚴（肅靜整齊），超踰十方一切世界。

《眉注》



《閱讀參考》

一、略明極樂世界之清淨莊嚴。

二、諸難：八難，見佛聞法之障難八處。

一、地獄；二、餓鬼；三、畜生；四、北拘盧洲（樂報殊勝而無苦）；五、長壽天（長壽安穩）；六、聾盲瘡啞；七、世智辨聰；八、佛前佛後。

### 三、魔惱：受諸魔之侵擾。

魔梵語魔羅之略。能奪命，障礙，擾亂，破壞等。害人命，障礙人之善事者。舊譯之經論，作磨，梁武改為魔字。有四魔：煩惱魔、五陰魔、死魔、天魔。婆沙論：「斷慧命故名魔，復次常行放逸有害自身故名魔。」

惱：侵擾。使人煩憂、苦悶，不安其所。又為隨煩惱之一，惱即熱惱，謂外遇違情之境，熱惱於心，不自安隱，是名惱隨煩惱。

阿難聞已，白世尊言。若彼國土無須彌山。其四天王天，及忉利天，依何而住。


佛告阿難，夜摩、兜率，乃至色無色界，一切諸天，依何而住。

阿難白言，不可思議業力所致。

佛語阿難，不思議業，汝可知耶。汝身果報，不可思議。眾生業報，亦不可思議。眾生善根，不可思議。諸佛聖力，諸佛世界，亦不可思議。其國眾生，功德善力，住行業地，及佛神力，故能爾耳。

阿難白言，業因果報，不可思議。我於此法，實無所惑。但為將來眾生破除疑網，故發斯問。

《眉注》



《閱讀參考》

- 一、明極樂世界之清淨莊嚴，住於眾生善力與彌陀聖力。
- 二、不可思議：或為理之深妙，或為事之希奇，不可以心思之，不可以言議之。
- 三、住行業地：極樂眾生安住於彌陀願行大業成就之地。

【光明徧照第十二】

光明徧照第十二（光中化佛無量，光到之處即為有佛）

佛告阿難。阿彌陀佛威神光明，最尊第一。十方諸佛，所不能及。徧照東方恆沙佛刹。南西北方，四維上下，亦復如是。若化頂上圓光，或一二三四由旬，或百千萬億由旬。諸佛光明，或照一二佛刹，或照百千佛刹。惟阿彌陀佛，光明普照無量無邊無數佛刹。

諸佛光明所照遠近（釋佛佛道同光何有異疑），本其前世求道，所願功德大小不同（警學人發心宜捨小向大）。至作佛時，各自得之。自在所作，不為預計。

《閱讀參考》

- 一、本品說彌陀正報光明，可分四段。第一段讚彌陀光明獨勝，第二段顯光明之因。
- 二、自在所作，不為預計：依其本願，修證功德，自然成就，而得現光明。非是分別預設所能計度。（因果如一，願行如一而得成就。）

### 三、彌陀大願：

我作佛時。光明無量，普照十方，絕勝諸佛，勝於日月之明，千萬億倍。

若有眾生，見我光明，照觸其身，莫不安樂。慈心作善，來生我國。若不爾者，不取正覺。


（十三、光明無量願。十四、觸光安樂願。）

阿彌陀佛。光明善好，勝於日月之明，千億萬倍。光中極尊。佛中之王。是故無量壽佛，亦號無量光佛。亦號無邊光佛。無礙光佛。無等光佛。亦號智慧光，常照光，清淨光，歡喜光，解脫光，安穩光，超日月光，不思議光。如是光明，普照十方一切世界。


其有眾生，遇斯光者，垢滅善生，身意柔軟。若在三途極苦之處，見此光明，皆得休息。命終皆得解脫。

若有眾生，聞其光明，威神，功德。日夜稱說（常贊即信），至心不斷（常憶即行）。隨意所願，得生其國。

#### 《眉注》◎見者獲益



#### ◎聞者獲益



### 《閱讀參考》

一、第三段，顯彌陀光明之十二勝名。第四段，顯光明之見聞妙用。

二、無量光：真實之理，真實之慧，真實之利。（法身、般若、解脫）

無邊光：廣而圓具，畢竟平等。

無礙光：光明遍照，自在無礙。

無等光：（無對光）清淨光明，無有對等。

智慧光：於法善照，破無明闇。

常照光：（不斷光）於一切時，常照不絕。

清淨光：一蒙光照，罪垢消除。

歡喜光：廣施安樂，見者歡悅。

解脫光：啟眾生闇，得解脫益。

安穩光：離諸生滅，安穩快樂。（離苦為安，不動為穩）

超日月光：光明功德，超過世間之所能知。不思議光：全攝彌陀如來不可思議功德之利。

三、參考資料：

### 《楞嚴經大勢至菩薩念佛圓通章》

大勢至法王子，與其同倫五十二菩薩。即從座起，頂禮佛足，而白佛言。

我憶往昔，恆河沙劫。有佛出世，名無量光。十二如來，相繼一劫。其最後佛，名超日月光。彼佛教我念佛三昧。：：：：

## 【壽眾無量第十三】

### 壽眾無量第十三

佛語阿難。無量壽佛，壽命長久，不可稱計。

又有無數聲聞之眾。神智洞達，威力自在，能於掌中持一切世界。

我弟子中大目犍連，神通第一。三千大千世界，所有一切星宿眾生，於一晝夜，悉知其數。假使十方眾生，悉成緣覺。一一緣覺，壽萬億歲，神通皆如大目犍連。盡其壽命，竭其智力，悉共推算，彼佛會中聲聞之數。千萬分中不及一分。

譬如大海，深廣無邊。設取一毛，析為百分，碎如微塵。以一毛塵，沾海一滴。此毛塵水，比海孰多。阿難，彼目犍連等所知數者，如毛塵水。所未知者，如大海水。

彼佛壽量，及諸菩薩、聲聞、天人，壽量亦爾。非以算計譬喻之所能知。

### 《閱讀參考》

一、本品說彌陀壽量與聖眾。可分三段，初讚佛壽無量，次明眾數無量，三結讚佛壽眾壽皆無量。次明眾數無量又分三：讚眾德，明眾數，以喻明。

二、「神智洞達，威力自在，能於掌中持一切世界」

神通智慧，究竟通徹，通達無礙。威神之力，自在無礙。

於掌中持一切世界，表事事無礙，廣微自在，一多相容，不可思議境界。

三、大目犍連：摩訶目犍連，簡稱目犍連、目連，佛十大弟子之一，以神通第一著稱。初與舍利弗同師外道，頗精通所學。領一百徒眾，然心中有不安之念。因而與舍利弗互約，先得解脫者，必相以告，故共競修行精進。一日舍利弗至王舍城，見五比丘中之馬勝，儀容端正，問其緣由，馬勝比丘說：「諸法因緣生，是法說因緣；是法因緣盡，大師如是說。」（大智度論）舍利弗聞即悟道，並得知佛陀施教，舍利弗立即告知目犍連，目犍連聞偈亦悟道。於是共同領眾皈依佛陀，聞佛陀說法，即證阿羅漢果。（「諸法因緣生，諸法從緣滅；我佛大沙門，常作如是說。」）

#### 【寶樹徧國第十四】

##### 寶樹徧國第十四

彼如來國，多諸寶樹。或純金樹，純白銀樹，琉璃樹，水晶樹，琥珀樹，美玉樹，瑪瑙樹。唯一寶成，不雜餘寶。或有二寶三寶，乃至七寶，轉共合成。根莖枝幹，此寶所成，華葉果實，他寶化作。或有寶樹，黃金為根，白銀為身，琉璃為枝，水晶為梢，琥珀為葉，美玉為華，瑪瑙為果。其餘諸樹，復有七寶，互為根幹枝葉華果。種種共成，各自異行。行行相值，莖莖相望，枝葉相向，華實相當。榮色光曜，不可勝視。清風時發，出五音聲。微妙宮商，自然相和。是諸寶樹，周徧其國。

《眉注》◎寶樹四類不同。◎心如工畫師，萬法皆能現。與其念世樂，不如專想死。



《閱讀參考》

- 一、第十四品至第十七品說極樂世界之國土莊嚴（依報莊嚴），依序為行樹、樓觀、泉池。第十四品廣說國中寶樹、十五品特說道場菩提樹。
- 二、本品廣說極樂世界寶樹之種類、結構、排列、色光、演音等功德。
- 三、彌陀大願：  
我作佛時。國中無量色樹，高或百千由旬。（四十、無量色樹願。）  
道場樹高，四百萬里。諸菩薩中，雖有善根劣者，亦能了知。欲見諸佛淨國莊嚴，悉於寶樹間見。  
猶如明鏡，睹其面像。若不爾者，不取正覺。  
（四十一、樹現佛剎願。）
- 四、五音聲：古代樂律之本音，宮商角徵羽五聲，此五聲可攝一切音聲。  
微妙宮商，自然相和：一切音聲皆彌陀如來願力所現，故微妙和諧，自然相應，功德圓具。

## 【菩提道場第十五】

### 菩提道場第十五

又其道場，有菩提樹。高四百萬里。其本周圍五千由旬。枝葉四布二十萬里。一切眾寶，自然合成。華果敷榮。光暉徧照。

復有紅綠青白，諸摩尼寶，眾寶之王，以為瓔珞。雲聚寶鎖，飾諸寶柱。金珠鈴鐸，周匝條間。珍妙寶網，羅覆其上。百千萬色，互相映飾。無量光炎，照耀無極，一切莊嚴，隨應而現。

微風徐動，吹諸枝葉，演出無量妙法音聲。其聲流布，徧諸佛國。清暢哀亮（音聲），微妙和雅（節奏）。十方世界音聲之中，最為第一。

### 《閱讀參考》

- 一、道場之菩提樹：廣大莊嚴（樹身），眾寶莊嚴（樹上），微風演法（不可思議之益）。
- 二、百千萬色：觀經：「一一寶珠，有千光明。一一光明，八萬四千色，映琉璃地，如億千日，不可具見。」
- 三、名相

摩尼：寶珠之總名。此云離垢，此寶光淨，不為垢穢所染。又云增長，謂有此寶處，必增其威德。

又云如意，如意寶珠，隨意所求皆滿足故。

敷榮：花開茂盛。

瓔珞：編寶玉而懸於身者。

鑠：「鎖」的異體字，鏈條。

鐸：樂器名。一種大鈴，有柄有舌，振舌發聲。古代常用來宣布政教法令或示警。材質不一，如：

「鈴鐸」、「木鐸」。（木鐸：比喻宣揚教化的人。論語：天將以夫子為木鐸。）

清暢哀亮：清，清淨，離諸染濁。暢，通達，通達真實法性。哀，悲憫，生大悲心。

亮，透徹，智慧開明。

若有眾生，睹菩提樹。聞聲，嗅香，嘗其果味，觸其光影，念樹功德，皆得六根清徹。無諸惱患。住不退轉。至成佛道。

復由見彼樹故，獲三種忍。一音響忍。二柔順忍。三者無生法忍。

佛告阿難，如是佛剎，華果樹木。與諸眾生，而作佛事。此皆無量壽佛，威神力故。本願力故。滿足願故。明了，堅固，究竟願故。

《眉注》◎根緣塵則謂染，染則惱患隨生。

三忍 ┌ 悟有而不有  
      ├ 心柔智順  
      └ 涅槃實相

### 《閱讀參考》

一、菩提樹六塵說法，眾生聞法，得忍不退，至成佛道。一切莊嚴皆彌陀願力所成。

二、三忍：忍，信解真理而不惑。又云安忍，安住於真理而不動心。

一音響忍，由音響而悟有而非有之真理者。（聞佛名、法音）

二柔順忍，慧心柔軟，於實相之理信順者。（離雜染，順真理）

三無生法忍，證實性而離諸相，安住於生而無生之理而不動者。

三、佛說阿彌陀經：「彼佛國土，微風吹動，諸寶行樹，及寶羅網，出微妙音。譬如百千種樂，同時俱作。

聞是音者，自然皆生念佛、念法、念僧之心。」

### 【堂舍樓觀第十六】

#### 堂舍樓觀第十六

又無量壽佛講堂精舍，樓觀欄楯，亦皆七寶自然化成。復有白珠摩尼以為交絡，明妙無比。諸菩薩眾，所居宮殿，亦復如是。

中有在地講經，誦經者。有在地受經，聽經者。有在地經行者，思道，及坐禪者。有在虛空講誦受聽者，經行，思道及坐禪者。

或得須陀洹，或得斯陀含，或得阿那含，阿羅漢。未得阿惟越致者，則得阿惟越致。各自念道，說道，行道，莫不歡喜。

## 《閱讀參考》

一、(一) 極樂世界佛菩薩居處。

(二) 往生者依其所樂，自在修習。

(三) 極樂人民隨所修習，各得其果，各受種種大乘法樂。

二、禪：禪那之略。(此處為大乘六度之第五，禪定度。)

譯曰靜慮。靜，寂靜，定也。慮，審慮，慧也。定慧均等，能成就寂靜之心體，發如實慮知之用，故曰靜慮。又云思惟修，一心思惟研習正道，從此而修得定。(從因而言)

三、羅漢四果：

一須陀洹果，譯為入流，逆流。入流謂去凡夫初入聖道之法流。逆流者，謂入聖位逆生死之暴流。

三界見惑斷盡之位。

二斯陀含果，譯為一來。斷欲界九地思惑中前六品，尚餘後三品。為其後三品之思惑，尚於欲界之人間或天界(六欲天)，受生一度，故曰一來。

三阿那含果，譯為不來，新云不還。斷盡欲界思惑後三品之殘餘，不再還來欲界。爾後受生則必為色界、無色界。

四阿羅漢果，譯為殺賊，應供，不生。斷盡一切思惑之聲聞乘極果。以其斷盡一切見思二惑，故謂殺賊。既得極果，應受人天之供養，故曰應供。一世之果報盡，永入涅槃，不再來生三界，故謂不生。

四、念道，說道，行道：身口意三業相應，安住於正道，感受大乘法樂。

## 【泉池功德第十七】

### 泉池功德第十七

又其講堂左右，泉池交流，縱廣深淺，皆各一等（指上句言）。或十由旬（長度），二十由旬，乃至百千由旬。湛然香潔，具八功德。

岸邊無數栴檀香樹，吉祥果樹，華果恆芳，光明照耀。修條密葉，交覆於池。出種種香，世無能喻。隨風散馥，沿水流芬。又復池飾七寶，地布金沙。優鉢羅華（青），鉢曇摩華（紅），拘牟頭華（赤白青黃），芬陀利華（白），雜色光茂，彌覆水上。

若彼眾生，過浴此水（洗濯之謂）。欲至足者，欲至膝者，欲至腰腋，欲至頸者，或欲灌身（沖澆之謂），或欲冷者，溫者，急流者，緩流者，其水一一隨眾生意。開神悅體，淨若無形。

《眉注》◎無執受大種因，能起執受種因之用。

### 《閱讀參考》

一、初總說泉池功德，別說岸樹、池飾、池花。次明眾生過浴之益。

二、八功德水：

八功德水，阿彌陀佛極樂淨土池中之水，有八種功德。

一澄淨，其水澄澈潔淨，是為澄淨功德。 二清冷，其水清澄涼冷，是為清冷功德。

三甘美，其水甘甜佳美，是為甘美功德。 四輕軟，其水輕浮柔軟，是為輕軟功德。

五潤澤，其水滋潤澤物，是為潤澤功德。

六安和，其水人若飲時，身心即得安隱調和，是為安和功德。

七除患，其水人若飲時，能除飢渴等無量過患，是為除患功德。

八增益，其水人若飲時，能長養四大，增益殊勝善根，是為增益功德。

三、大種：（術語）地水火風也。此四者周遍於一切色法，故名大。能造色法，故名種。色香等一切物質，不能離此四大而生，故稱為大種。

寶沙映澈，無深不照。微瀾徐迴，轉相灌注。波揚無量微妙音聲。

或聞佛法僧聲，波羅蜜聲，止息（七定名之一）寂靜聲，無生無滅聲，十力無畏聲。或聞無性（空無自體）無作（無生死之因）無我（法人自他俱無）聲，大慈大悲喜捨聲，甘露灌頂受位聲。

得聞如是種種聲已，其心清淨（妄心息止），無諸分別。正直平等，成熟善根。

隨其所聞，與法相應。其願聞者，輒獨聞之。所不欲聞，了無所聞。永不退於阿耨多羅三藐三菩提心（至此靈光獨耀迴脫根塵矣）。

《眉注》

◎性謂本有體質，我謂主宰作用。

◎三善根三毒滅也。四善根四加行也，十回向滿位，見道所得。

◎色，捨粗取妙。聲，捨惡取梵。香，捨濁取潔。味，捨穢取淨。觸，捨苦取樂。法，捨妄取正。

### 《閱讀參考》

一、水演妙音，廣說妙諦，以成熟極樂眾生之善根，於無上菩提永不退轉。

二、名相：

#### ◎七定名：（七種定名）

定即禪定也。禪有二種：世間禪、出世間禪。而定名不出此七種。

一、三摩呬多，華言**等引**，心離昏沈、掉舉，平等安和曰等，發生功德曰引，謂能修此定，則離諸煩惱，而引發勝妙功德。

二、三摩地，華言**等持**，又云正心行處。謂眾生心行，從無始來，常曲不直，能修此定，心則端直，安住一境而不動。

三、三摩鉢底，華言**等至**，謂能修此定，正受現（相應），大發光明，慶快殊勝，處染不染，無有退轉。

四、馱那演那，華言**靜慮**，謂澄神息慮，專思寂想。

五、質多醫迦阿羯羅多，華言**心一境性**，謂攝心一境，策勵正勤而修習。

六、奢摩他，華言**止**，謂止息諸根惡不善法，能滅一切散亂煩惱故。

七、**現法樂住**，謂修習禪定，離一切妄想，身心寂滅，現受法喜之樂，而安住不動。

#### ◎十力：指如來所具有的十種力用；

一、知覺處非處智力，能知一切事物的道理和非道理之智力。

二、知三世業報智力，能知一切眾生三世因果業報之智力。

三、知諸禪解脫三昧智力，能知各種禪定及解脫三昧等之智力。



四、知諸根勝劣智力，能知眾生根性的勝劣與得果大小之智力。

五、知種種解智力，能知一切眾生種種知解之智力。

六、知種種界智力，能普知眾生種種境界不同之智力。

七、知一切至所道智力，能知一切眾生行道因果之智力。

八、知天眼無礙智力，能以天眼見眾生生死及善惡業緣而無障礙之智力。

九、知宿命無漏智力，知眾生宿命及知無漏涅槃之智力。

十、知永斷習氣智力，於一切妄惑餘氣，永斷不生，能如實知之智力。

◎無畏，心中無所怖畏。有四無畏：

一、一切智無畏，具一切智，說法無畏。

二、漏盡無畏，斷盡一切煩惱，究竟無畏。

三、說障道無畏，徧知惑業等障道之法，解說無畏。

四、說盡苦道無畏，如實說戒定慧等盡苦之正道。

◎四善根：暖、頂、忍、世第一，又名四加行。

大乘法相宗之第二行位，資糧位修十住、十行、十回向圓滿，入四加行位（暖、頂、忍、世第一），修尋思觀，生如實智。

四加行位滿即入第三通達位（見道位），登初地入心，智慧初發，能見二空所顯之真如實相，生二智（根本智和後得智）。

十方世界諸往生者。皆於七寶池蓮華中，自然化生。悉受清虛之身，無極之體。不聞三途惡惱苦難之名。尚無假設，何況實苦。但有自然快樂之音。是故彼國名為極樂。

《閱讀參考》

- 一、「蓮花化生願」，「國無惡道願」，「國無不善願」。「無有眾苦，但受諸樂，故名極樂。」
- 二、第十四品至第十七品明「國土莊嚴」。

【超世希有第十八】

超世希有第十八（正依二報威德神通比較）

彼極樂國，所有眾生，容色微妙，超世希有，咸同一類，無差別相。但因順餘方俗，故有天人之名。

佛告阿難，譬如世間貧苦乞人，在帝王邊。面貌形狀，寧可類乎。帝王若比轉輪聖王，則為鄙陋，猶彼乞人，在帝王邊也。轉輪聖王，威相第一，比之忉利天王，又復醜劣。假令帝釋，比第六天，雖百千倍，不相類也。第六天王，若比極樂國中，菩薩聲聞，光顏容色，雖萬億倍，不相及逮。

所處宮殿，衣服飲食，猶如他化自在天王。至于威德，階位，神通變化。一切天人，不可為比。百千萬億，不可計倍。

阿難應知，無量壽佛極樂國土，如是功德莊嚴，不可思議。

《眉注》◎人壽八萬歲遞減之後即無轉輪王出世。又此有金銀銅鐵四喻。

### 《閱讀參考》

- 一、總說極樂眾生正報依報、威德神通等受用殊勝，非娑婆六欲天所能比較。
- 二、轉輪聖王：又作轉輪聖帝，轉輪王，輪王。此王身具三十二相，即位時，由天感得輪寶，轉其輪寶，而降伏四方，故曰轉輪王。其輪寶有金銀銅鐵四種。如其次第領四三二一之大洲，即金輪王為四洲，銀輪王為東西南之三洲，銅輪王為東南之二洲，鐵輪王為南閻浮提之一洲。  
在減劫，人壽至八萬歲後，有情富樂，壽量損減，眾惡漸盛，非大人器，即無輪王。（俱舍論）  
大智度論：「問曰：轉輪聖王有三十二相，菩薩亦有三十二相，有何差別？  
答曰：菩薩相者有七事勝轉輪聖王。菩薩相者：一淨好，二分明，三不失處，四具足，五深入，六隨智慧行不隨世間，七隨遠離。轉輪聖王相不爾。」  
離垢地菩薩，修行二地法門，成就功德，多作轉輪聖王，為大法主，王四天下，有自在力，能除眾生破戒之垢，以善方便，令其安住十善道中；為大施主，周遍給濟，諸所作業，念佛法僧。《三藏法數》

## 【受用具足第十九】

### 受用具足第十九（詳言狀況）

復次極樂世界，所有眾生，或已生，或現生，或當生，皆得如是諸妙色身。形貌端嚴，福德無量。智慧明了，神通自在。受用種種，一切豐足。（貌福智通）

宮殿、服飾、香花、幡蓋莊嚴之具，隨意所須，悉皆如念。

若欲食時，七寶鉢器自然在前，百味飲食，自然盈滿。雖有此食，實無食者。但見色聞香，以意為食。色力增長，而無便穢。身心柔軟，無所味著。事已化去，時至復現。

復有眾寶妙衣，冠帶，瓔珞，無量光明，百千妙色，悉皆具足，自然在身。

所居舍宅，稱其形色。寶網彌覆，懸諸寶鈴。奇妙珍異，周徧校飾。光色晃曜，盡極嚴麗。樓觀欄楯，堂宇房閣，廣狹方圓，或大或小，或在虛空，或在平地。清淨安隱，微妙快樂。應念現前，無不具足。

《眉注》◎校字於有二義，一連木為校，有交錯之謂。二者考校，有精研之謂。◎衣食住行。

### 《閱讀參考》

- 一、極樂眾生，皆得諸妙色身，皆具貌福智通種種莊嚴。食衣住行，一切受用，應念現前，無不具足。
- 二、無所味著：心於所受無所執著。身於塵境不受薰染。
- 三、安隱，與安穩同。宗鏡錄：「安隱快樂者，則寂靜妙常。」《佛學大辭典》

安隱心：菩薩為諸眾生造諸惑業而受生死逼迫之苦、沉溺惡道，即為種種開示，除不善法，置之善處，令彼之心各獲安隱。《三藏法數》

清淨安隱，微妙快樂：離五濁故云清淨，無變異故云安穩，塵塵不思議故云微妙，永離身心惱故云快樂。《會疏》

### 【德風華雨第二十】

德風華雨第二十（自第十四至此均為六塵說法，而此一分更具足六塵之法，以楔出楔尤為奇妙。）

其佛國土，每於食時，自然德風徐起。吹諸羅網，及眾寶樹，出微妙音。演說苦空、無常、無我、諸波羅蜜。流布萬種溫雅德香（寶樹所發），其有聞者，塵勞垢習，自然不起。風觸其身，安和調適，猶如比丘得滅盡定。

復吹七寶林樹，飄華成聚。種種色光，徧滿佛土。隨色次第，而不雜亂。柔軟光潔，如兜羅綿（譯為柳絮）。足履其上，沒深四指。隨足舉已，還復如初。過食時後，其華自沒。大地清淨，更雨新華。隨其時節，還復周徧。與前無異，如是六反（晝三夜三）。

《眉注》◎四諦苦四相，即演四諦。◎六及十波羅也。

◎九次第定之極，滅盡六識心心所而不使起之禪定。（滅盡定）

《閱讀參考》

- 一、極樂世界微風之功德：出微妙音，流布德香，觸身安適，林樹雨華。
- 二、楔：上平厚、下尖扁的木塊。塞在榫頭縫隙中，使之固定。如：「木楔」。  
（器物接合的地方，製成凹凸的形狀，凸出的部分稱為「榫頭」。）
- 三、四諦：又云四聖諦，四真諦。聖者所見之真理。一苦諦，三界六趣之苦報，為迷之果。二集諦，貪瞋等煩惱及善惡諸業，能集起三界六趣之苦報。三滅諦，即涅槃，滅惑業而離生死之苦，真空寂滅，為悟之果。四道諦，八正道能通於涅槃故名道，為悟之因。  
苦集二諦為世間流轉之因果。滅道二諦為出世間還滅之因果。二者皆先果後因，以果易見而因難知。先示世間苦果令其厭，然後使斷其因，又舉涅槃之妙果使樂之，然後使修其道。
- 四、苦空無常無我：即有漏果報之四相，謂之苦諦四行相。大乘義章：「遍惱名苦，苦法遷流為無常。苦非我所，名為空。苦非我體，名為無我。」
- 五、十波羅蜜：布施、持戒、忍辱、精進、禪定、般若、方便、願、力、智。十波羅蜜為唯識論所立，即十勝行，菩薩在十地所修行之道法。
- 六、九次第定：四禪，四無色，及滅受想定（亦云滅盡定），九種之禪定，不雜他心，次第自一定入於一定之法。一、初禪次第定。二、二禪次第定。三、三禪次第定。四、四禪次第定。（以上為色界四禪天之根本定）五、空無邊處次第定。六、識無邊處次第定。七、無所有處次第定。八、非想非非想處次第定。（以上為無色界四處之根本定）九、滅受想次第定，止息一切心識之定（六識心），為禪定之至極。

## 【寶蓮佛光第二十一】

### 寶蓮佛光第二十一

又眾寶蓮華周滿世界。一一寶華百千億葉。其華光明，無量種色。青色青光，白色白光，玄黃朱紫，光色亦然。復有無量妙寶，百千摩尼，映飾珍奇，明曜日月。彼蓮華量，或半由旬，或一二三四，乃至百千由旬。

一一華中，出三十六百千億光。一一光中，出三十六百千億佛。身色紫金，相好殊特。一一諸佛，又放百千光明。普為十方說微妙法。如是諸佛，各各安立無量眾生於佛正道。

### 《閱讀參考》

一、極樂世界蓮華之功德：眾寶蓮華放光，光色無量。光中化千億佛，為十方世界，說微妙法，安立無量眾生。

二、初明寶蓮：周遍，蓮葉，光色無量，妙寶莊嚴，寶蓮之量。

次明蓮光化佛：蓮放妙光，光中化佛無數，佛相殊特，光中化佛亦復放光，佛說妙法。顯極樂世界「事事無礙，重重無盡，不可思議法界」。


## 【決證極果第二十二】

### 決證極果第二十二

復次阿難。彼佛國土，無有昏闇火光，日月星曜，晝夜之象。亦無歲月劫數之名。復無住著家室。於一切處，既無標式名號，亦無取捨分別。唯受清淨最上快樂。若有善男子，善女人，若已生，若當生，皆悉住於正定之聚。決定證於阿耨多羅三藐三菩提。何以故，若邪定聚，及不定聚，不能了知建立彼因故。

《眉注》◎昏闇與夜並皆苦悶。劫數便有壞空。標式名號則有彼此。因起貪著。

◎彼因指三藐三菩提。



### 《閱讀參考》

一、極樂世界清淨平等，遠離一切分別雜染，唯受清淨最上快樂。

往生者皆住正定聚，決定得證無上菩提。

二、三聚：以三聚該收一切眾生。

一、正定聚，必定證悟者。二、邪定聚，畢竟不證悟者。

三、不定聚，在二者中間有緣證悟，無緣不證悟者。此三聚之義通於大小乘。



小乘之三聚，初果（須陀洹）已上之聖者為正定聚。執一切邊邪等見，不信正法，造無間業者為邪定聚。在此二者中間之修行者為不定聚。

大乘之三聚有多義：依大智度論：「能破顛倒者名正定。必不能破顛倒者是邪定。得因緣能破，不得則不能破是名不定。」是通說三聚，未判其位。

依大乘起信論（馬鳴菩薩造），十信前之凡夫不信因果，為邪定。十住已上為正定。十信之人為不定性。此為實大乘之義。

依釋摩訶衍論（龍樹菩薩造），則十聖為正定聚，三賢為不定聚，自餘之凡夫為邪定聚。是權大乘之意。


## 【十方佛讚第二十三】

### 十方佛讚第二十三

復次阿難。東方恆河沙數世界，一一界中如恆沙佛。各出廣長舌相，放無量光，說誠實言，稱讚無量壽佛，不可思議功德。南西北方，恆沙世界，諸佛稱讚，亦復如是。四維上下，恆沙世界，諸佛稱讚，亦復如是。

何以故，欲令他方所有眾生聞彼佛名，發清淨心，憶念受持，歸依供養。乃至能發一念淨信，所有善根，至心迴向，願生彼國。隨願皆生，得不退轉，乃至無上正等菩提。

《眉注》◎十方世界眾生成佛皆如娑婆之難。



### 《閱讀參考》

一、十方恆沙諸佛，皆讚阿彌陀佛不可思議功德。欲令所有眾生聞佛名，發心憶念受持。所有善根，至心迴向，願生彼國，不退轉於無上正等菩提。

二、善根三種：

五根：一信根，信三寶四諦。二精進根，又名勤根，勇猛修善法。三念根，憶念正法。四定根，使心止於一境而不散失。五慧根，思惟真理。此五法為能生一切善法之本，故名為五根。

（出世法之根本）

三善根：對於三毒而立三善根：一無貪，二無瞋，三無痴。此三者皆為生無量善法之根本，故名善根。

四善根：四加行位，菩薩得福智資糧，加功用行，而入見道，住真實性，是名加行位。（大乘見道位即歡喜地菩薩位）。

一、煖位：如木鑽火，未見火出，先得煖相。喻加行位人，真智將發，雖未見智火，已得煖相。

二、頂位：觀行轉明，如登山頂，悉皆明了。

三、忍位：忍即忍可之義，謂於四諦、六度等法，忍可而樂修。

四、世第一位：於如實理雖未能證，而於世間智為最勝。

## 【三輩往生第二十四】

### 三輩往生第二十四


佛告阿難。十方世界諸天人民，其有至心願生彼國，凡有三輩。

其上輩者，捨家棄欲而作沙門（勤息煩惱），發菩提心（四弘誓願），一向專念阿彌陀佛，修諸功德，願生彼國。

此等眾生，臨壽終時，阿彌陀佛，與諸聖眾，現在其前，經須臾間，即隨彼佛往生其國。便於七寶華中自然化生。智慧勇猛，神通自在。

是故阿難。其有眾生，欲於今世見阿彌陀佛者（上輩未生即見報佛，故曰今世），應發無上菩提之心（宏願）。復當專念極樂國土（正行）。積集善根（助行），應持迴向。由此見佛，生彼國中，得不退轉，乃至無上菩提。（重複叮嚀）

《眉注》



《閱讀參考》

- 一、本品起「明所攝」，第二十四、二十五品總說，第二十四品明往生輩分，第二十五品明功德正因。  
本品分四段：上輩、中輩、下輩及一念淨心。
- 二、「上輩生」文分四：所修行因，同成往生，生彼得益，結讚修習。  
所修行因有五：「捨家棄欲」，「發菩提心」，「一向專念阿彌陀佛」，「修諸功德」，「願生彼國」。
- 三、捨家棄欲：捨家即出家，僧相為尊為貴，故當如是（身出家）。棄欲即離煩惱欲塵等纏縛（心出家）。身心俱出為上，體相如一故。次則心出身未出。（著重於心）
- 四、沙門：譯曰勤息。勤修正道，息滅煩惱與苦報。  
阿含經：「捨離恩愛，出家修道，攝御諸根，不染外欲；慈心一切，無所傷害；遇樂不欣，逢苦不戚，能忍如地，故號沙門。」
- 五、智慧勇猛，神通自在：智慧明了銳利，能破煩惱賊，脫繫縛離生死。神通無礙，能供養諸佛，演法度眾。
- 六、古德有謂此乃菩薩之行。然經云「十方世界諸天人民」皆應此法，故知淨宗乃至圓至頓之教，大根凡夫若能信受，圓解圓修，亦得預「上輩」。

其中輩者，雖不能行作沙門，大修功德。當發無上菩提之心，一向專念阿彌陀佛。隨己修行（不能大修亦當隨分），諸善功德，奉持齋戒，起立塔像，飯食沙門，懸繒然燈，散華燒香（能隨己修行善德），以此迴向，願生彼國。

其人臨終，阿彌陀佛化現其身，光明相好，具如真佛，與諸大眾前後圍繞，現其人前，攝受導引，即隨化佛往生其國。

住不退轉無上菩提。功德智慧，次如上輩者也。

#### 《閱讀參考》

一、「中輩生」文分三：明辨行因，化佛接引，往生得益。

明辨行因有四：「發菩提心」，「一向專念阿彌陀佛」，「修少功德」，「迴向願生」。

二、「起立塔像，飯食沙門，懸繒<sup>27</sup>然燈，散華燒香」即廣修供養三寶等事。

（繒，帛也，絲織品的總稱。）

三、「攝受導引」：佛以慈悲願力加持，化現種種莊嚴，引導護佑。

四、「住不退轉無上菩提」：修彌陀念佛法門，即是發菩提心之大乘行人，故往生已，皆不退轉於無上菩提。

其下輩者，假使不能作諸功德，當發無上菩提之心（誓願成佛），一向專念阿彌陀佛。歡喜信樂，不生疑惑。以至誠心，願生其國。

此人臨終，夢見彼佛，亦得往生。

功德智慧，次如中輩者也。

《眉注》

作諸功德 ─┬─ (上) 大修  
                  ├─ (中) 隨己  
                  └─ (下) 不能

《閱讀參考》

- 一、「下輩生」行因有四：「發菩提心」，「一向專念阿彌陀佛」，「歡喜信樂」，「至誠願生」。
- 二、彌陀有「臨終接引願」。惟眾生信願心及功行有別，故自心所感所見之佛亦別。上輩報佛，中輩化佛，下輩夢佛，皆是「佛來接引」，由行者之心所感所見。
- 三、三輩往生之共同行因：「發菩提心」，「一向專念阿彌陀佛」，「願生其國」。「發菩提心」含攝信願，「一向專念阿彌陀佛」是行，「願生其國」是願，即是信願行三資糧。
- 四、「發菩提心」「一向專念阿彌陀佛」「願生其國」之三因以「自修」為主。三輩之差別在「作諸功德」，作諸功德之因行以「利他」為主。然而作諸功德之時，自身之信願力及念佛功行必然增長，功德智慧同時提升。善根福德皆得成就，往生輩分自然增高。自利利他兩相圓融，此即大乘法義。

若有眾生，住大乘者。

以清淨心（信），向無量壽。乃至十念（行），願生其國（願）。

聞甚深法，即生信解。乃至獲得一念淨心，發一念心念於彼佛。

此人臨命終時，如在夢中，見阿彌陀佛。

定生彼國，得不退轉無上菩提。

《眉注》◎此三機平時不知淨土，但已住大乘聞信，回向前修之功德，願生極樂，亦得往生。

◎三資糧必須修，此四類往生莫不如是，日真宗只取一信乃達經訓。

#### 《閱讀參考》

- 一、此段經文錄自「唐譯本」，他譯分散於上下輩文中。慈舟大師曾宣講此「無量壽莊嚴清淨平等覺經」，科判為「一心三輩」，普攝一切大乘根性眾生。  
「一心三輩」即眉注之「三機」（一心三機）。合前三輩，共四類。
- 二、前三段所述「三輩」皆於平日「發菩提心」「一向專念阿彌陀佛」「願生其國」（專修淨土法門）。此段明普攝，若有眾生廣學大乘教義（通途法門），平日並未專修淨業，只要機緣成熟，得聞彌陀法門，發一念淨心，如法修行，亦必得成就。
- 三、此段含攝利鈍，鈍根聞而能生信發願，十念亦得往生。然而「若無平時七日功夫，安有臨終十念一念？縱下下品逆惡之人，並是夙因成熟，故感臨終遇善友，聞便信願。此事萬中無一，豈可僥倖。」（彌陀要解）

利根聞此甚深彌陀法門，深入義理，即生圓信圓解，深契彌陀心，念念淨心念彌陀，得證上輩。

略說二根，實攝三機（三輩）。

四、一切大乘根性學佛眾生，於阿彌陀佛不可思議功德，能發一念淨心（信），念佛願生，依其功德智慧，得獲相當之往生輩分，故云「一心三輩」。此顯彌陀法門「三根普被，利鈍全收」之殊勝，故得「千經萬論，處處指歸」。

五、往生利益，皆獲「不退轉無上菩提」。（阿惟越致，阿鞞跋致）

### 《參考資料》

「無量壽經」三輩往生與「觀無量壽佛經」九品往生之對應有三說：

一、三輩只對觀經之上品生，不攝餘六品。以未發菩提心故。

二、三輩只對觀經之上品中品生，不攝下品。以三輩皆善人，下品是惡人。

三、三輩全應觀經之九品。以「煩惱不異菩提，始惡何妨終善，惡人既已成善，豈不聖賢同科。」（蓮池大師）

或約「發菩提心」，或約「因地行持」，或約「生後階位」。兩經所述可作比擬，然取義有別，不必強同。因行無量，果次亦無量，說三輩、說九品，機緣不同，各有其義。



## 【往生正因第二十五】

### 往生正因第二十五


復次阿難。若有善男子、善女人，聞此經典，受持（一），讀誦（二），書寫（三），供養（四），晝夜相續，求生彼剎。

發菩提心，持諸禁戒，堅守不犯。

饒益有情，所作善根悉施與之，令得安樂。

憶念西方阿彌陀佛，及彼國土。

是人命終，如佛色相，種種莊嚴，生寶剎中，速得聞法，永不退轉。



### 《閱讀參考》

- 一、第二十五品明功德正因，詳說淨宗行者修習之法。前品主位次，本品主因行。功德正因總攝福德智慧，即正助皆修，亦分四類。
- 二、觀經：「欲生彼國者，當修三福：一者、孝養父母，奉事師長，慈心不殺，修十善業；二者、受持三歸，具足眾戒，不犯威儀；三者、發菩提心，深信因果，讀誦大乘，勸進行者。如此三事，名為淨業。……此三種業，乃是過去、未來、現在三世諸佛，淨業正因。」與本品相應。
- 三、第一段為上輩正因。

「大心因」即「大修功德」，分四句：持經，持戒，布施，念佛。

四、「是人命終，如佛色相，種種莊嚴」：往生時示現種種瑞相。「如佛色相」表莊嚴至極。莊嚴瑞相顯佛力真實不虛，又顯行者修習所得，具說法利眾妙用。

徹悟大師：「以種種靈瑞，為往生驗證。」「往生傳載臨終瑞相，班班列列，豈欺我哉。」（淨土宗十二祖）

復次阿難。若有眾生，欲生彼國。雖不能大精進禪定，盡持經戒，要當作善。

所謂一不殺生，二不偷盜，三不淫欲（身三）。四不妄言，五不綺語，六不惡口，七不兩舌（口四）。八不貪，九不瞋，十不癡（意三）。

如是晝夜思惟，極樂世界阿彌陀佛。種種功德，種種莊嚴，志心歸依，頂禮供養。

是人臨終，不驚不怖，心不顛倒。即得往生彼佛國土。

《眉注》

次心因「行十善  
念佛

《閱讀參考》

- 一、第二段為中輩正因。「次心因」即「隨己修行善德」，行十善業、念佛，並回向歸依，頂禮供養。
- 二、「要當作善」：不只是「止惡」，必須隨緣「修善」。應當積極修持善業。
- 三、十善業為一切善業之根本。以有漏心行持為世間善，以菩提心行持則為出世善，行菩薩道。行十善業並回向往生，即是淨業正因。

《佛說十善業道經》：

當知菩薩有一法，能斷一切諸惡道苦。何等為一？謂於晝夜，常念、思惟、觀察善法，令諸善法念念增長，不容毫分不善間雜。是即能令諸惡永斷、善法圓滿，常得親近諸佛、菩薩及餘聖眾。言善法者，謂人天身、聲聞菩提、獨覺菩提、無上菩提，皆依此法以為根本而得成就，故名善法。此法即是十善業道。

四、「志心歸依，頂禮供養」：一心歸命，如法修持，禮敬供養，三業清淨。

（全體靠倒，投入彌陀懷裡。）


五、「不驚不怖，心不顛倒」：蒙佛接引，「慈悲加祐，令心不亂」，不驚慌失措，不畏懼恐怖。（攝受導引）

若多事物，不能離家，不暇大修齋戒，一心清淨。有空閑時，端正身心。絕欲去憂，慈心精進。不當瞋怒，嫉妒。不得貪饕慳惜，不得中悔，不得狐疑。

要當孝順（父母），至誠（佛）忠信（眾）。當信佛經語深，當信作善得福。

奉持如是等法，不得虧失。思惟熟計，欲得度脫。晝夜常念，願欲往生阿彌陀佛清淨佛國。十日十夜，乃至一日一夜，不斷絕者，壽終皆得往生其國。

《眉注》



《閱讀參考》

- 一、第三段為下輩正因。「不能作諸功德」，雖無暇行「利他」之功德，但「自修」須精進，令自己亦能三業清淨。(克期求因)
- 二、「息三毒」：練習伏惑。觀察自心，貪瞋癡起現，立即令之止息。  
瞋怒：不順己意而氣憤發怒。嫉妒：他人勝己而妒恨。  
貪饕：凶惡貪婪或貪吃不厭。(貪著欲塵)  
慳惜：慳吝難捨。(吝惜財法，不能施捨利他。障慈悲心。)  
中悔：中途變卦。狐疑：多疑而猶豫不決。(信力不真)  
(饕饕：古之貪食惡獸。饕為貪財，饕為貪食，喻貪婪貪食之惡人。)
- 三、「修要善」：孝順父母為世間善之首要。禮敬三寶為出世善之首要。  
雖無暇行利益眾生之事，但以誠敬心對待一切眾生。深信因果，深信佛語，依「聖言量」行持。
- 四、「計度脫」：厭離娑婆、求生極樂之願，堅固不失。

行菩薩道，諸往生者。皆得阿惟越致（七地以上），皆具金色三十二相，皆當作佛。欲於何方佛國作佛，從心所願。隨其精進早晚，求道不休，會當得之，不失其所願也。

阿難，以此義利故，無量、無數、不可思議、無有等等無邊世界，諸佛如來，皆共稱讚無量壽佛所有功德。

## 《閱讀參考》

- 一、第四類行者，其所修功德因行，相應於前述之三輩，無須細說。特說行菩薩道者之往生利益，鼓勵精進力求上輩，所願必成。  
若廣而言之，往生者皆是菩薩，承佛願力加持，皆得「阿惟越致」。唯成就佛道之期，隨個人「精進早晚」之功行而有差別。
- 二、最後一段，十方無邊世界諸佛如來，皆共稱讚阿彌陀佛不可思議功德。  
總結第二十四、二十五品。
- 三、阿惟越致：又阿鞞跋致、阿毘跋致。譯曰不退轉。不退轉成佛進路之義。  
是菩薩階位之名。「是不人不為諸魔所動，更無退轉。」《佛學大辭典》  
不退有三義：入空位不退（入聖流，不墮凡地）；入假行不退（恒度生，不墮二乘地）；入中念不退（心心流入薩婆若海）。  
大智論：無生忍法，即是阿鞞跋致地。妙樂云：般若是位，離二死故；解脫是行，諸行具故；法身是念，證實境故。《宋，翻譯名義集》  
（天台六祖荆溪湛然，住常州之妙樂寺，講法華，號妙樂大師，師之「法華文句記」稱為妙樂。）

【禮供聽法第二十六】

禮供聽法第二十六

復次阿難。十方世界諸菩薩眾，為欲瞻禮（聞勝諸佛剎故），極樂世界無量壽佛。各以香華、幢幡、寶蓋，往詣佛所，恭敬供養。聽受經法，宣布道化。稱讚佛土功德莊嚴（見聽已而讚歎）。爾時世尊即說頌曰

《閱讀參考》

一、「明所攝」前二品為總說，本品起廣說，又分三部分：

初、廣舉無量壽國勝妙之事，令欣求。（第二十六品至第三十二品）

次、廣明娑婆世界穢惡充滿，令厭捨。（第三十三品至第三十七品）

三、證法釋疑。（第三十八品至第四十二品）

二、本品說十方菩薩來學。初長行文略說，次偈頌詳明（重頌、廣頌）。

三、聽受經法，宣布道化：十方菩薩於極樂世界聽聞彌陀說法，復至十方世界宣揚彌陀教化。

東方諸佛剎

數如恆河沙

恆沙菩薩眾

往禮無量壽

南西北四維

上下亦復然

咸以尊重心（禮拜供養）

奉諸珍妙供

暢發和雅音

歌歎最勝尊

究達神通慧（讚歎）

遊入深法門

聞佛聖德名

安穩得大利

種種供養中（為求大利勤修功德）

勤修無懈倦

觀彼殊勝剎

微妙難思議

功德普莊嚴

諸佛國難比

因發無上心（欣羨發願）

願速成菩提

### 《閱讀參考》

一、此段世尊轉述：十方世界菩薩咸至極樂世界，供養彌陀如來，並發無上心。

二、供養分二：財供養、法供養（讚歎阿彌陀佛不可思議功德）。

法供養有：讚佛實智德、讚佛名號德、讚國土莊嚴。（佛自德、利他德）

三、究達神通慧：究竟通達無上神通智慧。

了知一切眾生諸法之別相，並體證一切法之勝義空性（總相）。

四、遊入深法門：出入無礙，窮盡本源，通達諸法實相。（實證、善說）

應時無量尊

微笑現金容

光明從口出

徧照十方國

迴光還繞佛

菩薩見此光

時會一切眾

佛語梵雷震（梵謂法語清淨無染，雷震遠也）

十方來正士

志求嚴淨土

覺了一切法

滿足諸妙願

知土如影像

究竟菩薩道

修勝菩提行

通達諸法性

專求淨佛土（自淨其心）

《眉注》

◎光即佛德佛智，亦係說法加被眾生，見此光者，俱有所證。光音天口，光可代言語，例彼可知。

◎法執並無，心光始淨。如電影鏡頭一塵不染，方能萬象顯影，刹土亦然。

◎具諸功德究竟菩提。勝修菩提，必當作佛。 ◎樂刹為益眾生非為自享。

三匝從頂入

即證不退位

互慶生歡喜

八音暢妙聲

吾悉知彼願

受記當作佛（此二句乃菩薩主願）

猶如夢幻響（空無自體，相由心造）

必成如是刹

恆發弘誓心（承上嚴淨土句）

具諸功德本

受記當作佛（承上當作佛句）

一切空無我

必成如是刹



《閱讀參考》

一、此段世尊轉述「彌陀如來放光並說法」。

二、「十方來正士……專求淨佛土，必成如是剎。」彌陀法音，世尊轉述。

彌陀法音分二：彌陀讚願，彌陀說法。彌陀說法分三：妙願必成，勝修菩提，專求淨土。（智、願、行、果、土，相融相攝。）

三、天口：天口為火。有二說。百論疏：「俱舍論云，諸天口中有光明，謂言是火，故云天口。」又火是天口者，以火供養天，願天細受，故名天口。（外道事火，以火敬天。）

聞法樂受行（此他方諸佛之語）

得至清淨處

必於無量尊

受記成等覺

無邊殊勝剎

其佛本願力

聞名欲往生（發願）

自致不退轉

菩薩興至願

願己國無異（我當自勗）

普念度一切

各發菩提心（化眾各發大心）

捨彼輪迴身

俱令登彼岸（蓮剎）

奉事萬億佛（再至他方）

飛化徧諸剎

恭敬歡喜去（供養他方萬億佛竟）

還到安養國

《眉注》◎他剎成佛甚難，得至極樂，必能如願。

◎蓮剎能盡量容納眾生，而隨其寬展，故云無邊。又云，無邊世界之眾生皆攝彌陀願中。

兩說均通，應存備參。唯殊勝二字，覺與後文說少乖。

### 《閱讀參考》

- 一、此段為本師開示此土會眾：十方諸佛皆勸往生，極樂修證殊勝，菩薩與願度眾往生，往生菩薩供養諸佛輾轉度化。（偈頌簡示，下文詳明。）
- 二、願己國無異：菩薩誓度無邊眾生，願己身成就如彌陀，得土莊嚴如極樂。

### 【歌歎佛德第二十七】

#### 歌歎佛德第二十七

佛語阿難。彼國菩薩，承佛威神，於一食頃，復往十方無邊淨剎，供養諸佛。

華香、幢幡、供養之具，應念即至，皆現手中，珍妙殊特，非世所有，以奉諸佛，及菩薩眾。

其所散華，即於空中，合為一華，華皆向下，端圓周匝，化成華蓋。百千光色，色色異香，香氣普薰。蓋之小者，滿十由旬。如是轉倍，乃至徧覆三千大千世界。

隨其前後，以次化沒。若不更以新華重散，前所散華終不復落。於虛空中共奏天樂，以微妙音歌歎佛德。經須臾間，還其本國。

《閱讀參考》

- 一、本品說極樂菩薩廣興供養，遍至十方世界，禮供諸佛，隨即還歸極樂，聞法得道。
- 二、此段詳明極樂菩薩禮供諸佛：神足無礙，供具殊妙，妙華供佛，妙音讚佛。妙華供佛：特舉妙華莊嚴為例，其他供具亦如是。妙華莊嚴：眾華成蓋，色香莊嚴，華蓋徧覆，化現自然。
- 三、「合為一華」表十方眾生同歸彌陀一乘願海。極樂無邊依正功德莊嚴，全歸於一法，悉攝入於一句洪名中。

都悉集會七寶講堂。無量壽佛，則為廣宣大教，演暢妙法。莫不歡喜，心解得道。

即時香風吹七寶樹，出五音聲。無量妙華，隨風四散。自然供養，如是不絕。

一切諸天，皆齎百千華香，萬種伎樂，供養彼佛，及諸菩薩聲聞之眾。前後往來，熙怡快樂。

此皆無量壽佛本願加威。及曾供養如來，善根相續，無缺減故（供佛善根）。善修習故（至道法門）。善攝取故（眾生）。善成就故（諸種功德）。

《閱讀參考》

- 一、此段明極樂菩薩還歸本國，聽聞妙法，歡喜得道。  
一切諸天，承佛本願加威，歡喜供養，善根增上。
- 二、「自然供養」：極樂之香風、寶樹、音聲、妙華，皆是彌陀願力成就，欲令妙法宣流，以微妙五塵說法，行「法供養」。

## 【大士神光第二十八】

### 大士神光第二十八

佛告阿難。彼佛國中諸菩薩眾，悉皆洞視徹聽，八方、上下、去來、現在之事。諸天人民，以及蜎飛蠕動之類，心意善惡，口所欲言，何時度脫，得道往生，皆豫知之。【具足神通】又彼佛刹諸聲聞眾，身光一尋。菩薩光明照百由旬。有二菩薩，最尊第一，威神光明，普照三千大千世界。

#### 《閱讀參考》

- 一、本品明極樂菩薩具足神通，極樂聲聞眾及菩薩皆具身光莊嚴。
- 二、極樂菩薩之頂光、身光等光明，乃其智德、行德所顯。

阿難白佛。彼二菩薩，其號云何。

佛言。一名觀世音，一名大勢至。此二菩薩，於娑婆界，修菩薩行，往生彼國。常在阿彌陀佛左右。

欲至十方無量佛所，隨心即到。現居此界，作大利樂。世間善男子、善女人，若有急難恐怖，但自歸命觀世音菩薩，無不得解脫者。【萬億紫金身。善應諸方所。】

#### 《閱讀參考》

一、此段特說觀世音菩薩及大勢至菩薩之願行，以作典範。

二、「萬億紫金身」：（出自淨土懺法）

「一心頂禮西方安樂土。觀世音菩薩。萬億紫金身。徧法界菩薩摩訶薩。」

三、「善應諸方所」：（出自妙法蓮華經）

「汝聽觀音行，善應諸方所。」：汝諦實而聽，觀世音菩薩具大智慧大慈悲，能起不思議妙行。三

十二應身，十方剎土處處現往，尋聲救苦度脫眾生。

（法華經普門品說三十三種變化身，楞嚴經說三十二應身。大同小異。）

四、楞嚴經大勢至菩薩念佛圓通章：

「我本因地，以念佛心，入無生忍。今於此界，攝念佛人，歸於淨土。」

## 【願力宏深第二十九】

### 願力宏深第二十九

復次阿難。彼佛剎中，所有現在、未來一切菩薩，皆當究竟一生補處（究竟成佛）。

唯除大願，入生死界，為度羣生，作師子吼，擐大甲冑，以宏誓功德而自莊嚴（發願度生）。

雖生五濁惡世（不淨處），示現同彼，直至成佛，不受惡趣。

生生之處，常識宿命。 【不受隔陰之迷】

#### 《閱讀參考》

- 一、本品明極樂菩薩承彌陀教化，願力宏深，悉當作佛，輾轉度眾。
- 二、此段明極樂菩薩皆當究竟一生補處，不受惡趣，常識宿命等功德。
- 三、「擐大甲冑」：大心行人，以誓願為鎧甲，護衛法身慧命，精進行道。

無量壽佛意欲度脫十方世界諸眾生類，皆使往生其國。悉令得泥洹道。作菩薩者，令悉作佛（宏願）。既作佛已，轉相教授。轉相度脫。如是輾轉，不可復計（宏化）。

十方世界，聲聞、菩薩、諸眾生類，生彼佛國，得泥洹道。當作佛者，不可勝數（滿願）。

#### 《閱讀參考》

- 一、此段明極樂菩薩皆當作佛。既作佛已，輾相教授，度脫眾生。

十方世界得生彼佛國，當作佛者，不可勝數。

一、泥洹：即涅槃。舊譯為滅，滅度，寂滅，安樂，解脫：等。新譯為圓寂。

滅盡煩惱業緣，度脫生死瀑流。安穩快樂，脫離眾苦。

彼佛國中，常如一法，不為增多。所以者何。猶如大海，為水中王。諸水流行，都入海中。是大海水，寧為增減（能容設喻）。

八方上下，佛國無數。阿彌陀國，長久廣大，明好快樂，最為獨勝。本其為菩薩時，求道所願，累德所致（勝由願致）。

無量壽佛，恩德布施八方上下，無窮無極，深大無量，不可勝言（贊德）。

#### 《閱讀參考》

- 一、此段明極樂獨勝：阿彌陀佛極樂世界，長久廣大，無量無邊，無窮無極，明好快樂，最為獨勝，德施十方眾生。
- 二、第二十七品至第二十九品所述之極樂菩薩勝妙功德莊嚴，皆為阿彌陀佛願行已得成就，即是阿彌陀佛之法化。亦為阿彌陀佛普化十方眾生之妙法。（欣求極樂）
- 三、「常如一法」：極樂國是彌陀大願成就，圓滿佛智佛德所現，具足「常樂我淨」四德，故無衰無變，常如一法。殊勝莊嚴，事事無礙，互融互攝，不可思議。（理甚深，以喻明）

## 【菩薩修持第三十】

### 菩薩修持第三十

復次阿難。彼佛剎中一切菩薩，禪定、智慧、神通、威德，無不圓滿。諸佛密藏，究竟明了。【所得】

調伏諸根，身心柔軟。深入正慧，無復餘習。【所斷】

《眉注》

總證 ┌ 得  
└ 斷

《閱讀參考》

一、第三十品、三十一品彰顯極樂菩薩自利利他，行德圓備。

第三十品主說菩薩修持，分三大段。此段總說極樂菩薩修持之所得、所斷。

二、諸佛密藏，究竟明了：諸佛境界不可思議，故言「密藏」。極樂菩薩雖未圓證諸佛境界，但於諸佛法身密義，皆已明了契入，分證諸佛法性功德。

三、調伏諸根，身心柔軟：調制三業，令離惡行；身心柔和，隨順正道。

四、深入正慧，無復餘習：遠離虛妄分別，證入真實智慧；斷除一切煩惱習氣。

（二乘不能斷習，唯佛斷盡餘習。極樂菩薩行大乘行，能達佛境。）



依佛所行，七覺聖道。修行五眼，照真達俗。肉眼簡擇，天眼通達，法眼清淨，慧眼見真，佛眼具足，覺了法性。【所修】

辯才總持，自在無礙，善解世間無邊方便。所言誠諦，深入義味。度諸有情，演說正法。

【所用】

《眉注》 自行化他 ┌ 所修  
└ 所用

《閱讀參考》

一、此段明極樂菩薩修持之所修、所用。（自行化他）

二、七覺聖道：「七覺分」與「八聖道」。

七覺分：覺即覺了，分即支分。（七覺支，七菩提分）

擇法：揀擇諸法之真偽。精進：修諸道法，無有間雜。喜：契悟真法，得歡喜。

除：斷除諸見煩惱。捨：捨離所見念著之境。定：覺了所發之禪定。

念：思惟所修之道法，令定慧均等。

八聖道：不邪曰正，能通曰道。（八正道）

正見：能見真理。正思惟：心無邪念。正語：言無虛妄。正業：白淨善業。

正命：依法活命。正精進：修諸道行無間雜。正念：專心憶念正法。

正定：一心住於真實之理。

極樂菩薩行大乘行，入如實觀，發無漏智，依佛所行修諸道品。

### 三、修行五眼，照真達俗：

**五眼：**肉眼，肉身之眼。**天眼**，色界天之眼（禪定），遠近內外晝夜，皆能得見。

**慧眼**，照見真空無相之理（二乘智）。**法眼**，照見一切法門方便以度化眾生（菩薩智）。

**佛眼**，具前四眼之用，無所障礙，無不見知，無事不聞，聞見思惟一切無礙（佛智）。

慧眼為空觀，見**真諦**，證一切智。法眼為假觀，見**俗諦**，證道種智。

佛眼為中觀，見**中諦**，證一切種智。

**照真達俗：**極樂菩薩修證五眼，慧眼照見真諦，法眼善觀俗諦，皆得通達。

### 四、辯才總持：極樂菩薩具四無礙辯才，總持一切法門。（華嚴經九地菩薩）

**辯才：**善巧說法義之才能。有四，稱四無礙辯。亦名四無礙解、四無礙智。

**四無礙辯：**菩薩於此四法，智慧明了，通達無滯，辯說融通。

一、**法無礙辯：**菩薩通達一切諸法名字，分別無滯。

二、**義無礙辯：**菩薩了知一切諸法義理，通達無滯。

三、**辭無礙辯：**菩薩於諸法名字義理，隨順一切眾生殊方異語，為其演說，能令各各得解，  
辯說無滯。

四、**樂說無礙辯：**菩薩隨順一切眾生根性所樂聞法，而為說之，圓融無滯。

**總持：**梵語陀羅尼，總一切法，持無量義。能持能遮，執持善法不令散失，遮持惡法不令生起。

以念定慧為體，菩薩所修之念定慧具此功德。有四種：

一、**法總持**，於佛之教法聞持而不忘失。二、**義總持**，於諸法之義總持而不忘失。


三、**咒總持**，於咒總持而不忘失。四、**忍總持**，安住於諸法之實相而不散失。

無相無為，無縛無脫，無諸分別，遠離顛倒，於所受用，皆無攝取。徧遊佛刹，無愛無厭。亦無希求不希求想，亦無彼我違怨之想。何以故。彼諸菩薩，於一切眾生，有大慈悲利益心故。捨離一切執著，成就無量功德。【人空利他】

以無礙慧，解法如如。善知集滅音聲方便。不欣世語，樂在正論。知一切法，悉皆空寂。生身煩惱，二餘俱盡。於三界中（凡聖自他恆共相應），平等勤修（空假二觀），究竟一乘（中觀），至於彼岸。【法空利自】

決斷疑網，證無所得。以方便智，增長了知。從本以來，安住神通。得一乘道，不由他悟。

### 【二覺實理】



### 《閱讀參考》

- 一、此段明極樂菩薩修持之至極境界，分三：人空利眾，法空利自，二覺實義。
- 二、人空利眾：於所受用，皆無所著。徧遊佛刹，皆無所著。於諸眾生，大慈悲故。（內修外學皆無所著，我空而平等利眾。）
- 三、法空利自：解法如如，善知方便。知法空寂，二餘俱盡。平等勤修，究竟一乘。（圓修三觀見三諦，法空而自性開顯。）

四、生身煩惱，二餘俱盡：生身即苦果、苦諦。煩惱即惑因、集諦。極樂菩薩如實修行，能斷正使及習氣，令無殘餘。（能斷除俱生我法二執）

五、二覺實理：圓修自覺覺他，實智（成佛本體）權智（教化妙用）俱得證入。契入諸佛密藏，本來具足。（分證）

### 【真實功德第三十一】

#### 真實功德第三十一

其智宏深，譬如巨海。菩提高廣，喻若須彌。自身威光，超於日月。其心潔白，猶如雪山。

#### 【體德尊勝】

忍辱如地，一切平等。清淨如水，洗諸塵垢。熾盛如火，燒煩惱薪。不著如風，無諸障礙。

#### 【用德自在】

法音雷震，覺未覺故。雨甘露法，潤眾生故。曠若虛空，大慈等故。如淨蓮華，離染污故。如巨拘樹（此云無節），覆蔭大故。如金剛杵，破邪執故。如鐵圍山，眾魔外道不能動故。

#### 【用德度他】

#### 《閱讀參考》

一、第三十品、三十一品彰顯極樂菩薩自利利他，行德圓備。第三十一品主說極樂菩薩所修證功德。

此段明極樂菩薩「成德殊勝」，以喻說明其成就之體德、用德。

體德尊勝：智道身心四法。用德自在：地水火風四喻。用德度他：七法喻。

二、其心潔白：戒德清淨，定淨，心清淨平等，能照眾生，令得清涼。

三、如尼拘樹，覆蔭大故：

尼拘樹：尼拘陀，又作尼俱陀，尼拘律，尼拘類陀，尼拘尼陀：等。「尼拘尼陀，此譯云無節，亦云縱廣樹也。」即高大榕樹。

覆蔭大：菩薩於諸眾生廣作庇蔭，澤被眾生。

四、如金剛杵，破邪執故：

金剛杵：（原為古印度之兵器）密宗法器，表堅利之智。

破邪執：般若妙智猶如金剛，能破除邪見情執，斷煩惱，得成就。

其心正直，善巧決定。論法無厭，求法不倦。

戒若琉璃，內外明潔。其所言說，令眾悅服。擊法鼓，建法幢，曜慧日，破癡闇。

淳淨（內）溫和（外）。寂定（外止）明察（內觀）。為大導師，調伏自他。【二利精進】

#### 《閱讀參考》

一、此段明極樂菩薩修德勝進：二利精進。（三次第：修始、修次、修成。）

二、其心正直：菩薩發大菩提心，遠離偏斜之教，寬廣平正，惟是一乘圓法。

善巧決定：隨緣善巧，悉皆真實。

三、「擊法鼓」：聞慧，法音遠被。「建法幢」：思慧，法義彰顯。

「曜慧日，破癡闇」：修慧，開眾生慧，破無明暗。（義疏）

四、寂定明察：寂相達理，智慧明照，定慧均等。止觀雙運，寂而常照。

引導羣生，捨諸愛著。永離三垢，遊戲神通（遊於神通，度生為娛樂，又無礙義）。因緣願力，出生善根。摧伏一切魔軍。尊重奉事諸佛。為世明燈，最勝福田。殊勝吉祥，堪受供養。

### 【作眾燈田】

#### 《閱讀參考》

一、此段明極樂菩薩成德利眾：奉事諸佛，利益眾生。

二、永離三垢，遊戲神通：菩薩妙德度眾，令眾生永離貪瞋癡等煩惱。復令眾生成就種種神通，任運隨緣，聞法化眾，自在無礙。

三、因緣願力，出生善根：

因力：發菩提心為成佛本因。緣力：聽聞正法，親近善知識。

願力：以弘誓莊嚴國土，成就眾生，依願起行，生起力用。

因緣和合，復加願力，三力具足，發起殊勝道力，能成就無上菩提。

彌陀要解：「菩提正道，名善根，即親因。」

四、摧伏一切魔軍：

魔：能奪命、障礙、擾亂、破壞之害。例如：煩惱魔、五陰魔、生死魔。

智度論：「奪慧命，壞道法、功德、善本，是故名為魔。」「除諸法實相，餘殘一切法，盡名為魔。」

菩薩妙德教化，開示佛之知見，令眾生悟入，圓修一乘，不為諸魔所亂。

赫奕歡喜，雄猛無畏。身色相好，功德辯才，具足莊嚴，無與等者。常為諸佛所共稱讚。究竟菩薩諸波羅蜜，而常安住不生不滅諸三摩地。行徧道場，遠二乘境。【諸佛共讚】阿難。我今略說，彼極樂界，所生菩薩，真實功德，悉皆如是。若廣說者，百千萬劫，不能窮盡。【世尊重讚】

### 《閱讀參考》

- 一、此段結讚極樂菩薩功德成就深廣，常為諸佛共讚（證明）。（總歎顯勝）
- 二、赫奕歡喜，雄猛無畏：  
赫奕歡喜：極樂菩薩智慧開明，威光明盛，自在和悅。  
雄猛無畏：極樂菩薩斷除煩惱，勇猛精進，說法無畏。（阿惟越致）
- 三、究竟菩薩諸波羅蜜：教行成滿（義疏）。  
常安住不生不滅諸三摩地：證行成滿（義疏）。  
涅槃經：「不生不滅，名大涅槃。」

## 【壽樂無極第三十二】

### 壽樂無極第三十二

佛告彌勒菩薩（當來下生之佛以眾生付囑）、諸天人等。無量壽國，聲聞菩薩，功德智慧，不可稱說。又其國土微妙、安樂、清淨若此。

#### 【德贊人地】

何不力為善（屏除諸妄），念道之自然（真如常樂我淨）。出入供養，觀經行道，喜樂久習。才猛智慧，心不中迴，意無懈時。外若遲緩，內獨駛急。容容虛空（風雲飛揚，虛空不動），適得其中。中表相應（外離境，內不亂），自然嚴整（安住背念相）。【除妄希真，初勸精求】

#### 《閱讀參考》

- 一、前已舉無量壽國勝妙之事，此品勸欣求往生。（菩薩及利根眾生）
- 二、勸欣求往生有三：一、除妄希真，初勸精求。二、有願不虛，重勸進修。  
三、欣羨壽樂，三勸進修。（如普賢行願，廣修功德，願歸極樂。）
- 三、付囑彌勒菩薩：自本品起，除第三十八品阿難當機外，皆是世尊與彌勒菩薩論法，世尊以彌陀妙法及娑婆眾生付囑當來下生佛。
- 四、念道之自然：「道之自然」即本具佛性，真如自性，一真法界，法性，中道實相：。具足「常樂我淨」涅槃四德，亦即諸佛密藏。念「道之自然」即念佛，念佛德，念實相。名以昭德，故持名念佛即是念道之自然。（自然即稱性，能修所修，能證所證，皆契中道，皆應自性。）



五、才猛智慧，心不中迴，意無懈時：以勇猛才能，銳利智慧，精求佛道。信心堅定不中迴，願力深切無懈倦。

六、外若遲緩，內獨駛急：外相所現，安閒沉穩，行不躁亂。內心精進，念念相續，持法不失。

七、容容虛空，適得其中：心量寬廣如虛空，虛空無邊，其體不動；虛空能容，森羅萬象依空而現。體相無礙，契會中道。（應無所住而生其心）

八、背念：求出世，厭背生死，安住於無漏涅槃之念。

檢斂端直（指內念外造），身心潔淨，無有愛貪（愛取有）。志願安定，無增缺減（知不增減，得道和正），求道和正，不誤傾邪。隨經約令，不敢蹉跎，若於繩墨。【依法修持】  
威為道慕，曠無他念，無有憂思。自然無為，虛空無立，淡安無欲。【應無所住】  
作得善願，盡心求索。含哀慈愍，禮義都合，苞羅表裏（無邊眾生自性眾生），過度解脫。自然保守，真真潔白（以復本覺），志願無上，淨定安樂。【除煩惱不失菩提】

### 《閱讀參考》

一、重勸分二：先說「依法修持，善願求成」，後說「顯性達用，有願不虛」。

「依法修持，善願求成」，即如法廣修功德。又分三段：依法修持；應無所住；除煩惱不失菩提。

二、檢斂端直（指內念外造），身心潔淨，無有愛貪（愛取有）：

依法修持，檢束收斂，外絕諸緣（嚴持淨戒），令心端正不曲（心念正道；念佛）。

身心清淨，一切所作，遠離愛貪。（愛取有：十二因緣法之現在惑業。）

三、咸為道慕，曠無他念，無有憂思：心所慕求皆在正道，其心空廣無有雜念，於所修法堅定明了，無有疑慮。（專念彌陀：，萬緣放下：，念念相應念念佛。）

四、自然無為，虛空無立，淡安無欲：

如法修行，精進不懈，功行增長，本具自然智慧逐漸開明，法執漸消，由有為轉無為，離諸垢染，淨如虛空；平等安定，一切塵勞愛染，悉皆不起。（一切所作，應無所住。）

五、作得善願，盡心求索：菩薩發大菩提心，一切修學，皆為成就四弘誓願，故求道精勤，自利利他，圓融無礙。

六、自然保守，真真潔白：

本具智光任運而發，念念相繼，不異不失。真如本性，妙明真心，無染無垢。（本覺得復）（分證）本覺：一切眾生自性清淨心源，離於妄念，即寂而照，等虛空界，無所不遍，法界一相，即是如來平等法身，故名本覺。 《三藏法數》

一日開達明徹，自然中自然相，自然之有根本，自然光色參迴，轉變最勝（始覺）。【固然顯性】

鬱單（三世義）成七寶，橫攬（十方義）成萬物。光精明俱出，善好殊無比。著於無上下（顯無古今），洞達（通盡虛空）無邊際。【真如體用】

宜各勤精進，努力自求之，必得超絕去，往生無量清淨阿彌陀佛國。【有願不虛，重勸進修】

## 《閱讀參考》

一、此部分解說「顯性達用，有願不虛」。

二、**因然顯性**：豁然顯性，自性開顯，真如智慧之體起如理觀照之用。（因尸义乙ノ：牽船聲。）

三、**三覺**：（出自圓覺經疏） 《三藏法數》

本覺：謂一切眾生，自性清淨，心體本來覺了，離諸妄念，故名本覺。始覺：眾生本覺心源，由無明熏動，忽起妄念，而成不覺，多劫在迷。今始覺悟，覺了一切諸法即是真如，平等不二，是名始覺。究竟覺：究竟即決定終窮之義。能覺了染心之源，究竟終窮，同於本覺，故名究竟覺。（究竟覺，始覺究竟，即成佛也。）

◎大乘起信論之「五覺」：本覺，始覺，相似覺，隨分覺，究竟覺。

◎天台宗之「六即」：理即，名字即，觀行即，相似即、分證即、究竟即。

四、**鬱單成七寶，橫攬成萬物**：（鬱單表三世果報，橫攬表十方世界）

自性開明，由凡轉聖，境界即轉。一切時空（三世業緣果報，十方世界）皆由染轉淨，勝境現前，如同眾寶湧現，清淨勝妙。一切受用，具足無缺。

鬱單指鬱單越（北俱盧州），人道福報最厚，眾寶自現，享樂最勝之處。

五、**宜各勤精進，努力自求之，必得超絕去，往生無量清淨阿彌陀佛國**：豁然顯性，發真實慧，通達極樂世界之事理，必當願歸極樂佛國。

如普賢菩薩發願偈：**願我臨欲命終時，盡除一切諸障礙。面見彼佛阿彌陀，即得往生安樂刹。**

**努力自求之**：深信切願。超絕：超越一切生死煩惱。「超絕」有頓超之義，欲得頓超之法，唯有彌陀妙法，故應深信切願，精進力求，往生無量清淨阿彌陀佛國。

橫截於五趣，惡道自閉塞。無極之勝道，易往而無人。【道勝行易，反難生信】

其國不逆違（隨念滿願得不退轉），自然所牽隨。捐志若虛空，勤行求道德（成佛之道利眾之德），可得極長生，壽樂無有極。何為著世事，譊譊憂無常。【欣羨壽樂，三勸進修】

#### 《閱讀參考》

- 一、欣羨壽樂，三勸進修。精要說明修法之利益，三勸精進修習。
- 二、無極之勝道：彌陀念佛法門為一切正道之最殊勝，遠超越一切法門。  
修因方便易行，得果頓超圓滿。佛德高顯無上，佛土莊嚴無比。
- 三、捐志若虛空：一切世間雜染欲著，徹底棄除，猶如虛空，清淨無塵。
- 四、何為著世事，譊譊憂無常：（譊譊：喧鬧爭吵。）

凡夫耽著世間欲塵，虛妄追求，吵鬧鬥爭，渾渾噩噩過一生。惟到病苦老衰，命欲終了，方才無可奈何嘆無常。

學佛之人，知生死苦，得聞無上妙法，當「聞健自修」，擇法精進，發菩提心，深信切願，一向專念阿彌陀佛，以求當生成就，乘願再來。如此方得不負佛恩、不負師恩、不負己靈。

【勸諭策進第三十三】

勸諭策進第三十三


世人共爭不急之務。

於此劇惡（造十惡）極苦（迫眾苦）之中，勤身營務，以自給濟。

尊卑、貧富、少長、男女，累念積慮（多屬利己損人），為心走使（妄）。

《眉注》

最急——智慧  
次急——福德  
不急——五欲



法身  
色身

爭取不急——  
油釜撈財  
起惑妄作

《閱讀參考》

一、第三十三品至第三十七品廣明娑婆世界穢惡充滿，令厭捨。

第三十三品、第三十四品明貪瞋癡三毒煩惱過患，並勸修捨。

第三十五品、第三十六品明五惡五痛五燒，業苦過患，並勸修捨。

第三十七品勸依教修行，修行得益。

二、第三十三品明貪瞋癡三毒煩惱過患。

分五小段：爭取不急，貪惑過患，瞋惑過患，癡惑之業報過患，癡惑之生死過患，初勸捨離。

（屢教屢勸）

《四馬譬喻》（雜阿含經）

世有四種良馬：第一良馬，顧其鞭影馳驅，遲速左右隨御者意。

第二良馬，以鞭杖觸其毛尾察御者意而隨其意。第三良馬，鞭杖小侵，隨御者意。

第四良馬，鐵錐刺身傷骨然後著路，隨御者之叱。

三、十惡：惡即乖理之行。

眾生觸境顛倒，縱此惑情，於身口意，動與理乖，成此十惡。一、殺生，二、偷盜，三、邪淫，

四、妄語，五、兩舌，六、惡口，七、綺語，八、貪欲，九、瞋恚，十、邪見。 《三藏法數》

四、累念積慮：累念既往，積慮未來。

為心走使：心有所欲，身必隨之。為欲求之心而奔波勞碌。「如渴鹿逐於陽炎，翳眼弄於空華。」

無田憂田，無宅憂宅，眷屬財物，有無同憂（一）。有一少一，思欲齊等（二）。適小具有，又憂非常（三）。水火盜賊，怨家債主，焚漂劫奪，消散磨滅。

心慳意固，無能縱捨（我執人相俱重）。命終棄捐，莫誰隨者（身尚棄委）。貧富同然，憂苦萬端。

《眉注》 財物終散 ┌ 三際憂苦  
                          └ 增益惡根

《閱讀參考》

一、此段明貪惑過患（財物終散）。

二、五家所共：世之財物，為王與賊、火、水、惡子等五家之共有物，不能獨用之。

智度論：「富貴雖樂，一切無常，五家所共，令人心散輕躁不定。」

「勤苦求財，五家所共，若王若賊若火若水若不愛子用，乃至藏埋亦失。」

清涼華嚴經疏：「我今捨世間所愛之財，五家所共，多諸過患，用買無上法寶正法之財。」

三、心慳意固，無能縱捨（我執人相俱重）：慳吝的意識心甚為堅固，私我與他人之分別甚深，財務若失，憂怨愁苦，不能放下，難脫苦縛。

四、命終棄捐，莫誰隨者（身尚棄委）：命終之時，一切世間財物，悉皆捨離，無一絲一毫得以相隨。  
（此色身尚得捨棄，何況身外之財。）

五、普賢行願品：

是人臨命終時，最後剎那，一切諸根悉皆散壞；一切親屬悉皆捨離；一切威勢悉皆退失；輔相大臣、宮城內外、象馬車乘、珍寶伏藏，如是一切無復相隨。唯此願王，不相捨離，於一切時，引導其前。一剎那中，即得往生極樂世界。

世間人民，父子、兄弟、夫婦、親屬。當相敬愛，無相憎嫉。有無相通，無得貪惜。言色常和，莫相違戾。

或時心諍，有所恚怒。後世轉劇（積累所致），至成大怨。世間之事，更相患者。雖不臨時，應急想破。

人在愛欲之中，獨生獨死，獨去獨來。苦樂自當，無有代者。

善惡變化，追逐所生。道路不同，會見無期。何不於強健時，努力修善，欲何待乎。

《眉注》  
眷屬終離  
├ 怨從親生  
├ 宜制情愛  
├ 生死獨往  
└ 六趣分途

《閱讀參考》

一、此段明瞋惑過患。瞋由貪愛引生，貪瞋相隨不離，轉增劇苦。

文有三：以理教勸（怨從親生），廣明瞋過，勸修捨離。

廣明瞋過有三：怨害轉劇（宜制情愛），未來惡道（生死獨往），別離難聚（六趣分途）。《義疏》

二、雖不臨時，應急想破：既造業因，必結果報，報應雖不一定立即顯現，但是因果不虛，決當報償於將來。眾生畏果，菩薩畏因，學者應覺，即刻看破放下。

世人善惡自不能見，吉凶禍福，競各作之。身愚神闇，轉受餘教，顛倒相續（惑業苦環形），無常根本。

蒙冥抵突，不信經法。心無遠慮，各欲快意。迷於瞋恚，貪於財色，終不休止。哀哉可傷。

《眉注》  
自受業果┐相續有根  
└ 耽著毒欲

《閱讀參考》

一、此段明癡惑之業報過患。由癡故，不信因果，迷於貪瞋，業苦相續。惑業苦輪轉，相續不斷，無常苦報，以癡為本。



二、身愚神闇：以愚癡故，不知正法，心不信因果、身常造惡業。

轉受餘教：對於世俗凡夫虛妄言說，以及外道邪知邪見，反易信奉。

三、蒙冥抵突，不信經法：

蒙，矇，有眼而不能見。冥：愚昧、不明事理。抵：抗拒、衝突、觸犯。突：衝撞、觸犯、冒犯。

以愚癡故，不見真相，不明義理，以抵觸為性，喜好衝突，行為時常觸犯禮則。於經法所說，不能信受。

四、各欲快意：只圖現在暢快享受，不顧後世有報。

先人（指早年）不善，不識道德，無有語者，殊無怪也。死生之趣，善惡之道，都之不信，謂無有是。

更相瞻視，且自見之。或父哭子，或子哭父，兄弟夫婦，更相哭泣。一死一生，迭相顧戀。憂愛結縛，無有解時（形分神結之害）。思想恩好，不離情欲。不能深思熟計，專精行道。年壽旋盡，無可奈何。

《眉注》◎望鄉臺畔尚思家 月冷風淒冥路斜  
縱有紙錢無處用 只緣一點念頭差  
雙袖斑斑血淚痕 今朝萬事不堪論  
也曾聽說西方路 悔未生前向佛門

勸發深思

初	昧	可	原
觀	他	當	省
機	逝	無	補

《閱讀參考》

- 一、此段明癡惑之生死過患。由癡故，善惡不信，生死無知，無可奈何。
- 二、憂愛結縛，無有解時（形分神結之害）：昔日恩愛，今成憂苦，情愛煩惱，如繩作結，束縛身心，生死之間，不得出離。（生死之間，身形分離，情愛結縛，受害無窮。）

惑道者眾，悟道者少。各懷殺毒，惡氣冥冥。為妄興事，違逆天地。恣意罪極，頓奪其壽。下入惡道，無有出期。

若曹營熟思計，遠離眾惡。擇其善者，勤而行之。愛欲榮華，不可常保，皆營別離，無可樂者。

當勤精進，生安樂國。智慧明達，功德殊勝。勿得隨心所欲，虧負經戒，在人後也。

《眉注》

指歸極樂

┌ 易墮惡趣  
├ 世榮不常  
└ 勿虧經戒

#### 《閱讀參考》

- 一、此段初勸修捨，求生極樂。分三：誠勸起惑造惡必入惡道（易墮惡趣），普勸斷惡修善（世榮不常），結勸專修往生極樂（勿虧經戒）。
- 二、勿得隨心所欲，虧負經戒：凡夫安心所趨者欲塵，正是生死根本，應當覺醒照見。佛所說之經教為真實義理，應求聞解。佛所教之戒行是離苦之鑰，應如實修習。  
涅槃經：「常為心師，不為師心。」四十二章經：「慎勿信汝意，汝意不可信。」

## 心得開明第三十四

彌勒白言。佛語教戒，甚深（理）甚善（法）。皆蒙慈恩，解脫憂苦。佛為法王，尊超羣聖（十地）。光明徹照，洞達無極（正徧智普照世間），普為一切（大千世界）天人之師。今得值佛（一難），復聞無量壽聲（二難），靡不歡喜，心得（塞）開（垢）明。【彌勒稱頌】

佛告彌勒。敬於佛者，是為大善（自究本心）。實當念佛，截斷狐疑。拔諸愛欲（外塵），杜眾惡源（內毒）。遊步三界，無所罣礙（火宅縱苦 離相自在）。開示正道，度未度者。【醇（諄）囑兩度】

若曹當知，十方人民，永劫以來，輾轉五道（一切外道最高不出諸天），憂苦不絕。生時苦痛，老亦苦痛，病極苦痛，死極苦痛，惡臭不淨（五種），無可樂者。【世無可樂】

宜自決斷，洗除心垢，言行忠信，表裏相應。人能自度，轉相拯濟。至心求願（上求下化），積累善本（四弘誓六波羅）。雖一世精進勤苦，須臾間耳。【短時勤苦】

後生無量壽國，快樂無極。永拔生死之本（無始無明），無復苦惱之患（證得諸法皆空）。壽千萬劫，自在隨意（成證化應短長由己）。【永證安樂】

宜各精進，求心所願。無得疑悔（疑事不真悔多損捨），自為過咎。生彼邊地，七寶城中，於五百歲受諸厄也（不見佛不開正智）。【勿生邊地】（如生北拘盧，但享癡福謂之邊厄難也）

彌勒白言。受佛明誨，專精修學，如教奉行，不敢有疑。【彌勒承誨】

### 《閱讀參考》

一、第三十四品勸離三毒苦患，生極樂國。分三：彌勒稱頌領解，世尊反復勸誡，彌勒承誨領行。

反復勸誡分五：諄囑兩度，世無可樂，短時勤苦，永證安樂，勿生邊地。

二、復聞無量壽聲：

彌陀要解：「不論至心散心，有心無心，或解不解，但彌陀名號，：一經於耳，假使千萬劫後，畢竟因斯度脫。」「阿彌陀佛是萬德洪名，以名召德，罄無不盡。故即以執持名號為正行，不必更涉觀想參究等行。至簡易，至直捷也。」「以念念即佛故，不勞觀想，不必參究，當下圓明，無餘無欠。上上根不能踰其闕，下下根亦能臻其域。」

三、五種不淨（觀身五種不淨）

一、種子不淨：內種觀此身從昔煩惱業生；外種觀此身攬父母遺體而成。

二、住處不淨：觀此身十月在於母胎，生藏之下熟藏之上，臭穢中住。

三、自體不淨：觀此身以四大不淨所成，不可久停，終成不淨。

四、外相不淨：觀種種不淨物，充滿於身中，常流出不止，如漏囊盛物。

五、究竟不淨：審諦觀此身，必歸於死處，捐棄塚間，爛壞臭穢。

四、無得疑悔（疑事不真悔多捐捨），自為過咎：

疑：不了佛智（疑他力不及）；於自善根不能生信（疑自力不及）。

悔：追返名悔，改往修來。（非指不信西方極樂，乃信解之力有所不足。）

初信後疑，悔前信解，「意志猶豫，無所專據」，半途退返，必有所失。招來往生邊地之果，不見三寶，不聞經法之苦難。「佛不使爾，身行所作，心自趣向。」（業障深重不能交感，非佛不應。）

五、下品生與邊地生：（摘錄自李炳南教授「佛學問答淨土篇」）

下品生者，不能作諸功德，但有信而不疑，若按觀經，下品中下二生，偷僧祇物，以諸惡業莊嚴，甚則五逆十惡，據此則知下品生者，皆惡人遇善緣，發信心微倖耳。

邊地生者，經云：修諸功德，修習善本，願生彼國，惟於佛種種方便之智，「疑惑不信」兩相比較，則善惡功德等業，下品之眾，不及邊地之眾明矣。然淨土條件，為信願行三要，此乃集中之心力，邊地雖有功德，而信不具，是要件不備，心力不足，故不入品。倘一轉心，要件已足，而又有原作之功德，自然高超下品之流。

（請參考第四十品 邊地疑城）

六、邊地生與三輩生

三輩往生是否包括邊地，有二說，並不相違。

一、三輩之中輩下輩皆攝有邊地。皆具信心，惟力有不足故。

二、三輩之外，另有疑城。具信心者入三輩，疑心者入邊地。

《閱讀資料》（摘錄自李炳南教授「佛學問答淨土篇」）

問：念佛有疑之人，往生邊地五百年可以見佛，若即悟者可以隨時見佛否？（林慧蘭）

答：五百年者，言其最長之時耳。如云人生百年，其實一歲二歲，十年二十年，俱有死者，處邊地者，若果有悟，隨時花開見佛，不待五百之數。

問：念佛人每日精進，實行，萬一有障礙，死後是邊地往生，到了邊地，心知念佛，五百年後就可見佛，聞法成就，假若心不知念佛，五百年後到哪裏去？（鍾智）

答：往生邊地，是未能深信有疑之人；但雖生邊地，已無娑婆之種種惡緣，智慧自比世人高出百倍，焉有不知念佛之理。

問：下品下生之人，五百劫不能聞佛說法，不能開悟與凡夫何異？佛是慈悲，能否得到佛和親師來開示使其開悟？（池慧霖）

答：下品下生，亦是大幸，蓮胎清淨，已離娑婆，居士言與凡夫何異，殊不知異之甚矣，娑婆凡夫，六道生死，蓮邦下品，等是出離，雖屬下下之品，亦勝無色界天。再言五百劫者，乃是記錯之語，經云：「滿十二大劫，蓮花方開。」按蓮開遲速，關於自己業障深淺，非佛垂慈而不平等，自心障重，不能交感故也。此等生品乃五逆十惡之輩，臨終苦逼，不能觀想，僅持至心稱名，十念往生者。居士行不如是，毋庸多慮，不生則已，生則決不下下也。

【濁世惡苦第三十五】

濁世惡苦第三十五

佛告彌勒。汝等能於此世，端心正意，不為眾惡，甚為大德（映前如教奉行）。【佛贊奉行】所以者何。十方世界善多惡少，易可開化。（難化能化故佛德大，難修能修故道果速成）唯此五惡世間，最為劇苦（不易開化）。【此世難化】我今於此作佛，教化羣生。令捨五惡，去五痛（花），離五燒（果）。降化其意，令持五善，獲其福德。【首明取捨途徑】

《閱讀參考》

一、第三十五品、第三十六品明五惡五痛五燒，業苦過患，並勸修捨。

第三十五品明五惡五痛五燒之業苦過患。分三：總說化意，別論五惡，總辨結勸。此段總說化意。

二、端心正意：真誠端直，直趣菩提；遠離三毒，去除偏邪。

三、五惡：五戒所防之殺、盜、邪淫、妄語、飲酒，為世人常造之惡因。

五痛：造五惡業，招引現在世法所罪，遭受厄難。（花報）

五燒：造五惡業，於未來世招感三途受報。（果報）

四、降化其意：得聞正法，捨執入道，發願順教修行。

五、獲其福德：依法持戒修行，現在世身安無苦，後得生極樂，終必證涅槃。

何等為五。

其一者，世間諸眾生類，欲為眾惡。強者伏弱，轉相剋賊。殘害殺傷（人與人、畜與畜、人畜互害），迭相吞噉（此世實為一大殺場）。【共造殺業】

不知為善，後受殃罰。故有窮乞、孤獨、聾盲、瘡痍、癡惡、尪狂。皆因前世不信道德，不肯為善。【惡業殃罰】

其有尊貴、豪富、賢明、長者、智勇、才達。皆由宿世慈孝，修善積德所致。【善業福應】

世間有此目前現事（要知前世因今生受者是）。壽終之後，入其幽冥，轉生受身，改形易道。故有泥犁、禽獸、蜎飛蠕動之屬（要知後世界今作者是）。譬如世法牢獄（指目前現事），劇苦極刑。魂神命精，隨罪趣向（指改形易道）。所受壽命，或長或短。相從共生（心境造作），更相報償。【輪迴苦果】

殃惡未盡，終不得離（如瘡毒未盡終不結痂）。輾轉其中，累劫難出，難得解脫，痛不可言。天地之間，自然有是。雖不即時暴應（報通三世），善惡會當歸之。【餘殃異熟】

《眉注》◎此言殺惡當除。

《閱讀參考》

一、別論五惡分五，此段首標殺惡當除。有五小段：



共造殺業：總示真相，此世實為一大殺場。

惡業殃罰，善業福應：觀現在果報，明過去業因。

輪迴苦果，餘殃異熟：現世造惡招感未來果報，輪迴受身，輾轉難出。

一、自然有是：因果必應，決定如是。

三、異熟：舊譯果報，新譯異熟。《佛學大辭典》

依過去之善惡而得之果報總名，謂果異於因之性質而成熟。如善業感樂果，惡業感苦果，是樂果非善性而為無記性（非善非惡曰無記），對於善性之業可云異類（善性與無記性類異）。苦果對於惡業，苦果非惡性而為無記性，亦因與果異性質（苦樂二果皆為無記性）。因之名曰異熟果。俱舍論：「異類而熟，是異熟義。」

《又》因與果必隔世於異時而熟之義。

唯識述記：「言異熟者，或異時而熟，或變異而熟，或異類而熟。」

其二者，世間人民不順法度（世出世二法）。奢姪驕縱，任心自恣。【為盜之因】

居上不明，在位不正。陷人冤枉（為利蔽固），損害忠良（宋高殺岳）。心口各異，機偽多端。

尊卑中外，更相欺誑。【為盜手段】

瞋恚愚癡，欲自厚己。欲貪多有，利害（得）勝負（有）。結忿成讐，破家亡身，不顧前後

（周計因果）。【因盜起爭】

富有（未必淨財）慳惜，不肯（育毒）施與（誰知世上金銀寶借汝權看幾十年）。愛保貪重，心勞身苦，如是至竟，無一隨者（萬般帶不去唯有業纏身）。善惡禍福，追命所生。或在樂處，或入苦毒。【由業轉果】

又或見善憎謗，不思慕及。常懷盜心，希望他利。用自供給，消散復取。【盜習固結】神明尅識（操權之神），終入惡道。自有三途無量苦惱，輾轉其中，累劫（蟻舘）難出，痛不可言。【三途展轉】

《眉注》◎此言盜惡當除。

《閱讀參考》

一、別論五惡之二：盜惡當除。有六小段：

為盜之因：盜惡之行，源於三毒，貪欲慳吝，放情縱慾，諸惡相資。

為盜手段，因盜起爭：造作盜業。

由業轉果，盜習固結，三途展轉：盜業感果。

二、心口各異，機偽多端：為爭私利故，心口不一，心機險惡，事事偽詐。

三、尊卑中外，更相欺誑：無論尊卑上下，內外親疏，皆欺騙詐惑。

四、愛保貪重：愛欲牢固，貪心深重。

五、善惡禍福，追命所生：善惡業因，禍福果報，皆追隨命根所生之處。

六、神明尅識：所作善惡，外有神明紀錄，內則業種熏識，業果不失。

其三者，世間人民相因寄生，壽命幾何。不良之人，身心不正。常懷邪惡（邪淫），常念淫佚（正淫無度）。煩滿胸中（如火燒中），邪態外逸（無慚造作）。費損家財（蕩子），事為非法（破人名節）。【敗家踰禮】

所當求者，而不肯為。又或交結聚會，興兵相伐（石崇孫秀事），攻劫（楚文息媯）殺戮（晉獻），強奪迫脅（昔紂之酒池肉林今貪瀆），歸給妻子。極身作樂，眾共憎厭，患而苦之。【淫因殺機】如是之惡，著於人鬼。神明記識，自入三途（地獄餓鬼）。無量苦惱，輾轉其中，累劫難出，痛不可言。【三途受報】

《眉注》◎此言淫惡當除。

### 《閱讀參考》

一、別論五惡之三：淫惡當除。有三小段：

敗家踰禮：淫惡傷己害人。淫因殺機：淫惡引發眾惡。三途受報：淫惡果報。

二、相因寄生：眾生皆有共業與別業，共業故同世受生，別業故個別業報不同。以宿業因緣，或為夫婦相因，或為親子眷屬，或為仇敵，暫寄此身而生，以償宿業因緣。

三、無慚：作惡自心無恥。《佛學大辭典》

唯識論：「不顧自法，輕拒賢善為性，能障礙慚，生長惡行為業。」

俱舍論：「於所造罪自觀無恥，名曰無慚，觀他無恥說名無愧。」

#### 四、石崇孫秀事：

石崇、孫秀皆西晉惠帝時之大臣。

西晉惠帝，昏庸無能（有「何不食肉糜」之事），賈后專權（後被趙王司馬倫誅除）。皇族與大臣結黨營私，玩弄權術，生活奢靡，爭權奪利，引發「八王之亂」，引入北方外族兵力相殘，「五胡亂華」，西晉因而衰亡。

石崇為司徒石苞之子，著名官吏（勇而有謀，滅吳有功，甚受器重）、盜賊（任荊州刺史搶劫商旅）。為人奢暴好殺，八王之亂時遭孫秀誣陷，被處死。

孫秀家族世奉五斗米道。後成為趙王司馬倫親信，玩弄權術，曾任中書令，八王之亂時被攻殺於中書省。

石崇有一歌伎綠珠，美艷且善吹笛，極得石崇喜愛。趙王誅除賈氏後，孫秀獨掌大權，並垂涎綠珠美色，遣使請求石崇相贈。但石崇不予，孫秀於是怨恨石崇。

後孫秀誣石崇與淮南王司馬允合謀討伐司馬倫，於是派人收捕石崇。石崇當時在居所樓上宴客，知道後對綠珠說：「我今天因妳而獲罪。」綠珠流淚道：「妾當效死君前。」遂墮樓而亡。

#### 五、楚文息嬀：

楚文王是春秋時代楚國君主，楚武王之子。繼承父志，尚武強國，滅息、鄧、申、夔諸國，大大擴充了楚國的版圖。楚文王六年，出兵伐蔡，俘蔡哀侯而回。蔡哀侯向楚文王稱讚息國夫人息嬀乃天下第一美女。於是文王訪息國，受到息侯接待，卻乘機滅息，佔有息嬀。息嬀為楚文王生二子，卻是一直悶悶不樂而不願言語，楚文王問原因，她說：「吾一婦人而事二夫，縱弗能死，其又奚言？」（嬀：姓氏）

六、晉獻公：春秋時代晉國君主，娶六妻生五子。即王位後，積極鞏固君權並加強國家武力，國勢強盛，史稱其「並國十七，服國三十八」，在位二十六年，有「驪姬之亂」「假道伐虢」等事。

「驪姬之亂」：伐驪戎時，得驪姬與少姬，納為妾室。驪姬因姿色豔美，甚得寵幸，生子奚齊。驪姬野心勃勃，欲廢嫡立庶，與優施淫亂，策劃陰謀，設計陷害太子申生，申生逃走，後自殺。驪姬又誣告申生的弟弟重耳和夷吾謀逆，兩人相繼逃離晉國。獻公病逝，立十五歲的奚齊為國君，大夫里克殺奚齊和驪姬，立夷吾為王，即晉惠公。

其四者，世間人民不念修善。兩舌、惡口、妄言、綺語。憎嫉善人（欲掩自醜），敗壞賢明（因嫉故謗）。不孝父母（欺誑不敬），輕慢師長（輕諾不忠）。朋友無信，難得誠實。【欺誑損他】尊貴自大，謂己有道（未證謂證）。橫行威勢（虛張恐人不受其騙），侵易于人（用暴脅迫）。欲人畏敬，不自慚懼（不顧世論）。【誇大自欺】

難可降化，常懷驕慢。賴其前世，福德營護（未殃之因）。今世為惡，福德盡滅。壽命終盡，諸惡繞歸。【德盡惡歸】

又其名籍，記在神明。殃咎牽引，無從捨離。但得前行（作惡不止業牽其行），入於火鑊（譬三途），身心摧碎，神形苦極。當斯之時，悔復何及。【悔不可追】

《眉注》◎此言妄惡當除。

《閱讀參考》

一、別論五惡之四：妄惡當除。有四小段：

**欺誑損他，誇大自欺：**造妄語之惡業相，欺他之惡，自欺之惡。

**德盡惡歸：**妄語損德，現報未現乃因宿德，德盡罪現。**悔不可追：**妄語之惡招引三途惡報。

二、尊貴自大，謂己有道：為得尊名貴利，貪慢熾盛，未證言證，為大妄語。

大佛頂首楞嚴經：「所謂未得謂得，未證言證。或求世間尊勝第一。謂前人言：我今已得須陀洹果，斯陀含果，阿那含果，阿羅漢道，辟支佛乘，十地地前諸位菩薩。求彼禮懺，貪其供養。是一顛迦，銷滅佛種。如人以刀，斷多羅木。佛記是人，永殞善根，無復知見，沈三苦海，不成三昧。」

三、難可降化，常懷驕慢：妄語之惡乃貪瞋癡慢諸惑所生。妄語之人，雖遇正法，慢心高舉，不聞不信，難受法化。（對應「尊貴自大，謂己有道」）

其五者，世間人民，徒倚懈怠。不肯作善，治身修業。父母教誨，違戾反逆。譬如怨家，不如無子。負恩違義，無有報償。【悶憤無別】

放恣遊散，耽酒嗜美。魯（莽）（跋）扈抵（牾）突（觸），不識人情。無義無禮，不可諫曉。六親眷屬，資用有無（裘馬換酒），不能憂念（醉後輕財）。不惟父母之恩，不存師友之義。（前言其造作時，此言其後生事。）【顛狂無主】

意念身口（三業濁），曾無一善。不信諸佛經法，不信生死善惡。欲害真人，鬥亂僧眾。愚癡蒙昧，自為智慧。不知生所從來，死所趣向。不仁（不愛眾）不順（不順人情），希望長生。

【作魔眷屬】

慈心教誨（父母師長），而不肯信。苦口與語（親戚朋友），無益其人。心中閉塞，意不開解。大命將終，悔懼交至。不豫修善，臨時乃悔。悔之於後，將何及乎。【障蔽齊生】

《眉注》◎此云酒惡當除。前四為性惡，此一為遮惡。

### 《閱讀參考》

一、別論五惡之五：酒惡當除。有四小段：

悶憤無別：懈怠煩惱，酒惡之緣。（悶：心緒不暢快。憤：心智昏亂不明。無別：不能明辨是非。）

顛狂無主：酒惡業相，昏亂無主，違逆世法。

作魔眷屬：貪瞋癡三毒俱起，引生眾惡。障蔽齊生：酒惡障礙教化，難得解脫。

二、遮惡：對於性惡而言。（遮：遏止、攔阻、阻擋。）

非自性之惡，以能引生眾惡故，立制遮止。如飲酒，依佛遮制而為惡行。

飲酒能引貪瞋癡三毒惡行。好酒貪杯，久而成習，即是貪惡。醉後易怒，憤恚之火熾盛，口出惡言，常結惡緣，即是瞋惡。酒令神昏，或不省人事，或迷失善性，違理喪智，即是癡惡。

三、徒倚懈怠：凡夫心常猶豫無主，只圖苟且偷安，沉溺於感官享受，故放逸懶惰，不知修身行道。

（徒倚：猶豫徘徊。）

四、魯扈抵突：無知無慚、不順倫常事理。魯莽、魯鈍，無知妄作。跋扈，放縱自大。

抵牾突觸，凡事違逆，一切所作，觸犯人情事理。

五、欲害真人，鬥亂僧眾：五逆重罪之「殺阿羅漢」「破和合僧」。（真人指證真之人，即阿羅漢。）

天地之間，五道分明。善惡報應，禍福相承。身自當之，無誰代者。善人行善，從樂入樂，從明入明。惡人行惡，從苦入苦，從冥入冥。誰能知者，獨佛知耳。 【五趣不爽】

教語開示（五戒為作人之基），信行者少。生死不休，惡道不絕。如是世人，難可具盡。故有自然三途，無量苦惱，輾轉其中，世世累劫，無有出期。難得解脫，痛不可言。【解脫難期】如是五惡、五痛、五燒。譬如大火，焚燒人身（五惡為滅人之賊）。若能自於其中一心制意，端身正念（守口攝意身莫犯），言行相副，所作至誠。獨作諸善，不為眾惡。身獨度脫（如是行者得度世），獲其福德。可得長壽泥洹之道，是為五大善也。 【戒轉五善】

《眉注》◎此總結以上諸文也。

### 《閱讀參考》

一、此段總辨結勸，總結五惡過患，並勸戒轉五善。有三小段：

**五趣不爽**：因果如是，禍福自當。**解脫難期**：無信無行，難得解脫。

**戒轉五善**：如教修行，得生極樂，究竟涅槃。

二、本品明說五惡過患，勸轉五戒，實攝十善，並反覆教誨「深信因果」。

五戒十善雖屬人天善因，今以念佛因緣，迴向極樂，即轉世間善成出世淨業。

三、觀無量壽佛經：

欲生彼國者，當修三福：一者、孝養父母，奉事師長，慈心不殺，修十善業；二者、受持三歸，

具足眾戒，不犯威儀；三者、發菩提心，深信因果，讀誦大乘，勸進行者。如此三事，名為淨業。



#### 四、彌陀要解：

娑婆即自心所感之穢，而自心穢，理應厭離。極樂即自心所感之淨，而自心淨，理應欣求。  
厭穢須捨至究竟，方無可捨。欣淨須取至究竟，方無可取。

#### 【重重誨勉第三十六】

##### 重重誨勉第三十六

佛告彌勒。吾語汝等。如是五惡（因）、五痛（花）、五燒（果），輾轉相生。敢有犯此，當歷惡趣。或其今世，先被病殃（悟達禪師人面瘡事），死生不得，示眾見之。或於壽終，入三惡道。愁痛酷毒，自相焦然（自出猛火）。共其怨家（人羊互吞），更相殺傷。【二報示懲】  
從小微起，成大困劇。皆由貪著財色，不肯施惠。各欲自快，無復曲直（欲熾忘理）。癡欲所迫，厚己爭利。【不慎其初】  
富貴榮華，當時快意。不能忍辱，不務修善。威勢無幾，隨以磨滅。【興滅倏忽】  
天道施張，自然糾舉，兢兢忪忪，當入其中。古今有是，痛哉可傷。【自食其報】

#### 《閱讀參考》

一、第三十六品勸修捨離五惡，端正三業。先勸惡應捨，後勉善應修。

先勸捨惡，有四小段：

二報示懲：惡業必招現報（痛）後報（燒）之劇苦。不慎其初：惑生惡業，從微轉劇。（三毒引發）興滅倏忽：所求欲樂，瞬息即失。自食其報：因果報應，自作自受。

## 一、愁痛酷毒，自相焦然（自出猛火）：

憂愁苦痛，悲慘至極之苦毒；受自業感召之劇烈地獄猛火所炙燃。

## 三、天道施張，自然糾舉：因緣果報之理，自然施立，造惡必彰。糾舉，糾舉：檢舉、告發。

## 四、兢兢忪忪，當入其中：惡報現前，獨生獨死，驚惶失措；五道之中，輪迴無間斷。

兢兢：孤獨無依。忪：驚恐，驚惶失措。

## 五、《地藏菩薩本願經》地獄名號品第五

地藏菩薩告普賢菩薩言：「仁者，此者皆是南閻浮提行惡眾生，業感如是。業力甚大，能敵須彌，能深巨海，能障聖道。是故眾生莫輕小惡，以為無罪，死後有報，纖毫受之。父子至親，歧路各別，縱然相逢，無肯代受。」

## 六、悟達國師

唐 知玄，字後覺，姓陳，眉州洪雅人。七歲在寧夷寺聽講涅槃經，宛如宿習，是夕夢佛手摩其頂。年十一出家，授以經疏，通達深奧。年十三，即升堂講論，黑白傾聽。

知玄昔與一僧邂逅京師，時僧患迦摩羅疾（癲瘋病），人莫知其異也，皆厭惡之，知玄視候無倦色。後別，僧謂知玄曰：「子後有難，可往西蜀彭州茶隴山相尋，有二松為誌。」（茶隴山又名九隴山）

宣宗朝，召入京，賜紫袈裟，奏復天下廢寺，尋乞歸故山。

後知玄居安國寺，懿宗親臨法席，尊為國師，賜沈香為座，恩渥甚厚。

忽膝生人面瘡，眉目口齒俱備，與人無異，求醫莫效。因憶舊言，乃入山相尋。見二松於烟雲間，

信所約不誣。即趨其處，佛寺煥儼。僧立於山門，顧接甚歡，天晚止宿。

知玄以所苦告之，僧曰：「無傷也，山有泉，旦濯之即愈。」黎明，童子引至泉所，方掬水間。

瘡忽人語曰：「未可洗。公曾讀西漢書不？」曰：「曾讀。」

瘡曰：「既曾讀之，寧不知袁盎殺晁錯乎？公即袁盎，吾晁錯也。錯腰斬東市，其冤何如哉。累世求報於公，而公十世為僧，戒律精嚴，報不得其便。今汝受賜過奢，名利心起，故能害之。蒙迦諾迦尊者，洗我以三昧法水，自此不復為冤矣。」

時知玄魂不住體，急掬水洗之，其痛徹髓，絕而復蘇，瘡亦旋愈。回顧寺宇，莽不復見。因卓菴其處，遂成大寺。（今九隴山三昧禪林）知玄感其異，思積世之冤，非遇聖賢，何由得釋。因述懺法三卷，蓋取三昧水洗冤業之義，名曰水懺法，即「慈悲三昧水懺」。（依華嚴宗五祖宗密大師之《圓覺經修證儀》而作）

玄少欲，過中不食，六時行道，累致顯應。一日忽聞空中聲曰：「必生淨土。」乃訊曰：「孰之語耶。」空又應曰：「佛也」。又見一菩薩降庭中，叮嚀讚諭，忽不見。臨終時，囑令棄屍飼魚鳥。曰：「吾久與西方淨土有期。今其時矣。」言訖右脅面西而沒。年七十三。《淨土聖賢錄》

汝等得佛經語，熟思惟之。各自端守，終身不怠。尊聖（守訓）敬善（齊賢），仁慈博愛。當求度世，拔斷生死眾惡之本（根本煩惱）。當離三途憂怖苦痛之道。【當思解脫】若曹作善，云何第一，當自端心（守口攝意身莫犯），當自端身，耳目口鼻，皆當自端。身心淨潔（如是行者得度世），與善相應。【三業應善】

勿隨嗜欲（意），不犯諸惡（身），言色當和（口），身行當專（志一於道）。動作瞻視，安定徐為（威儀安詳）。作事倉卒（無思惟簡擇靜定），敗悔在後。為之不諦，亡其功夫。【威儀當肅】

《閱讀參考》

一、世尊普勸聞經者應專精修善，有三小段：當思解脫：得佛教化，從聞思修，斷惡離苦。

三業應善：端正身心，三業清淨為第一善。（都攝六根，淨念相繼）

威儀當肅：棄欲止惡，安和靜定。

二、法句譬喻經：昔佛在舍衛國，有一長老比丘字般特，新作比丘稟性闇塞，佛令五百羅漢日日教之，三年之中不得一偈，國中四輩皆知其愚冥。佛愍傷之，即呼著前授與一偈，「守口攝意身莫犯，如是行者得度世」。時般特感佛慈恩，歡欣心開誦偈上口。佛告之曰：「汝今年老，方得一偈，人皆知之，不足為奇。今當為汝解說其義，一心諦聽。」般特受教而聽，佛即為說身三、口四、意三所由，觀其所起，察其所滅，三界五道輪轉不息，由之昇天、由之墮淵、由之得道，涅槃自然，分別為說無量妙法。時般特霍然心開，即得羅漢道。

三、律中佛教弟子，一日三摩頭，默誦偈曰：「守口攝意身莫犯，莫惱一切諸有情，無益苦行當遠離，如是行者得度世。」（三摩頂偈）

四、作事倉卒，敗悔在後：作事匆促慌忙，未經仔細思維、簡擇，心不安靜，不能安於所作，必將失敗後悔。

為之不諦，亡其功夫：行事不審慎，則將喪失修持的功行與力用。

諦：審慎，周密謹慎。（此相應於「定、靜、安、慮、得」之功夫）

【如貧得寶第三十七】

如貧得寶第三十七

汝等廣植德本（六度萬行），勿犯道禁（五戒十善）。忍辱精進（映六度，二為六度樞紐），慈心專一（映戒善）。【止作雙勸】

齋戒清淨，一日一夜，勝在無量壽國為善百歲。所以者何，彼佛國土，皆積德眾善，無毫髮之惡。於此修善十日十夜，勝於他方諸佛國中為善千歲。所以者何，他方佛國，福德自然，無造惡之地。唯此世間，善少惡多，飲苦食毒，未嘗寧息。（難修能修，火裏種蓮，娑婆實升墜關頭）【此修勝彼】

《閱讀參考》

一、第三十七品結勸依教修行，修行得益。初總勸，次詳勸分五重：

一、國土因緣，二、以理正勸，三、佛行化益，四、佛緣難遇，五、滅後衰相。

二、總勸：止作雙勸。重勸一國土因緣勸：此修勝彼。

三、飲苦食毒，未嘗寧息：飲八苦之水，食三毒之味，不曾安寧、止息。

四、此修勝彼，含多重義：（難修能修功德大，難能故可貴）

眾生：極苦之地，更應出離。極苦之地聞正法難，應把握機緣。

極苦之地能修者乃具大善根之眾生（莫負己靈）。

極苦之地應修易行之法（眾苦逼迫，生命短暫）。極苦之地修法難，宜更精進。

菩薩：大悲心菩薩，當入惡世度眾生苦。（回入娑婆度有情，功德甚大）

世尊：惡世成佛難，說難信之法更難。（大慈大悲）

大寶積經文殊師利授記會：「若有眾生於彼佛土，百千億歲修諸梵行，不如於此娑婆世界，一彈指頃，於諸眾生起慈悲心，所獲功德，尚多於彼。何況能於一日一夜住清淨心。」（彼佛土指安樂土）

思益經：「於此煩惱處，能忍不可事。亦教他此法，其福為最勝。」

無量壽經鈔：「此顯修行難易，非顯善根勝劣。」如貧施一錢，雖稱美，難辦眾事；富捨千金，雖不可稱，而能辦眾事。

娑婆修證難成，欲速辦成佛度眾大事，宜先專欣淨土，見佛聞法，悟證無生，乃得回入娑婆，廣度有情。

吾哀汝等，苦心誨喻，授與經法。悉持思之，悉奉行之。尊卑、男女、眷屬、朋友，轉相教語（化他）。自相約檢（自行），和順義理，歡樂慈孝。【自他俱勉】

所作如犯，則自悔過。去惡就善，朝聞夕改。【不吝悔改】

奉持經戒，如貧得寶。改往修來，洒心易行。自然感降，所願輒得。【善感和祥】

佛所行處，國邑丘聚，靡不蒙化。天下和順（人和），日月清明，風雨以時（天和），災厲不起（時和）。國豐民安，兵戈無用（無外患果），崇德興仁，務修禮讓（因）。國無盜賊（無內憂果），無有怨枉，強不凌弱（因），各得其所。【佛至瑞應】

《閱讀參考》

一、重勸二以理正勸：自他俱勉，不吝悔改，善感和祥。

重勸三佛行化益勸：佛至瑞應。

二、自他俱勉：得佛教化，從「聞思修」三慧，自行化他，滿菩提行。

此段文中寓含四攝法：布施，愛語，利行，同事。

三、改往修來：捨棄昔非之惡行，勤修今是之善業。

洒心易行：洗除煩惱心垢，迴轉更易所行，去邪從正，捨染修淨。

四、佛所行處：佛所行履之處，佛所教化之處。或指佛法實行之處。亦指佛所證之境界。

（依法修行之地，眾善奉行，福德積聚，身心清淨，國土安樂。）

我哀汝等，甚於父母念子。我於此世作佛，以善攻惡，拔生死之苦。今獲五德，升無為之安（此方究竟）。【佛現因緣】

吾般泥洹，經道漸滅。人民諂偽，復為眾惡（預言懸記）。五燒五痛，久後轉劇。汝等轉相教誡，如佛經法，無得犯也。【重誨彌勒】

彌勒菩薩，合掌白言。世人惡苦，如是如是，佛皆慈哀，悉度脫之。受佛重誨，不敢違失。

【彌勒奉教】

《閱讀參考》

一、重勸四佛緣難遇勸：佛現因緣。

重勸五滅後衰相勸：重誨彌勒。（付囑）

彌勒奉教：以大悲心，承擔教化重任。

二、於此世作佛：娑婆惡世，成佛甚難。眾生剛強，說法度眾甚難。

（證勸：道已證，法已說。）

三、令獲五德：五德即五善，淨持五戒，離五惡，背塵合覺，德業成就。

升無為之安（此方究竟）：進而修清淨行，斷除煩惱，離垢無染，開無漏智慧，證入諸法實相，得安樂之淨德（常樂我淨），如此方為究竟。

無為：無因緣造作。即真理之異名，為聖智所證。

涅槃、法性、實相、法界，皆無為之異名。

四、佛說法滅盡經

「吾涅槃後，法欲滅時，五逆濁世，魔道興盛。魔作沙門，壞亂吾道。著俗衣裳，樂好袈裟五色之服。飲酒噉肉，殺生貪味。無有慈心，更相憎嫉。」

「法將殄沒，登爾之時，諸天泣淚。水旱不調，五穀不熟。疫氣流行，死亡者眾。人民勤苦，縣官計劫。不順道理，皆思樂亂。惡人轉多，如海中沙。善者甚少，若一若二。」

「首楞嚴經。般舟三昧。先化滅去。十二部經尋後復滅，盡不復現，不見文字。沙門袈裟自然變白。」



## 【禮佛現光第三十八】

### 禮佛現光第三十八

佛告阿難，若曹欲見無量清淨平等覺，及諸菩薩、阿羅漢等所居國土。應起西向，當日沒處，恭敬頂禮，稱念南無阿彌陀佛。【教見彌陀】

阿難即從座起，面西合掌，頂禮白言，我今願見極樂世界阿彌陀佛，供養奉事，種諸善根。

#### 【願種善根】

頂禮之間，忽見阿彌陀佛，容顏廣大，色相端嚴。如黃金山，高出一切諸世界上。【彌陀現身】

又聞十方世界諸佛如來，稱揚讚歎阿彌陀佛種種功德，無礙無斷。【諸佛稱贊】

### 《閱讀參考》

一、本品顯兩土導師大慈大悲，加被會眾，令親見極樂世界依正莊嚴。

前文已廣說阿彌陀佛身土因果，上智耳聞皆得信解，唯恐或有下輩未能決定，故現極樂淨土莊嚴，令親見生信，發願勤修。

今知極樂世界實有，從信起願，從願導行，至心信樂，求生極樂，悉皆得生，此即兩土導師本懷。

本品分三大段，第一段明真誠禮敬，相應得見。（念佛必定見佛）

二、無量清淨平等覺：漢譯稱無量壽佛為「無量清淨平等覺」，即「阿彌陀佛」。

三、願見、稱念、忽見（即見），顯「是心作佛，是心是佛」之理。

現前能念之心，與所念之阿彌陀佛感應道交，當念即見。古德云：「西方非遙，迷心為隔，若能一念歸真，則往生見土，何隔念與時乎？」

四、無礙無斷：十方如來以四無礙辯，讚歎阿彌陀佛，盡未來際，無有間斷。

四無礙辯（四無礙智、四無礙解）：法無礙、義無礙、辭無礙、樂說無礙。

仁王經：「得無礙解，法義詞辯，演說正法。」

（演說正法，如法修行，即是讚歎功德。）

阿難白言，彼佛淨刹，得未曾有，我亦願樂生於彼土。【阿難願生】

世尊告言，其中生者，已曾親近無量諸佛，植眾德本。汝欲生彼，應當一心歸依瞻仰。【教授皈依】

作是語時，阿彌陀佛即於掌中放無量光，普照一切諸佛世界。時諸佛國皆悉明現，如處一尋。【佛掌放光】

以阿彌陀佛殊勝光明，極清淨故。於此世界所有黑山、雪山、金剛、鐵圍、大小諸山，江河，叢林，天人宮殿，一切境界，無不照見【此界盡照】。譬如日出，明照世間，乃至泥犁、溪谷、幽冥之處，悉大開闢，皆同一色。猶如劫水彌滿世界，其中萬物，沉沒不現，混濇浩汗，唯見大水。彼佛光明，亦復如是。【日水喻光】

聲聞、菩薩一切光明悉皆隱蔽，唯見佛光，明耀顯赫【他光皆隱】。此會四眾，天龍八部，人非人等，皆見極樂世界，種種莊嚴。阿彌陀佛於彼高座，威德巍巍，相好光明。聲聞、菩薩，圍繞恭敬。譬如須彌山王，出於海面。明現照耀，清淨平正。無有雜穢，及異形類。唯是眾寶莊嚴，聖賢共住【會眾睹佛】。（宜與他光皆隱段合為一大段）

### 《閱讀參考》

- 一、第二段明兩土導師同心，釋尊說法勸往，彌陀放光證法接引，光明遍照並現極樂種種莊嚴。會眾皆見極樂依正莊嚴，為今生及當來一切眾生證信。
- 二、已曾親近無量諸佛，植眾德本：往生菩薩皆大乘種性，發菩提心，依四弘誓願，廣修功德。對應《佛說阿彌陀經》：「不可以少善根福德因緣，得生彼國。」
- 三、阿彌陀佛放無量光，普照一切世界：表彌陀法門，諸佛皆說，廣化十方。
- 四、一切境界，無不照見：表彌陀法門三根普被，盡攝群機。
- 五、混濛浩汗：指大水瀾漫深廣，無岸無涯，無有邊際。  
大水喻佛光，佛光明耀遍照，惟顯真實，一切世間差別之相盡皆隱沒。

阿難及諸菩薩眾等，皆大歡喜。踊躍作禮，以頭著地。稱念南無阿彌陀三藐三佛陀。【眾稱佛號】  
諸天人民，以至蜎飛蠕動，睹斯光者，所有疾苦，莫不休止。一切憂惱，莫不解脫。悉皆慈心作善，歡喜快樂。【光除諸苦】

鐘磬、琴瑟、箏篋樂器，不鼓自然皆作五音。【眾樂自鳴】

諸佛國中，諸天人民，各持花香，來於虛空，散作供養。【諸天供養】

爾時極樂世界，過於西方百千俱胝那由他國。以佛威力，如對目前。如淨天眼，觀一尋地。彼見此土，亦復如是。悉睹娑婆世界，釋迦如來，及比丘眾，圍繞說法。【兩土一尋】

### 《閱讀參考》

一、第三段明大眾見佛歡喜稱念，佛光照觸，慈心安樂（觸光安樂願）。

會眾誠敬，佛力加威，兩土互現，顯極樂不離自心，理事無礙，因果相即之妙。

二、南無阿彌陀三藐三佛陀：即六字洪名「南無阿彌陀佛」。

三藐三佛陀：舊譯「正遍知」，新譯「等正覺」，佛十號之一。

三、彌陀大願：（光明無量願，觸光安樂願）

我作佛時。光明無量，普照十方，絕勝諸佛，勝於日月之明，千萬億倍。

若有眾生，見我光明，照觸其身，莫不安樂。慈心作善，來生我國。若不爾者，不取正覺。

四、本品具「四悉檀」：悉檀，成就之義，以此四法成就眾生之佛道。

世界悉檀：極樂依正現前，令眾歡喜，生欣求心。

為人悉檀：大眾歡喜作禮，稱念聖號，令生善故。持名往生為善中之善。

對治悉檀：破疑生信，令斷疑根，信力得圓，佛力相應。

第一義悉檀：念佛見佛，妙境現前。悟入諸法實相，事理相即，心佛不二。

### 慈氏述見第三十九

爾時佛告阿難，及慈氏菩薩。汝見極樂世界，宮殿、樓閣、泉池、林樹，具足微妙，清淨莊嚴不（地上）。汝見欲界諸天，上至色究竟天，雨諸香華，徧佛剎不（天空）。阿難對曰，惟然已見。汝聞阿彌陀佛大音宣布一切世界，化眾生不（主眾）。阿難對曰，惟然已聞。【阿難見聞】

佛言，汝見彼國淨行之眾，遊處虛空，宮殿隨身，無所障礙。徧至十方供養諸佛不（飛空供佛）。及見彼等念佛相續不（淨念相繼）。復有眾鳥，住虛空界，出種種音，皆是化作，汝悉見不（眾鳥演法）。慈氏白言，如佛所說，一一皆見。【慈氏見聞】

#### 《閱讀參考》

- 一、本品分兩段，初釋尊為證信故，重述確證。次為除障釋疑故，彌勒啓問。  
第一段以阿難及彌勒當機證信，阿難集結經藏，並表中下根凡夫機所見聞，  
彌勒當來下生，表菩薩上根機所見聞，並有付囑之義。
- 二、阿難確證見聞有三：地上莊嚴，天空莊嚴，主眾莊嚴。  
彌勒確證見聞有三：飛空供佛，淨念相繼，眾鳥演法。
- 三、色究竟天：色界十八天之最頂，故名色究竟。

**欲界天：**享受五塵五欲之樂（色聲香味觸），有六層：四天王天，忉利天，須夜摩天，兜率陀天，化樂天，他化自在天。

**色界天：**修四種禪定所感，色身、宮殿國土殊妙精好。有四禪計十八天：

**初禪天：**有三，梵眾天，梵輔天，大梵天。（不須段食，故無鼻舌二識）

**二禪天：**有三，少光天，無量光天，光音天。（無眼耳身三識，僅有意識）**三禪天：**有三，少淨天，無量淨天，遍淨天。（僅有意識，有樂捨二受）**四禪天：**有九，無雲天，福生天，廣果天，無想天，

**無煩天，無熱天，善見天，善現天，色究竟天。**（僅有意識，唯有捨受）

**無色界：**有四，識無邊處，空無邊處，無所有處，非想非非想處。（但存識心，住於深妙之禪定。）

佛告彌勒，彼國人民有胎生者，汝復見不。彌勒白言，世尊，我見極樂世界人住胎者，如夜摩天，處於宮殿。又見眾生，於蓮華內結跏趺坐，自然化生。何因緣故，彼國人民，有胎生者，有化生者。【示有胎化】

#### 《閱讀參考》

一、第二段，釋尊為除障釋疑故，引導彌勒菩薩啟問，從所見果相啟問因緣。

二、人住胎者：以胎兒為喻，人法未成者（尚未成人）。

極樂世界所謂「胎生」者，非如此界之從胞胎中所生之「胎生」。乃指往生眾生有疑惑障，未能見佛聞法，猶如受胞胎所障。雖云住胎，然而受用快樂，居於七寶城宮殿中，猶如夜摩天宮。

《註》「胎生」「邊地」及菩薩處胎經之「懈慢界」皆屬邊地受障之類。

三、若論其實，極樂世界所有往生者，皆是蓮花化生。

以眾生易受**疑惑障**所困，故特標「胎生」，引導眾生，**明信佛智**，斷除疑惑，**信己善根**，至心迴向。往生極樂三資糧為信願行，此段特說願行已修而**信力不足**之障。所說「信力」指深固清淨之信，**明信佛智**，**信己善根**。信力為修習智慧所發。

#### 【邊地疑城第四十】

##### 邊地疑城第四十

佛告慈氏，若有眾生，以**疑惑心**修諸功德（此心指非純信，不然何修功德。此疑指二力，非謂不信西方），願生彼國。

不了佛智、不思議智、不可稱智、大乘廣智、無等無倫最上勝智。於此諸智，**疑惑不信**（疑他力不及）。猶信罪福，修習善本，願生其國。

復有眾生，積集善根，希求佛智、普遍智、無等智、威德廣大不思議智。於自善根，不能生信（疑自力不及）。

故於往生清淨佛國，意志猶豫，無所專據。然猶續念不絕（參半），結其善願為本，續得往生。 【疑念往生】

#### 《閱讀參考》

一、本品分三大段：邊地因緣；邊地果報；胎化之別。

第一段邊地因緣：疑念往生。分二：疑佛力，疑自力。

此處所說之「疑」，乃指但信世間因果，於佛所說之大乘菩提無真實信。

（佛性、法性、自性、法界、實相、菩提心、四弘誓願：：等。）

二、不了佛智、不思議智、不可稱智、大乘廣智、無等無倫最上勝智：

不了佛智：佛智深廣，絕待圓融，離過絕非，圓滿至上。不能信了（深信）佛之一切種智，故起疑。（此總辨下別明）

不思議智：佛智深廣，成就一切不可思議。應「成所作智」。念佛往生之妙，為不思議智所立。

不可稱智：佛智無量，稱說不盡。應「妙觀察智」。念佛往生之妙，為不思議智所成。

大乘廣智：佛智遍照，窮盡一切法門。應「平等性智」。念佛往生之妙，為不思議智所感。

無等無倫最上勝智：佛智勝妙，一切至上。應「大圓鏡智」。念佛往生之妙，為不思議智所發。

信佛智為真實清淨信，菩提心所發，智力所現，離世間煩惱染濁。

三、猶信罪福：五逆十惡為罪，五戒十善為福，尚信罪福因果，行世間善，敬佛念佛，求生淨土。

（覺心未發，信福而不信智，信事而迷於理。）

四、希求佛智、普遍智、無等智、威德廣大不思議智：（前段文之簡說）

「普遍智」相當於「大乘廣智」；「無等智」相當於「無等無倫最上勝智」；

「威德廣大不思議智」相當於「不思議智」與「不可稱智」。

五、於自善根，不能生信：（信自）

信有六：信事，信理；信自，信他；信因，信果。念佛之理甚深難解，惟佛究竟，應信聖言量。



《印光大師文鈔》**信他者**，釋迦如來決無誑語，彌陀世尊決無虛願；隨順諸佛真實教誨，決志求生，更無疑惑，是名信他。**信自者**，吾人現前一念之心，本無邊際；十方虛空微塵國土，原我一念心中所現之物。我雖迷惑顛倒，苟一念回心，**自心本具極樂**，決定得生，更無疑慮，是名信自。

六、佛說阿彌陀經：「不可以少善根福德因緣，得生彼國。」

要解：「聲聞緣覺菩提善根少，人天有漏福業福德少，皆不可生淨土。唯以信願執持名號，則一一聲悉具多善根福德。」

淨土三資糧「信願行」皆從菩提心所發，發菩提心即是真實信。

是諸人等，以此因緣，雖生彼國，不能前至無量壽所，道止佛國界邊，七寶城中。【道止邊界】（喻擲石遠近 由力不同）

佛不使爾（非佛令爾），身行所作，心自趣向（行趣自致）。亦有寶池蓮華，自然受身。飲食快樂，如忉利天。【受如忉利】

於其城中，不能得出（困厄）。所居舍宅在地，不能隨意高大（滯碍）。於五百歲，常不見佛。不聞經法，不見菩薩、聲聞聖眾（愚闇）。【三不自在】

其人智慧不明，知經復少（無機聞法）。心不開解（不見佛不開悟），意不歡樂（煩惱障）。是故於彼，謂之胎生。【假名胎生】

《閱讀參考》

- 一、第二段明邊地果報與受用，分四：道止邊界；受如忉利；三不自在；假名胎生。
- 二、身行所作，心自趣向（行趣自致）：所感果報，皆是身心之所造作，招感而來。業由心生，一切果報由業力牽引，自心招感所現，淨土佛國皆然。如華嚴經：「若人欲了知，三世一切佛，應觀法界性，一切惟心造。」於大乘菩提不信不解，真信未發，真智難啟，故身心受障，感邊地胎生果。
- 三、於五百歲，常不見佛：漢譯「於是間五百歲」，故指人世間五百年。  
然而不宜執著為定數，以極樂品數雖云三輩九品，實則細分無量，故知邊地之差別亦應無量。（觀經下品下生「於蓮華中滿十二大劫，蓮華方開」）  
又邊地之因乃因疑所致，若能懺悔斷疑，發真實信，真智開解，即得出離，花開見佛，不定待五百歲。（如下一品經文所說）

若有眾生，明信佛智，乃至勝智，斷除疑惑（信他力）。信已善根，作諸功德，至心迴向（信己力）。皆於七寶華中，自然化生，跏趺而坐。須臾之頃，身相光明，智慧功德，如諸菩薩（上齊聖賢），具足成就。【化生所由】

彌勒當知，彼化生者，智慧勝故。其胎生者，五百歲中，不見三寶（佛法聖眾）。不知菩薩法式（不解聖法）。不得修習功德。無因奉事無量壽佛。當知此人，宿世之時，無有智慧，疑惑所致（疑為根本煩惱之一）。【智信愚疑】

## 《閱讀參考》

- 一、第三段明胎化之別，分二：化生所由；智信愚疑。
- 二、此段總結胎生化生因果之相，顯斷疑生信至為切要。

明信佛智，信己善根（信力深），作諸功德（正助二行得力），至心迴向（願力切），皆於七寶華中，自然化生，具足成就（花開見佛悟無生）。

【惑盡見佛第四十一】（此品特囑不可甘於小就 故以獄名警之 又明非終於邊地）

### 惑盡見佛第四十一

譬如轉輪聖王，有七寶獄。王子得罪，禁閉其中。層樓綺殿，寶帳金床。欄窗榻座，妙飾奇珍。飲食衣服，如轉輪王。而以金鎖繫其兩足。諸小王子寧樂此不。慈氏白言，不也世尊。彼幽繫時，心不自在。但以種種方便，欲求出離，求諸近臣，終不從心。輪王歡喜，方得解脫。佛告彌勒，此諸眾生，亦復如是。 【不樂寶城】

若有墮於疑悔，希求佛智，至廣大智（只求悟證）。於自善根，不能生信（不遵佛訓，不信自力及帶業）。由聞佛名，起信心故，雖生彼國，於蓮華中，不得出現。 【不信圓智】

（念力再能斷惑 猶戴角之虎 否則只信二力 即能成就）

彼處華胎，猶如園苑宮殿之想。何以故，彼中清淨，無諸穢惡。然於五百歲中，不見三寶。不得供養奉事諸佛。遠離一切殊勝善根。以此為苦，不生欣樂。【背佛為苦】

若此眾生，識其罪本，深自悔責（信佛智力難思），求離彼處。往昔世中，過失盡已，然後乃出。即得往詣無量壽所，聽聞經法。久久亦當開解歡喜，亦得徧供無數無量諸佛，修諸功德。【轉疑仍超】

汝阿逸多，當知疑惑，於諸菩薩為大損害，為失大利。是故應當明信諸佛無上智慧。【應信佛智】

#### 《閱讀參考》

- 一、本品分兩大段，第一大段釋尊舉喻再說胎生邊地因果，並勸悔過出離。  
第二大段彌勒啟問，為何娑婆世界有一類眾生，雖修善而不求生極樂。
- 二、第一大段：特囑不可甘於小就（邊地生），故以獄名警之。並明即使往生邊地，亦非終於邊地，若能除疑啟覺，即得見佛。分五：
  - 一、不樂寶城：舉喻明邊地所受。二、不信圓智：簡要再說邊地因緣。
  - 三、背佛為苦：邊地之苦。四、轉疑仍超：悔過出離之法。
  - 五、應信佛智：結勸。
- 三、彼幽繫時，心不自在：幽：囚禁。繫：捆綁，拘囚、監禁。幽繫即囚禁。  
疑惑之障如囚房，往生邊地受自心之疑惑所困，障真實信，心不開解，故不得自在之樂。

四、墮於疑悔，希求佛智，至廣大智：

疑：於諸諦理，猶豫為性，能障不疑善品為業，令善不生。（根本煩惱）

悔：悔謂惡作，惡所作事，追悔為性。（不定心所）

對希求佛智（總說）至廣大智（別說四智），未能真實深信，於實理有疑惑心，於如實修學之事，易起猶豫追悔，故善法難得增長。

五、識其罪本，深自悔責：

罪本（本罪）：根本之過錯。即疑佛智之罪，非指十惡業等。

悔責：省察自心，悔昔所作，責過棄邪，知見轉正。（感苦起覺）

感受不得見佛聞法之苦，深省其心，了知以疑惑故，於是悔罪除障，啟發真信覺心，待疑過全消，即得出離疑城，見佛聞法。

六、久久亦當開解歡喜：

開解：心開得解。歡喜：聞法能契入法理，明解於心，自然歡喜。

邊地之人「智慧不明，知經復少」，今得見佛聞法，然本具煩惱心垢未除，須經多番聞解修習，增長智慧，乃得契入佛理，得自然歡喜。

慈氏白言，云何此界一類眾生（指娑婆），雖亦修善，而不求生。

佛告慈氏，此等眾生，智慧微淺。分別西方，不及天界，是以非樂，不求生彼。【此眾多愚】

慈氏白言，此等眾生，虛妄分別，不求佛刹，何免輪迴。

佛言，彼等所種善根，不能離相，不求佛慧，深著世樂，人間福報。雖復修福，求人天果，得報之時，一切豐足，而未能出三界獄中（更遶邊地）。【鈍劣邪見】

假使父母、妻子、男女眷屬，欲相救免。邪見業王，未能捨離。常處輪迴，而不自在。汝見愚癡之人，不種善根，但以世智聰辯，增益邪心。云何出離生死大難。【他救難出】

復有眾生，雖種善根（信念力），作大福田。取相分別（見取見），情執深重（人法二執）。求出輪迴，終不能得（不契佛願）（譬喻以剝磨鏡只益其損）。

若以無相智慧，植眾德本。身心清淨，遠離分別。求生淨刹，趣佛菩提。當生佛刹，永得解脫。【離相解脫】

### 《閱讀參考》

一、第二大段彌勒啟問，為何娑婆世界有一類眾生，雖修善而不求生極樂。

初彌勒啟問，釋尊總說：此眾多愚。

彌勒再問，釋尊明說：娑婆眾生不求生極樂之因緣，分三：

一、不能離相，不求佛慧，深著世樂。（鈍劣邪見）

二、邪見未捨，又以世智聰辯，增益邪心。（他救難出）。三、取相分別，情執深重。

釋尊結勸：身心清淨，求生淨刹。（離相解脫）

此段為釋尊對此土眾生，欲求出離生死之精要提示：著相修福，增長邪見，三界難出。離相去障（依教修持，得定發慧），求生淨刹，永得解脫。

二、邪見業王：邪見指一切偏邪不正之知見。（泛指一切見惑，迷於真理。）

知見偏邪，迷而不悟，引生身口意種種惡業，故云「邪見業王」。

三、取相分別，情執深重：

取相分別：執著世間虛妄分別相，於苦樂外境追求難捨。（迷境）（見取見：不解大乘義，誤執往生只為生樂境，已得安樂。） 金剛經：「若心取相，則為著我、人、眾生、壽者。」

情執深重：情執即愚痴，根本煩惱。（我法二執，無明）

愚痴之人，受諸惑所迷，執著分別，受外境所困。不解佛所說大乘義，平等心、慈悲心難發，與「發菩提心」不相應。又信不真、願不實，故雖種善根，卻輪迴難出。（與法不相應故）

四、無相智慧：「無相」有二義：

一、就**理**彰名，真理絕眾相，故名無相。真理，於一切相，離一切相。一切染淨之法，悉為因緣生。以因緣生，故無自性，如夢如幻，諸法唯是空，即空亦為空，是為一切諸法，皆空無相也。「諸法悉空，名為無相。」

二、就涅槃**法相**釋，涅槃離一切虛妄分別之相。涅槃，寂滅。寂者「無為、空寂、安穩」之義，滅者滅生死之大患。涅槃經：「涅槃名為無相。」

無相智慧：能通達諸法體性皆空之理，以清淨平等覺性觀一切法，能令煩惱永寂，生死永滅之無漏智慧。

金剛經：「凡所有相，皆是虛妄，若見諸相非相，則見如來。」

金剛經：「以無我、無人、無眾生、無壽者，修一切善法，則得阿耨多羅三藐三菩提。」

維摩經：「雖行無相而度眾生，是菩薩行。」

【菩薩往生第四十二】

菩薩往生第四十二

彌勒菩薩白佛言。今此娑婆世界，及諸佛刹，不退菩薩，當生極樂國者，其數幾何。【慈氏問數】

佛告彌勒，於此世界，有七百二十億菩薩，已曾供養無數諸佛。植眾德本，當生彼國。諸小行菩薩，修習功德，當往生者，不可稱計。【此界生者】

《閱讀參考》

一、本品廣明十方菩薩往生之數無量，證法勸修。

淨土妙法，聖凡齊收，利鈍悉被。

不退菩薩，植眾德本，皆當往生，當見賢思齊。

小行菩薩，當往生者，不可稱計，當求身列其班。

此段明娑婆世界依法修持得往生者，其數甚多，不可計量。

二、不退菩薩：即大行菩薩（圓教初住以上）。

小行菩薩：十信位菩薩，未得淨心，升沉不定。然依法修持，蒙彌陀願力加持，佛光攝受，皆得往生。



不但我刹諸菩薩等，往生彼國。他方佛土，亦復如是。

從遠照佛刹（第二），有十八俱胝那由他菩薩摩訶薩，生彼國土。


東北方寶藏佛刹，有九十億不退菩薩，當生彼國。

從無量音佛刹、光明佛刹、龍天佛刹、勝力佛刹、師子佛刹、離塵佛刹、德首佛刹、仁王佛刹、華幢佛刹，不退菩薩當往生者，或數十百億，或數百千億，乃至萬億。

其第十二佛名無上華，彼有無數諸菩薩眾，皆不退轉。智慧勇猛，已曾供養無量諸佛，具大精進，發趣一乘。於七日中，即能攝取百千億劫，大士所修堅固之法。斯等菩薩，皆當往生。其第十三佛名曰無畏，彼有七百九十億大菩薩眾，諸小菩薩及比丘等，不可稱計，皆當往生。

十方世界諸佛名號，及菩薩眾當往生者，但說其名，窮劫不盡。【他界生者】

《眉注》



## 《閱讀參考》

### 一、此段釋尊於無量佛剎中，略舉他方十三佛剎，無量菩薩皆得往生極樂。

從遠照佛剎（第一）至第十二佛剎，皆舉不退菩薩往生，第十二佛剎並略舉不退菩薩之德，彰顯智德之士，皆求生極樂。（會眾中不退菩薩甚多）

於第十三佛剎，再標示「諸小菩薩及比丘等，不可稱計，皆當往生。」

如是盡攝三根，證勸會眾及未來聞法眾生，令專求往生。

### 二、發趣一乘：

發：發心，初發。趣：歸趣，趣向。一乘：佛乘也。（出法華經）

乘即運載之義。佛說一乘之法，為令眾生依此修行，出離生死苦海，運至涅槃彼岸（畢竟成佛）。故喻以七寶大車，而導之以大白牛也。佛之出世，意欲直說法華。蓋由眾生根機不等，於是先說三乘之法而調熟之。

經云：於一乘道，分別說三。後至法華，會三乘之小行，歸廣大之一乘。

「三乘：聲聞乘（羊車）、緣覺乘（鹿車）、菩薩乘（牛車）。」

**發趣一乘：**大乘菩薩，以圓融三觀，觀於諸法實相之理，頓破無明煩惱，成就一切種智（佛智）。

如乘大白牛車，至於寶所。故經云：有大白牛，肥壯多力，行步平正，其疾如風。

法華經方便品：

「十方佛土中，唯有一乘法，無二亦無三，除佛方便說。」

「諸佛如來，以方便力，於一佛乘，分別說三。」

《閱讀資料》

◎本經正宗分結要：

- 一、首明法藏廣大誓願，為令行者生擔荷心，發起悲智，具普賢願故。
  - 二、次明法藏廣大功德，為令行者生真實心，廣行方便，滿普賢行故。
  - 三、次明極樂依正種種莊嚴，為令行者生決定心，至誠迴向，入佛境界。
  - 四、次明往生正因，及世間果報，為令行者生精進心，一念念佛，成就三昧，決生彼國故。
- （前二是勸願，第三是勸信，第四勸行。）

◎智者大師讚無量壽經

智者大師，入滅前，請眾誦唱法華經、無量壽經，為最後聞思。

聽《無量壽》竟，贊曰：

「四十八願，莊嚴淨土。華池寶樹，易往無人。火車相現，能改悔者，尚復往生。況戒慧熏修，行道力故，實不唐捐。梵音聲相，實不誑人。」

當唱經時，吳州侍官張達等伴五人，自見大佛倍大石尊，光明滿山，直入房內。諸僧或得瑞夢，或見奇相，雖複異處而同是。

（摘錄自「隋天臺智者大師別傳」門人灌頂撰）

「火車相現：臨終時，地獄相現。」

【非是小乘第四十三】

非是小乘第四十三

佛告慈氏。汝觀彼諸菩薩摩訶薩，善獲利益（指前列六種功德）。若有善男子、善女人，得聞阿彌陀佛名號，能生一念喜愛之心，歸依瞻禮，如說修行。當知此人為得大利（一念即獲難易攸分），當獲如上所說功德。【獲法平等】

心無下劣，亦不貢高，成就善根，悉皆增上。當知此人非是小乘，於我法中，得名第一弟子。【是法最尊】

《閱讀參考》

一、本品舉得聞阿彌陀佛名號，獲利深廣，勸學此經，聞名依經，特勸持名。

有二：修學之人得利；此經微妙希有。

二、修學之人得大利。

獲法平等：聞佛名得益多，如說修行，皆得大利。

是法最尊：成就善根，悉皆增上。一切法中，第一弟子。

三、一念：一念至信，發願修行，必生淨土，具足無上功德。

四、心無下劣：於自善根，能生信故。

亦不貢高：明信佛智，心佛眾生三無差別故。

五、非是小乘：彌陀大願海，唯是一乘，大白牛車。法中第一，如教奉行是為第一弟子。

是故告汝天人世間、阿修羅等。應當愛樂修習，生希有心。於此經中，生導師想。欲令無量眾生，速疾安住得不退轉。及欲見彼廣大莊嚴，攝受殊勝佛刹，圓滿功德者。當起精進，聽此法門（應非是小乘）。【菩薩必修】

為求法故，不生退屈諂偽之心。設入大火，不應疑悔。何以故，彼無量億諸菩薩等，皆悉求此微妙法門，尊重聽聞，不生違背。多有菩薩，欲聞此經而不能得。是故汝等，應求此法。【難聞中難】

#### 《閱讀參考》

##### 一、此經微妙希有：

菩薩必修：勸尊重依止，愛樂修習本經所授之法。

令無量眾生，速疾安住得不退轉。（利他）

攝受廣大莊嚴殊勝佛刹，圓滿功德。（自利）

難聞中難：微妙法門，欲聞難得，尊重聽聞，不生違背。深勸大眾，應堅信此經。

##### 二、退屈諂偽：退轉、虛偽、敷衍。退屈：退轉，退縮。諂偽：奉承虛偽，敷衍了事。

##### 三、設入大火，不應疑悔：表深信切願。

##### 四、何以故：


世尊設問，從正向、反向，深顯其義。並慈悲付囑，應求此法。

【受菩提記第四十四】

受菩提記第四十四

若於來世（滅度），乃至正法滅時。當有眾生，植諸善本，已曾供養無量諸佛，由彼如來加威力故，能得如是廣大法門。【加持聞法】

攝取受持，當獲廣大一切智智。於彼法中，廣大勝解（由加持故），獲大歡喜，廣為他說（三利），常樂修行。【受持獲解】



《閱讀參考》

- 一、本品舉聞此經得益廣大，勸人修學，信受奉行。有三：  
如來加威；得不退轉；應當專修。
- 二、如來加威：已曾供養無量諸佛，如來加威，受持得利。分二：  
加持聞法：供養諸佛，善根成熟，得聞此法。  
受持獲解：受持此法，能得佛智。故自己常樂修行，並以此廣勸他人。

諸善男子及善女人，能於是法，若已求、現求、當求者，皆獲善利。汝等應當安住無疑，種諸善本。應常修習，使無疑滯。不入一切種類珍寶成就牢獄（三界諸天）。【應住無疑】阿逸多，如是等類大威德者（不疑不退之人），能生佛法廣大異門（得入淨土之法）。由於此法不聽聞故，有一億菩薩，退轉阿耨多羅三藐三菩提。【不聞輒退】

#### 《閱讀參考》

一、得不退轉：勸安住無疑，種諸善本，得不退轉。分二：

應住無疑：安住於法，深信無疑，種諸善本。常修習，不懈怠。

不聞輒退：不疑不退得廣大利益，並舉例示警，不聞此法常生退轉。

若有眾生，於此經典，書寫（流通）、供養（奉獻）、受持（修自）、讀誦（供眾），於須臾頃為他演說，勸令聽聞（弘揚）。不生憂惱（不沮不退不悔），乃至晝夜思惟彼剎及佛功德（憶念），於無上道（佛果），終不退轉（將來決定成佛）。彼人臨終，假使三千大千世界滿中大火，亦能超過，生彼國土（當生決定生西）。【決證決生】

是人已曾值過去佛，受菩提記。一切如來，同所稱讚。是故應當專心信受，持誦，說行。（雖曾受記 當生圓成與否 須看功行）【告勸專修】

#### 《閱讀參考》

- 一、應當專修：如法修學，必得往生，應當專修。分二：
  - 決證決生：依經修學，真誠受持，演說弘揚。晝夜憶念，決定往生。
  - 告勸專修：善根深厚，諸佛稱讚，應當專修。
- 二、不沮：不頹喪、意志堅定積極。沮：頹喪、意志消沉。如：「沮喪」

#### 【獨留此經第四十五】

#### 獨留此經第四十五

吾今為諸眾生說此經法，令見無量壽佛，及其國土一切所有（物品莊嚴）。所當為者（上求下化），皆可求之。無得以我滅度之後，復生疑惑。【佛滅無疑】  
當來之世，經道滅盡，我以慈悲哀愍，特留此經止住百歲。【留經住世】

#### 《閱讀參考》

- 一、本品「叫人請決」。（義疏）
- 二、佛滅無疑：彰佛化意，正勸決定，除後人疑。留經住世：慈悲哀愍，留經度眾。
- 三、佛以慈悲憐愍眾生，故法滅後，獨留此經百歲濟世。
  - 以此經中開示淨土，令人求生，故偏留之。此經教人厭苦求樂，濟凡中要，為是後滅。（義疏）
- 四、法滅盡後，百年聞者，尚得利益，往生淨土。況今聞者，何有不生。
  - 今聞經，有求去者，定得往生，莫自疑慮。（義疏）



其有眾生，值斯經者，隨意所願（發心不二），皆可得度。【有願皆滿】

如來興世，難值難見（一）。諸佛經道，難得難聞（二）。遇善知識（三），聞法能行（四），此亦為難。若聞斯經，信樂受持（五），難中之難，無過此難。【難中之難】

《閱讀參考》

一、有願皆滿：依經解行，發願雖異，皆得其相應之成就，皆可得度。

難中之難：聞經信受，難中之難。（相續五難）

二、遇善知識：明師善友，如佛所說解行者。

若有眾生得聞佛聲，慈心清淨，踴躍歡喜，衣毛為起，或淚出者。皆由前世曾作佛道，故非凡人。若聞佛號，心中狐疑，於佛經語都無所信。皆從惡道中來，宿殃未盡，未當度脫，故心狐疑，不信向耳。【證知夙生】

《閱讀參考》

一、證知夙生：以夙生善根故，得聞妙法。

二、世尊舉兩種眾生根機為對比，勸信勸修。

【勤修堅持第四十六】

勤修堅持第四十六

佛告彌勒，諸佛如來無上之法，十力無畏，無礙無著，甚深之法。及波羅蜜等菩薩之法。非易可遇。能說法人（智不及佛菩薩），亦難開示。堅固深信，時亦難遭。【難遇難說】我今如理宣說如是廣大微妙法門（普攝群機 盡包三藏），一切諸佛之所稱讚。付囑汝等，作大守護。為諸有情長夜利益，莫令眾生淪墮五趣，備受危苦。應勤修行，隨順我教。【付法重勸】

《閱讀參考》

- 一、難遇難說：此法無上，惟佛能說，難遇難說，能聞且堅固深信，時機甚難得。
- 二、付法重勸：付囑大眾守護此經，並以此法救護眾生。

當孝於佛（立法故），常念師恩（傳此法故），當令是法久住不滅（弘此法）。當堅持之，無得毀失（護此法）。無得為妄，增減經法。常念不絕（修此法），則得道捷。我法如是，作如是說。如來所行（此法以外如來萬德），亦應隨行。種修福善，求生淨刹。【諄勸重法】

《閱讀參考》

- 一、諄勸重法：尊師重道，依教奉行。

一、「常念不絕，則得道捷。我法如是，作如是說。如來所行，亦應隨行。種修福善，求生淨刹。」

此四句總結全經要義，為淨宗修行之綱要。長行文之總要。

### 【福慧始聞第四十七】

#### 福慧始聞第四十七

爾時世尊而說頌曰：

若不往昔修福慧

於此正法不能聞

已曾供養諸如來

則能歡喜信此事 【夙根今聞】

惡驕（貢）懈怠及邪見

難信如來微妙法（自障智慧）

譬如盲人恆處闇（有光自不能覩）

不能開導於他路（盲人不能指路 自疑阻他） 【惡障自他】

#### 《閱讀參考》

一、貢高：自以為高人一等。淨名經：「我心憍慢者，為現大力士，消伏諸貢高，令住無上道。」

唯曾於（遇）佛植眾善（上求）

救世之行（現）方能修（下化）

聞已受持及書寫

讀誦讚演并供養

如是一心求淨方

決定往生極樂國

假使大火滿三千

乘佛威德悉能超 【信持決生】

如來深廣智慧海

唯佛與佛乃能知

聲聞億劫思佛智（修他宗者不解此事）

盡其神力莫能測 【佛智難測】

如來功德佛自知

唯有世尊能開示（能說法人亦不能說）

人身難得佛難值

信慧聞法難中難（立五根 信此法） 【聞法最難】

《閱讀參考》

一、佛智難測：深讚佛智，欲令聞者，了知如來智深，而誠信如來之語。

聞法最難：佛勸行人，當深信切願，念佛求生，切莫錯過。此回若錯，則真成錯矣。

若諸有情當作佛

行超普賢登彼岸（必由此法方能易超）

是故博聞諸智士

應信我教如實言 【上智聞信】

如是妙法幸聽聞

應常念佛而生喜

受持廣度生死流

佛說此人真善友 【淳勸二度】

《閱讀參考》

一、總結全經，回應本經之初「德尊普賢」，與會菩薩「咸共遵修普賢大士之德」，結示此法真實不可思議。

二、普賢大士十大行願，導歸極樂。本經以信願持名一法，廣攝六度萬行，方便中第一方便，圓頓中更顯圓頓，盡攝普賢無邊行門。


## 聞經獲益第四十八

爾時世尊說此經法，天人世間有萬二千那由他億眾生，遠離塵垢，得法眼淨。二十億眾生，得阿那含果。六千八百比丘，諸漏已盡，心得解脫。 【小眾獲益】

四十億菩薩，於無上菩提住不退轉，以弘誓功德而自莊嚴。二十五億眾生，得不退忍。四萬億那由他百千眾生，於無上菩提未曾發意，今始初發，種諸善根，願生極樂，見阿彌陀佛。皆當往生彼如來土。各於異方次第成佛，同名妙音如來。 【大眾獲益】

復有十方佛刹，若現在生，及未來生，見阿彌陀佛者。各有八萬俱胝那由他人，得授記法忍，成無上菩提。彼諸有情，皆是阿彌陀佛宿願因緣，俱得往生極樂世界。 【十方獲益】

《眉注》



爾時三千大千世界，六種震動（一）。并現種種希有神變（二）。放大光明，普照十方（三）。復有諸天，於虛空中，作妙音樂（四），出隨喜聲。乃至色界諸天，悉皆得聞，歎未曾有。無量妙花（五），紛紛而降。【威現五瑞】

尊者阿難，彌勒菩薩，及諸菩薩，聲聞，天龍八部，一切大眾。聞佛所說，皆大歡喜，信受奉行。【歡喜信奉】

《眉注》

器世間

六種震動  
種種神變  
光明普照  
天樂隨喜  
天雨妙花

佛說大乘無量壽莊嚴清淨平等覺經

# 阿彌陀佛四十八大願

依據《佛說無量壽經》曹魏 天竺三藏 康僧鎧 譯

設我得佛。國有地獄、餓鬼、畜生者。不取正覺。《第一願 國無惡道》

設我得佛。國中天人壽終之後。復更三惡道者。不取正覺。《第二願 不更惡道》

設我得佛。國中天人。不悉真金色者。不取正覺。《第三願 身真金色》

設我得佛。國中天人。形色不同有好醜者。不取正覺。《第四願 形色相同》

設我得佛。國中天人。不識宿命。下至知百千億那由他諸劫事者。不取正覺。《第五願 宿命智通》

設我得佛。國中天人。不得天眼。下至見百千億那由他諸佛國者。不取正覺。《第六願 天眼普見》

設我得佛。國中天人。不得天耳。下至聞百千億那由他諸佛所說。不悉受持者。不取正覺。

《第七願 天耳普聞》

設我得佛。國中天人。不得見他心智。下至知百千億那由他諸佛國中眾生心念者。不取正覺。

《第八願 他心悉知》

設我得佛。國中天人。不得神足。於一念頃。下至不能超過百千億那由他諸佛國者。不取正覺。

《第九願 神足無礙》

設我得佛。國中天人。若起想念貪計身者。不取正覺。《第十願 不貪計身》

設我得佛。國中天人。不住定聚。必至滅度者。不取正覺。《第十一願 住定證滅》

設我得佛。光明有限量。下至不照百千億那由他諸佛國者。不取正覺。《第十二願 光明無量》

設我得佛。壽命有限量。下至知百千億那由他劫者。不取正覺。《第十三願 壽命無量》

設我得佛。國中聲聞。有能計量。乃至三千大千世界眾生。悉成緣覺。於百千劫。悉共計校知其數者。不取正覺。《第十四願 聲聞無數》

設我得佛。國中天人。壽命無能限量。除其本願。修短自在。若不爾者。不取正覺。  
《第十五願 隨願脩短》

設我得佛。國中天人。乃至聞有不善名者。不取正覺。《第十六願 不聞惡名》

設我得佛。十方世界無量諸佛。不悉咨嗟稱我名者。不取正覺。《第十七 諸佛稱歎》

設我得佛。十方眾生。至心信樂。欲生我國。乃至十念。若不生者。不取正覺。唯除五逆。誹謗正法。  
《第十八願 十念必生》

設我得佛。十方眾生。發菩提心。修諸功德。至心發願。欲生我國。臨壽終時。假令不與大眾圍繞現其人前者。不取正覺。《第十九願 臨終接引》

設我得佛。十方眾生。聞我名號。繫念我國。植諸德本。至心迴向。欲生我國。不果遂者。不取正覺。  
《第二十願 欲生果遂》

設我得佛。國中天人。不悉成滿三十二大人相者。不取正覺。《第二十一願 三十二相》

設我得佛。他方佛土諸菩薩眾。來生我國。究竟必至一生補處。除其本願。自在所化。為眾生故。被弘誓鎧。積累德本。度脫一切。遊諸佛國。修菩薩行。供養十方諸佛如來。開化恆沙無量眾生。使立無上正真之道。超出常倫。諸地之行。現前修習普賢之德。若不爾者。不取正覺。  
《第二十二願 一生補處》



設我得佛。國中菩薩。承佛神力。供養諸佛。一食之頃。不能遍至無量。無數億那由他諸佛國者。不取正覺。《第二十三願 供養諸佛》

設我得佛。國中菩薩。在諸佛前。現其德本。諸所求欲供養之具。若不如意者。不取正覺。  
《第二十四願 供具隨意》

設我得佛。國中菩薩。不能演說一切智者。不取正覺。《第二十五願 演說妙智》

設我得佛。國中菩薩。不得金剛那羅延身者。不取正覺。《第二十六願 那羅延身》

設我得佛。國中天人。一切萬物。嚴淨光麗。形色殊特。窮微極妙。無能稱量。其諸眾生。乃至逮得天眼。有能明了。辯其名數者。不取正覺。《第二十七願 一切嚴淨》

設我得佛。國中菩薩。乃至少功德者。不能知見其道場樹無量光色。高四百萬里者。不取正覺。  
《第二十八願 道樹高顯》

設我得佛。國中菩薩。若受讀經法。諷誦持說。而不得辯才智慧者。不取正覺。  
《第二十九願 誦經得慧》

設我得佛。國中菩薩。智慧辯才若可限量者。不取正覺。《第三十願 慧辯無限》

設我得佛。國土清淨。皆悉照見十方一切無量無數不可思議諸佛世界。猶如明鏡。睹其面像。若不爾者。不取正覺。《第三十一願 照見十方》

設我得佛。自地以上。至於虛空。宮殿樓觀。池流華樹。國土所有一切萬物。皆以無量雜寶百千種香而共合成。嚴飾奇妙。超諸天人。其香普薰十方世界。菩薩聞者。皆修佛行。若不爾者。不取正覺。  
《第三十二願 寶香妙嚴》

設我得佛。十方無量不可思議諸佛世界眾生之類。蒙我光明觸其身者。身心柔軟。超過天人。若不爾者。不取正覺。《第三十三願 蒙光柔軟》

設我得佛。十方無量不可思議諸佛世界眾生之類。聞我名字。不得菩薩無生法忍諸深總持者。不取正覺。《第三十四願 聞名得忍》

設我得佛。十方無量不可思議諸佛世界。其有女人。聞我名字。歡喜信樂。發菩提心。厭惡女身。壽終之後。復為女像者。不取正覺。《第三十五願 脫離女身》

設我得佛。十方無量不可思議諸佛世界諸菩薩眾。聞我名字。壽終之後。常修梵行。至成佛道。若不爾者。不取正覺。《第三十六願 常修梵行》

設我得佛。十方無量不可思議諸佛世界諸天人民。聞我名字。五體投地。稽首作禮。歡喜信樂。修菩薩行。諸天世人。莫不致敬。若不爾者。不取正覺。《第三十七願 天人致敬》

設我得佛。國中天人。欲得衣服。隨念即至。如佛所讚應法妙服。自然在身。若有裁縫染治浣濯者。不取正覺。《第三十八願 衣服隨念》

設我得佛。國中天人。所受快樂。不如漏盡比丘者。不取正覺。《第三十九願 樂如漏盡》

設我得佛。國中菩薩。隨意欲見十方無量嚴淨佛土。應時如願。於寶樹中。皆悉照見。猶如明鏡。睹其面像。若不爾者。不取正覺。《第四十願 樹中現剎》

設我得佛。他方國土諸菩薩眾。聞我名字。至於得佛。諸根缺陋不具足者。不取正覺。  
《第四十一願 諸根無缺》

設我得佛。他方國土諸菩薩眾。聞我名字。皆悉速得清淨解脫三昧。住是三昧。一發意頃。供養無量

不可思議諸佛世尊。而不失定意。若不爾者。不取正覺。《第四十二願 清淨解脫》

設我得佛。他方國土諸菩薩眾。聞我名字。壽終之後。生尊貴家。若不爾者。不取正覺。

《第四十三願 聞名得福》

設我得佛。他方國土諸菩薩眾。聞我名字。歡喜踴躍。修菩薩行。具足德本。若不爾者。不取正覺。

《第四十四願 修行具德》

設我得佛。他方國土諸菩薩眾。聞我名字。皆悉速得普等三昧。住是三昧。至於成佛。常見無量不可思議一切諸佛。若不爾者。不取正覺。《第四十五願 普等三昧》

設我得佛。國中菩薩。隨其志願所欲聞法。自然得聞。若不爾者。不取正覺。《第四十六願 隨類聞法》

設我得佛。他方國土諸菩薩眾。聞我名字。不即得至不退轉者。不取正覺。《第四十七願 聞名不退》

設我得佛。他方國土諸菩薩眾。聞我名字。不即得至第一忍。第二第三法忍。於諸佛法不能即得不退轉者。不取正覺。《第四十八願 得三法忍》

## 回向偈

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生極樂國
十方三世一切佛	
一切菩薩摩訶薩	
摩訶般若波羅蜜	